



吳郡志卷五

營寨

禁軍

威果二十八指揮



雄節第九指揮

威果四十一指揮

威果六十五指揮

全捷二十一指揮

補注新軍省割平江李知府申壽朋猥以亡庸誤叨  
藩輔之寄到任之初首訪軍籍禁軍元額計  
三百三十人前後闕額因循不補在籍者一千七百  
五人而已壽朋多方招募不問子弟百姓但是少壯  
及等卽時當廳收刺無毫髮所費由是人樂應募自  
正月八日爲始至五月終共招刺到六百三十八並



已填足元額分番教閱立定賞格示以激勸目今古  
弩事藝漸已習熟其間亦有出等者若自此不廢則  
皆爲可用之兵壽朋又謂國家置禁軍以壯蕃屏置  
弓手土兵以警盜賊本府六縣所管寨分頗多關額  
截日終已招填到四十八人見督巡尉嚴行教閱此  
外如廂軍如遞鋪共又收刺到八十一人新刺廂軍  
鉅令閱習事藝如遇賞射與禁軍一般支犒但目今  
所管弓弩衣甲器械委是欠闕見行措置日夕打造  
庶幾緩急有備不致上誤使令除將軍兵射藝及支  
犒等則費過錢會開具軍冊供申外伏乞證會小貼  
子壽朋證得所招填到禁軍等月給錢米春冬衣賜  
及賞射支犒以一歲計之爲數約十萬緡並係本府  
自行計置不敢上  
瀆朝廷併乞證會

證得平江府先來曾招到禁軍五百人今又招到  
六百三十人合證鎮江府例令爲一軍分立隊伍  
別行選差將官專一管轄日逐嚴督精加訓練務  
令一勇銳不許諸司州府見任州官及寄居差  
借占破私役須至劄下

右劄付平江府遵證今來劄下事理逐一措置  
施行仍具申樞密院准此

廂軍

崇節第九指揮

崇節第十指揮

崇節第十一指揮

崇節第十二指揮

壯城指揮

中軍鼓角指揮

橫江指揮

寧節第三指揮

城下開江指揮

按長編范仲淹疏臣知蘇州日點檢簿書一州之田係出稅者三萬四千頃中稔之利每畝得米二石至



三石計出米七百餘萬石東南每歲上供之數六百萬石乃一州所出臣詢訪高年則云曩時蘇州有營田軍四都共七八千人專爲田事導河築堤以減水患于時民間錢五十文糴白米一石自皇朝一統江南不稔則取之浙右湖南不稔則取之淮南故慢於農政不復修舉江南圩田浙西河塘大半墮廢失東南之大利今江浙之米石不下六七百足至一貫省比於當時其貴十倍民不得不困國不得不虛矣又按中興小歷紹興二十八年知平江府蔣璨言太湖者數州之巨浸而獨泄以松江之一川宜其勢有所不逮是以昔人於常熟之北開二十四浦疏而導之楊子江又於崑山之東開一十二浦分而納之海三十六浦後爲朝夕沙積而開江之卒亦廢於是民田有淹沒之憂天聖間漕臣張綸嘗於常熟崑山各開衆浦景祐間郡守范仲淹亦親至海浦浚開五河政和間提舉官趙霖又開三十餘浦此見於已行者也今諸浦湮塞又非前比總計用工三百三十餘萬錢三十三萬餘貫米十萬餘石緣平江積水已兩月未退望速行之乃詔監察御史任古覆視旣而古至平江又言常熟五浦通江委是快便若依趙子湫提時職所請以五千人爲率來歲正月入役月餘可畢又言平江四縣舊有開江兵二千人今乞止於常熟

崑山兩縣各招  
填百人從之

按府籍元額城下五百人崑山常熟吳江各五百  
人與中興小歷合今奇者百不一二  
補注 創起至一貫制者

### 作院指揮

忠順官寨在報恩光孝寺後淳熙二年建

### 御前許浦水軍寨

許浦水軍省創明殿學士左中奉大夫知平江軍州事  
汪應辰劄子奏臣契勘平江府在二省樞密院劄子御前  
水軍統制馬湛申已躬親遍歷相視海道控扼去處數內  
蘇州許浦鎮實控扼之要港以深遠可以安泊舟船且地  
高廣可以安立寨柵比之江陰屯駐之地公議是勝且去  
淮甸不遠反候相繼易於探報比之定海駐劄之地尤爲  
良便乞於許浦鎮移駐大軍合用策地乞委下江鎮差官  
與本軍同共前去許浦踏逐標撥并教場地步施行四月  
九日三省樞密院同奉聖旨依劄付平江府者本府尋遵  
依指揮差委常熟縣丞秦焯同水軍統制差來便臣踏逐

塞地間今據所差委官申水軍統制司先差到將官等遷  
定合立寨堡其所指地段並保人戶居住八十餘家約有  
屋宇數百間及積年埋葬墳塋三十餘所又有十人坑焚  
化院各一所又包占田土約七千餘畝並係膏腴之地見  
種麻麥相次成熟已被蹂踐及種下秧苗亦皆發壞小民  
失業號泣盈路兼許浦鎮止係邊江不當海道自來即非  
緊切控扼之地舊年會經分撥些小防秋人船時暫屯戍  
其海道自別有要害去處正合分軍屯駐今却全軍盡在  
許浦亦未爲便臣以上件事理詢訪士民皆言委是利害  
如此一切以水軍萬人聚在一處若謂防托海道其許浦去  
海約一百六十餘里既非緊切控扼之地而其他要害去  
處又却無備徒使一方百姓麻麥秧田既已失望田廬墳  
墓復不能保伏望特降睿旨施行取進止三省樞密院同  
奉聖旨令平江府依已降指揮疾速逐仍打畫圖本申三  
省樞密院乾道六年閏五月元額管官兵一萬二千分  
爲四軍八將六十二隊於內分撥三百人江陰駐劄三年  
道七年十月奉聖旨御前水軍以七千人爲額淳熙三年  
二月馮湛奏請再招收一千人奉聖旨增額五百人五年  
八月于友奏乞增額五百人不拘等仗刺充勝捷均驗使  
喚紹興元年四月奉聖旨發到福州寄招補可水手三百  
二十人併續發到水手一百八十人付司收刺支破吐渾  
請給嘉泰四年七月樞密院劄子措置招募敗倭人奉聖

旨令招募情願充應販倭人二十人支破全分効用請給  
開禧二年馬拱申海船百隻水手分布不敷乞招收三色  
軍兵五百人又乞招收武藝精熟識見可用一百人刺充  
全効及次等効用奉聖旨並依嘉定十五年吳英申乞增  
招稍可水手八百四十人刺充勝捷吐渾與元管軍兵總  
以萬人爲額顧逕水軍省割平江府許浦水軍都統制吳  
英申證對本司駐劄許浦分屯列戍管認江海界分洩闊  
責任匪輕所管隘口唯顧逕最是緊要蓋緣坐落楊子大  
江末流去海甚近北通沙密邇敵境本司差撥官兵二  
千人著隘防捍比年以來虜寇侵擾兩淮州郡累蒙朝廷  
調遣本司兵船前去建康直至江池鄂渚應援防護江面  
本司兵額雖曰萬人除分屯顧逕黃魚塚江陰寨及楚州  
管下淮海等處捍禦出江下海巡捕盜賊諸雜輪流差使  
逃亡名關外許浦在寨人數無幾每遇調遣不免逐急於  
顧逕戍兵二千八人內抽差一千添同前去止有千人在戍  
除看守倉場庫務軍器支打錢糧外守禦者委是寡少況  
海湖戰船盡泊此港設若賊徒窺伺乘間經涉海道沙窩  
作過本戍關人捍禦所繫甚重豈得不預爲布列兵屯以  
防叵測今欲措置增招二千人添置左軍內撥新舊軍人  
相半同老小專一駐劄顧逕防托海道如或上流江西等  
處設有警急乃就許浦便可調發庶幾摘抽顧逕兵船不  
致有前出後空之慮亦省官兵小弁錢米實軍國經久利

便寶慶元年十一月

補注

牧馬寨大寨八小寨十七散在城內每歲四月差統兵官總  
轄牧放九月回總轄衙在定慧寺西按中興小歷紹興十  
八年夏四月殿帥楊存中乞於平江府添蓋牧馬屋詔所  
費並令官給見緡不得科民二十八年春正月令平江府  
改造瓦屋上諭宰執據間架支錢付逐軍自蓋如戶部闕  
從內庫支

補注

吳郡志卷五

吳郡志卷六

官宇

吳都佳麗自昔所聞建炎兵燼所存惟覺報小寺及子城角  
天王祠今州宅官廨學舍倉庾亭館之類皆中興後隨事草  
創不能悉如舊觀輒攷故事併異時名額識之以備攷古

譙樓紹興二年郡守席益鳩工三年郡守李擢成之二十  
年郡守徐兢篆平江府額然止能立正門之樓兩旁挾  
樓至今未復遺基巋然

戟門紹興元年郡守胡松年建榜以平江軍額徐琛書

設廳皇祐中李晉卿以兵部員外郎守郡嘗修大廳蔣堂  
爲記敘廳之所始甚詳今題名逸李姓名晉卿是其字

也後嘉祐中王琪以知制誥守郡始大修設廳規模宏壯假省庫錢數千緡廳既成漕司不肯除破時方貴杜集人間苦無全書琪家藏本讎校素精卽俾公使庫鏤版印萬本每部爲直千錢士人爭買之富室或買十許部旣償省庫羨餘以給公厨兵火之後紹興三年郡守宋伯友更建今廳高宗皇帝巡幸嘗以爲正衙制度差

雄

蔣堂重修大廳記始蘇受署驛新成當兵部員外郎李公晉卿守之明年冬十月也政修事舉所至精

明完葺之初見梁間有題識乃有唐乾寧元年刺史成及所建乾寧距聖宋一百六十有餘年矣刺是郡者接跡不絕凡受署訖卽臨便閣煩輒沉迷其於聽事或司日不一至以至年紀遠棟將堯焉予昔兩館蘇印班錄餘間每浚池門構臺榭以館過賓以備宴衍以遊章白二公風跡雖自以爲適然於是廳繕完有所未至今觀李公之爲有過人者圖新補廢俾唐末之遺構巍乎顯明吏民瞻之靡不胥悅君子謂李公急於先務知布

政之本焉予目是事慨然自咎因  
書本末云時皇祐六年三月日記

黃堂郡國志在雞陂之側春申君子假君之殿也後太守  
居之以數失火塗以雌黃遂名黃堂卽今大守正廳是  
也今天下郡治皆名黃堂昉此

郡圃在州宅正北前臨池光亭大池後抵齊雲樓城下甚  
廣袤案唐有西園舊木蘭堂基正在郡圃之西其前隙  
地今爲教場俗呼後設場疑卽古西園之地郡治舊有  
齊雲初陽及東西四樓木蘭堂東西二亭北軒東齋等  
處今復立者惟齊雲西樓東齋爾餘皆兵火後一時創  
立非復能如舊聞

東樓唐有之今廢

獨孤及重陽陪李蘇州東樓宴詩是菊  
花開日當君乘興秋風前孟嘉帽月下



庾公樓酒解留征客歌能破別  
愁醉歸無以贈祇奉萬年訓

# 初陽樓在郡中池上既曰初陽宜占東城今廢

皮日休登初陽樓危

樓新製號初陽白粉青葢射沼光避酒幾浮輕舴艋十  
碁曾覺睡鴛鴦投釣列坐圍華燭格籊分明占靚粧莫  
怪重登頻有恨二年曾侍舊吳王陸龜蒙遠窗浮檻亦  
成年幾伴楊公白晝筵日暖煙花曾撲地氣和星象却  
歸天閒將水石侵軍壘醉引笙歌上釣船  
無限恩波猶在目東風吹起細漪漣

# 東亭唐有之今更它名

白居易溫溫土爐火耿耿紗籠燭獨抱一張琴夜入東齋宿窗聲度

殘漏簾影浮初旭頭癢曉梳多眼昏春睡足負喧簷宇  
下散步池塘曲南鴈去未迴東風來何速雪依瓦溝白  
草遶牆根綠何言萬  
戶州太守常幽獨

# 西亭唐有之今西齋是其處

白居易詩常愛西亭面北林公私塵事不能侵共閒作伴

無如鶴與老相宜只有琴莫遣是非分作界須教吏隱  
合爲心可憐此道人皆見但有修行功用深又題西亭  
朝亦視簿書暮亦視簿書簿書視未竟蟋蟀鳴座隅始  
覺方歲晚復嗟塵務拘西園景多暇可以少躊躇池鳥

澹容與橋柳高扶疎烟蔓嫋青薜水花披白萼何人造  
茲亭華敞綽有餘四簷軒鳥翅複屋羅蜘蛛直廊枉曲  
房隣窾深且虛脩竹夾左右清風來徐徐此宜宴嘉賓  
鼓瑟吹笙等荒淫卽不可廢曠將何如幸有酒與樂及  
時歡且娛忽其解郡印他人來此居

西園在郡圃之西隙地直子城甚袤唐謂之西園今以作

教場

白居易邱園誰共卜山水共誰尋風月共誰賞詩篇共誰吟花開共誰看酒熟共誰斟惠死莊杜口

鍾殳師廢琴道理使之然從古非獨今吾道自  
此孤我情安可任唯將病眼淚一灑秋風襟

北軒在郡宅之後

梅摯北軒欹枕苦無勤瘁補臺綱西院  
西頭冷峭房今日鈴齋一欹枕清風不

敢傲  
義皇

北池又名後池唐在木蘭堂後韋白常有歌詠白公檜蓋  
在池中皮陸亦有木蘭後池白蓮重臺蓮浮萍三詠今  
池乃在正堂之後而木蘭堂基正在其西後無池跡豈

所謂木蘭堂基者非唐舊耶或舊池更大連木蘭耶本

朝皇祐間蔣堂守郡乃增葺池館賦北池宴集詩及和

梅摯北池十詠後十二年復守郡遂作北池賦按堂賦

詠池中有危橋虛閣今池皆不能容則知承平時池更

大矣

蔣堂北池賦并序姑蘇北池其來古矣昔刺史韋應物詩云海上風雨至逍遙池閣涼卽其池也韋

與白樂天皆有池上之作盛誇其景自韋白沒僅三百

年寂無歌詠者予景祐丁丑歲被命守蘇池館必葺嘗

賦北池宴集詩是時端明張安道爲邑昆山亦留風什

傳刻于石故事在焉去此涉一紀予復佩蘇印感舊成

曲池之著名環碧曉漲浮光晝渟幹琅津之餘派分銀

漢之一坵危橋跨波迅若走鯨虛閣延月清如構瓊乃  
飛蓋之所集霽芳塵之不凝主人一去調子年舐春草  
羅生賦詠幾廢涓縈未平今茲稅鞅之日復慰臨流之  
情目與景會神將喜并是時霽色疎淨羣動紛盈魚在  
藻以性遂龜游蓮而體輕禽巢枝而自適蟬得蔭而獨  
清科斗成文書之象鼃黽有鼓吹之聲以至鷗鳥羣嬉

不觸不驚，茵蔯成列。若將若迎，岸產并柯。之木波孕，紫莖之萍，離露沙而金紫，垣疊鮮以衣青。新蒲鏘鏘，挺水心之劍，綠竹整整，轟羽林之兵。別有島檜，高聳虬枝，相撐水石，結操冰霜，薦英若古，君子與世寡偶，而特立獨行。吁，可異也！噫，境之勝者，可稱物之秀者，可旌故萬狀在，目吾得題評者，已吾方岸野，墳踞風亭，觴賓友，奏竽笙，或獨繭靜釣，或扁舟醉乘，惟蔗有漿，用以析朝醒，惟菊有華，可以制頽齡，而況庭無留事，身若遺榮，泯得喪乎？意表育平粹於心，靈姑徜徉於池上，亦何慮乎？何營皮日休，木蘭後池，重臺蓮花，敬紅嬌媚，力難任，每葉頭邊半米金，可得教他水妃見，兩重元是一重身。浮萍嫩似金脂，颺似煙多情，渾欲擁紅蓮，明朝擬附南風，便寄與湘妃作翠鈿。白蓮但恐醞醕難並潔，祇應蓓蕾可齊香。半垂金粉，知何似靜婉臨溪，照額黃。陸龜蒙和重臺蓮，水國煙鄉足菱荷，就中芳瑞此難過。風情爲與吳王近，紅萼常教一倍多。浮萍晚來風約半，池明重疊侵沙綠。鴈成不用臨池重，相笑最無根蒂是浮名。白蓮素蘂多蒙別艷欺，此花真合在瑤池。還應有恨無人覺，月曉風清欲墮時。皮日休重題後池，細雨闌珊眠鶯覺，鈿波悠漾，並鴛嬌適來，會得荆王意，祇爲蓮莖重折腰。陸龜蒙曉曉煙清露暗，相和浴鴈浮鷗意，趣多却是陳王詞。賦錯枉將心事託微波，蔣堂和梅摯北池十詠，池上有虛。

閣翬簷迅若翔百壺多盛集四坐仰惟良薛印文綦綠  
蓮衣桂楫香何由陪嘯詠數狂納微涼○池上有奇檜  
青青歲紀深舊枝磷茂殖時亦欠清吟夕月漏孤影秋  
霜滋勁心今方遇真賞風什播瑤音○池上有孤島影  
搖波底天蓬壺欣髣髴仙客得留連岸草襯丹轂灘蘆  
隈畫船羨君休澣日寄傲一罇前○池上有脩竹遙聞  
手自栽幾因風韻響時感隼旟來粉籜經梅脫虬根遇  
石回嬋娟綠陰下小宴爲誰開○池上有垂柳煙籠濯  
濯枝芳根逢茂育老翠勝平時體弱因風舞詞清入笛  
吹金城久不到遙想歎羈離○池上有叢菊繁英滿舊  
踐金刀惜頻剪粉蝶得幽棲醉弁誰同插香牋手自題  
遙思清賞處野步岸東西○池上有時釣閒忘侍從身  
披平方浸月吏退閒無人藻映魴魚尾風搖獨繭綸一  
亭容膝地雅飾免荒蕪○池上有時宴笙篁沸欲凝歡  
多漏移刻坐久月和燈席客詠持蟹女娼歌采菱醉來  
忘萬事風靜水波澄○池上有鷗鷺來從淮水孺舊巢  
離海樹清淚入吳天骨峭翹霜月翎疎刷野泉使君宜  
得伴仙格本千年○池上有馴鹿亭臺深處行長隨熊  
軾慣且免兔置驚遙草眠多穩流泉  
飲亦清寸岑有靈圃可使遂微生

雙蓮堂在郡治木蘭堂東舊芙蓉堂也至和初呂濟叔大

卿守郡以雙蓮花開易此名

楊備雙蓮仙影面波光翠蓋搖風紅粉香中有畫船

鳴鼓吹簫然  
驚起兩鴛鴦

池光亭在郡宅後池北紹興十七年郡守鄭滋重建池傍  
有小山二東曰芳坻郡守蔣粲建飛白書其額西有檜  
郡守洪遵訪故事植焉唐有白公檜已不存淳熙六年  
郡守司馬伋以亭名犯曾祖及祖諱暫以木蘭堂榜之  
木蘭堂在郡治後嵐齋錄云唐張搏自湖州刺史移蘇州  
於堂前大植木蘭花當盛開時燕郡中詩客卽席賦之  
陸龜蒙後至張聯酌浮之龜蒙徑醉彊執筆題兩句云  
洞庭波浪渺無津日日征帆送遠人頽然醉倒搏命他  
客續之皆莫詳其意旣而龜蒙稍醒援毫卒其章曰幾

度木蘭船上望不知元是此花身遂爲一時絕唱按舊  
堂基在今觀德堂後古木猶森列郡守數有欲興廢者  
而卒未就承平時堂近有治平二年郡守陳經所刻御  
書飛白字碑揭于木蘭堂之新闢上今不復存

范仲淹木蘭堂

堂上列歌鍾多懸不

如古却羨木蘭花曾見霓裳舞絳妖謠蘇州刺楊備木蘭枝密樹仍高堂下花光照節旄

列鼎重茵歌舞地金章同色使君袍

雙瑞堂舊名西齋紹興十四年郡守王喚建前有花石小

圃便坐之佳處紹熙元年長洲有瑞麥四歧及後池出

雙蓮郡守袁說友葺西齋以雙瑞名堂以識嘉祥

范成大雙

瑞堂記紹熙初元夏四月吳郡袁使君爲政之再閱月也長州之彭華鄉以瑞麥獻又三月木蘭後池以瑞蓮獻麥兩歧已堅粟可刈歧間復出新苗玉枝青葱且秀且實後十日又歧於新苗之半亦秀實如前按瑞圖麥

自兩歧至九歧者有矣未聞枯莖之穉一再重出青黃殊色而三穎俱茂有生生不窮之意蓋創見云蓮則共蒂異花連理並秀豐腴適相富亦奇產也吏民歡喜謂造物者效珍發祥工深巧妙非賢使君孰能致此又謂使君辱臨吾州政爾暖席而嘉瑞輒應何其速耶余聞神人精禔之交其跡固相絕遠一念感通則和同無間直瞬息頃爾固未可速計也方使君持節按刑時以柱後惠文繩郡縣弗虔官吏桑足立逐捕劇賊血其鯨鯢風采烈於秋霜朝廷第最課進面中祕書執牧此邦吳人憺其威名相與屏氣惕息使君一日過范村從容爲余言彞吾以衣繡持斧爲職知飭法鉏姦而已今爲郡守號稱民父母當有惻怛之愛拊摩惇鰥若乳保之於赤子使百姓知吾此心庶幾有不忍欺者雖蒲鞭且弗願用況於旂揚敲朴乎余矍然起賀曰公此心當與天通人固未能戶知神者其知之矣閱時亡幾而叶氣薰翔被于珍物豈非一念之感如鼓應桴有不疾而速不召而至歟是歲秋大熟政成人和庭訟稀簡郡郭廓無事曩之蕪望於民者皆如本指益知祥應之不虛於是部使者暨府縣之賓佐皆畫圖以傳賦詩以相倡酬猶謂未足傳久遠且春秋有年大有年皆以喜書今茲樂歲善收甌窶汙邪無不滿望二瑞實兆其祥尤不可以弗識乃以雙瑞名郡之東堂余又爲原其所以致祥者



爲之記因以附見有年之喜亦春秋之遺意焉使  
君名說友字起巖建陽人嘉平日石湖范成大記

平易堂在小廳東挾紹興間郡守蔣璨立自書扁榜淳熙  
五年郡守單夔易以隸書

思政堂舊名東齋紹興三十年郡守朱翌建隆興間郡守  
沈度更名復齋紹熙三年郡守沈揆更今名自書扁榜  
思賢堂舊名思賢亭以祠韋應物白居易劉禹錫後改曰  
三賢堂紹興二十八年郡守蔣璨建三十二年郡守洪  
遵又益以王仲舒及范文正公二像更名思賢

仲并撰  
三賢堂

記紹興二十八年春敷文閣待制陽羨蔣公之鎮吳門  
也既期年矣治最上聞帝用褒寵民安初政郡以無事  
公惟益勤不懈事有關於風教纖悉必舉前人遺蹤勝  
槩以次復焉以前政信安孟玉之意嘗捐金欲興三  
賢堂唐左司郎中曰洛陽韋公太子少傅曰太原白  
公太子賓客曰中山劉公皆嘗收此邦者邦人尊之曰

三賢曩歲爲堂以祀之毀于兵火垂三十年邦人念之歎息公訪其遺基得於郡治故木蘭堂之左壤剔榛翳掄材庀工百姓不知僚屬皆樂從也三月辛酉堂成制度古雅不陋不奢稱三賢之居焉塑其像以次位置于堂南向東上并嘗一再從公過焉公曰其爲我記歲月固辭不獲并每獨怪唐史如文藝儒學循吏三傳幾二百人韋公法當處一焉迺獨不爲立傳亦史冊之遺恨也惜哉公正元初由左司郎得郡于此清德臨民民樂其政暇日賓禮名流與之酬唱于時白公客遊郡下盛稱公風流雅韻播於吳中至有詩仙之目自以不得與公遊宴爲不滿已而罷郡寓永定僧廬羈旅蕭然欲求田課耕而未得每端居焚香掃地而坐清風峻節可想而知其後白公自杭移蘇實寶歷初元也首以公郡宴詩鐙之石酷愛慕之每自謂不及韋公大槩可見於此史不傳不得不致詳焉若白與劉行事始終則有本傳在二公共生大歷王子歲真輩行也晚益相厚世謂劉白白之去郡劉以詩遺之有十萬戶嬰兒啼之句雖三代遺愛何以加焉後六七年當大和中劉亦繼來乘郡荒疫之餘撫摩安輯免民於轉徙文宗錫服以寵之白公時在河南猶以詩爲劉賀二賢平時道義相先分相好誠相與也而文聲政績兼優並著且俱爲有意於民者名藩巨屏得一師帥吾民幸矣迺接踵來臨歲月未

遠聲名風采炳乎其輝一時盛事他郡所未有也去之  
三四百歲邦人懷慕之不衰宜哉公復振起而一新之  
是將傳之愈久而愈無窮也蔣氏代以儒學顯至公而  
守茲土者三世矣公少受知初世父樞密太師魏公翰  
墨篇章悉有家法晚逢明天子擢登法從處劄以簡中  
局湛然到郡今踰年矣鋤荒植廢皆如此堂未易一二  
書也并聞元祐中魏公帥南海郡人繪前刺史吳公隱  
之宋公璟而下八人築室以祠之魏公閱圖籍所載又  
得滕公修王公林合前八人者號十賢各爲之贊敘公  
今新斯堂也視十賢之舉蓋不謀而契益知公之心真  
魏公之心哉敢併書以告來者五月庚申朔左朝奉郎  
前差通判信州軍州主管學事江都仲并記廣平程紹  
祖書范成大撰思賢堂記吳郡治故有思賢亭以祠  
韋白劉三太守更兵燼久之遂作新堂名曰三賢其四  
年當紹興辛巳鄱陽洪公始益以唐王常侍本朝范文  
正之像復其舊之名亭者榜焉先是公以歲五月來臨  
吾州繇州南鄙望洞庭略具區觀三江五湖之吐吞濤  
波聒天旁無邊垠而石隄截然浮於巨浸之上若有鬼  
神之扶傾鯨鰲背負而湧以出也暮夜人語馬嘶匈匈  
不絕公固已語其人思常侍之功矣周覽原田而相其  
溝防東南之播於江東北之委于海者脈絡通壅蕪  
滌餘夏旱易以陂潦水時至不能齧渚涯以浹汗那荒

寒化爲麥禾不起景祐迄茲歲無大浸於是公又曰非文  
正范公之勤其民者乎退而參石記竹書之傳詳兩賢  
行事尚什百於此韓退之名知言碑王之墓隧謂治蘇  
最天下蓋遺冊厪存於一隄其變滅無攷者不知幾也  
文正自郡召還遂參承昭陵大政德業光明爲宋宗臣  
通國之誦曰文正公而不以姓氏行焉韋白劉之餘愛  
邦人旣已俎豆之語在舊碑尚矣王范風烈如此且有  
德於吳宜俱三賢不沒以爲無窮之思此堂之所爲得  
名者嘗謂士才高必自賢位高或不屑其官世通患也  
洪公忠宣公之子擢博學宏詞第一名字滿四海餘二  
十年旣入翰林爲學士未幾自列去甫及里門制書以  
左魚來矣邦人度公且上朝謁莫能久私公也然始至  
之日咨民所疾苦退然不自居其智能亟從掌故吏訪  
諸賢之舊圖畫髣髴想見其平生公旣以道學文章命  
一世顧有羨於五君子者意將迹其惠術講千里之長  
利以膏雨此民彼僮僮往來跡桑陰趣舍人裝者慮安  
肯出此夫才高而不自賢位高而滋其其官盛德事也  
斯堂法應得書會公使來屬筆記歲日成大世占名數  
西郭樂其州多賢守令之不歉於古也文正公又吾東  
宗主焉竊願詫斯堂以夸隣邦以爲邑子榮乃不辭而  
承公命八月旣望州民左  
從事郎范成大記并書

瞻儀堂舊在廳事之東紹興三十一年郡守洪遵建吳俗

貴重太守來者必繪其像春秋則陳於齊雲樓之兩挾

令吏民瞻禮至是洪公恐爲風日所侵故作此堂藏之

紹熙三年郡守沈揆始遷諸像於後圃舊凝香堂中并

其名遷焉

范成大瞻儀堂吳自置守以來仍古大國世爲名郡又當東南水會外暨百粵中屬之江

淮四方賓客行李之往來畢上謁戲下願見東道主城

門之軌深焉稻田膏沃民生其間實繁井邑如雲煙物

夥事穰有司程文書應言府者以千萬計奉使命大

行部第郡課必致詳於吳以視列城其雄劇如此夜漏

未盡太守坐堂上主吏賓客旅進退語言面日不暇相

孰何平明乃得據按聽諸曹白事率常軒食有頃它客

與報期會者又至如前雖精力過絕人其勢亦出甚勞

而後能善治故吳郡虎符非名德士若已至大官者不

以盼去之數十年長老猶以爲記至臧去繪像畏愛

之如一日番陽洪公之以內相典城也乃規東序之間

屋爲堂取凡公私所藏故侯之像頗補其闕遺列畫其

上又采韓退之廟學碑語名之曰瞻儀而命州民范成

大詞而識諸石竊嘗觀郡國方志與耆舊風土之書旣  
備載山川土俗郭郭所在必論次前世賢守長爵里姓  
字之大畧著于篇謂君子嘗居之其地政僻陋猶借此  
以爲範今吾州不獨能忘其人居之其地政僻陋猶借此  
稟稟如對生面而宅郡木閱自此雖大府地重多顯者來  
自以有以不沒抑吳人習於觀上至久遠且弗弭忘氣俗  
之變舊矣洙公蓋始表出之盛事固不宣無紀然公實  
以紹興辛巳夏五月至郡是歲北虜謀畔盟積甲並塞  
使行人來啓兵端又造船東海上將數道人寇天子赫  
怒大發步騎待邊分命樓船將水居之士營巨浸以  
直賊衝吳前當出師通海道控海浦所從入烽候相望  
羽書疾星火公存氣肅爲動春容頤指不斂一錢不籍  
一夫機事立決無留行姦人幸騷搖一逞心醉叵測相  
率遁去里門晏閉田間無吠犬行歌刈熟不知有軍興  
民德公甚念無以報恩勤飲食必祝焉公於艱難時用  
劇郡呼吸凌故曾無足自以爲功若德之威齒文章之斧斤  
者治行冠一世而不自以爲功若德之威齒文章之斧斤  
民以館御諸賢覲觀裴回若慕用之云者夫有餘則毋  
我不足者多尚人君子之德心豈世俗所能測識者哉  
後之人歷階而登有感於作者之意時時以行能蓋前  
聞人其必葺斯堂而嗣其事壁間之圖將魚鱗維襲至  
於無窮可也故併書之以風來者十月九日左從事郎

范成大記

齊雲樓在郡治後子城上紹興十四年郡守王喚重建兩  
挾循城爲屋數間有二小樓翼之輪奐雄特不惟甲於  
二淞雖蜀之西樓鄂之南樓岳陽樓庾樓皆在下風父  
老謂兵火之後官寺草創惟此樓勝承平時樓前同時  
建文武二亭淳熙十二年郡守邱宙又於文武亭前建

二井亭

唐白居易齊雲樓晚望偶題十韻兼呈馬侍御周殷二協律涼江山壯平鋪井邑寬人稠過楊

國去重上北城看復疊頭沒穿霞日脚殘水光紅漾漾  
府坊開半長安插霧峰頭沒穿霞日脚殘水光紅漾漾  
樹色綠漫漫約略留遺愛殷勤念舊歡病拋官職易老  
別友朋難九月全無熱西風亦未寒齊雲樓北面半日  
凭欄干又和公權登齊雲樓外春晴百鳥鳴樓中春酒  
美人傾路傍花日添衣色雲裏天風散珮聲向此高吟  
誰得意偶來聞客獨多情佳時莫起興亡恨遊樂今逢  
四海清九日宴集前年九日餘杭郡呼賓命宴虛白堂

去年九日到東洛今年九日來吳鄉兩邊蓬鬢一時白  
三處菊花同色黃一日日知添老病一年年覺惜重陽  
江南九月未搖落柳青蒲綠稻穗香姑蘇臺榭倚蒼靄  
太湖山水含清光可憐假日好天色公門吏靜風景涼  
榜舟鞭馬取賓客掃樓拂席排壺觴胡琴清圓指撥刺  
吳娃美麗眉取賓客掃樓拂席排壺觴胡琴清圓指撥刺  
日脚欲落備燈燭風頭漸高加酒漿觥盞再拜光低昂  
舞鬟罷落茱萸房半酣憑檻起四顧七堰八門六十坊  
遠近高低寺間出東南西北橋相望水道脈分棹勢次  
里閭閻布城冊方人烟樹色無隙罅十里一片青茫茫  
自問有何才與政高懸大館居中央銅魚今乃澤國節  
刺史是古吳郡王郊無戎馬郡無事門有榮戟腰有章  
盛時儻來合慙愧壯歲忽去還感傷從事醒歸應不可  
使君醉倒亦何妨請君停杯聽我語此語真實非虛狂  
五旬已過不爲天七十爲期蓋是常須知菊酒登高會  
從此多無二十場章憲登齊雲飛樓縹緲瞰吳邦表裏  
江湖自一方曲檻高窗雲細薄落霞孤鶩水蒼茫固知  
興廢因時有獨覺江山共古長回首中原正愁思不堪  
殘日半規黃

西樓在郡治子城西門之上唐舊名西樓後更爲觀風樓



今復舊紹興十五年郡守王喚重建二十年郡守徐琛

篆額下臨市橋曰金母橋亦取西向之義喚初落成郡

人競獻詩以進士耿元鼎所賦爲最宿百居易西樓雪宴

白飄飄銀散麴遮槐市堆花壓柳橋四郊鋪綺綰素萬寶釵

銷歌樂雖盈耳慙無五袴謠城上夜宴留春不住登城

望惜夜相將秉燭遊風月萬家河兩岸笙歌一曲郡西

樓詩聽越客吟何苦酒被吳娃勸不休徒道人生都是

夢夢中歡笑亦勝愁劉禹錫登西樓見樂天題詩湖

上收宿雨城中無書塵樓依新柳貴池帶亂苔春雲水

正一望簿書來遶身煙波洞庭路愧彼扁舟人玩月半

夜碧雲收中天素月流開城邀好客置酒賞新秋影透

衣香潤光凝歌黛愁斜輝猶可翫移宴上西樓楊修觀

風樓觀風危堞與雲齊樓下開門畫戟西鼓角聲沉絲

管沸卷簾晴黛遠山低范仲淹觀風樓高壓郡西城觀

風不浪名山川千里色語笑萬家聲碧寺煙中靜江橋

柳際明登臨豈劉白滿日見詩情章造西樓懷感高花

古柳傍城闌游目江城次第新百感中來倚惆悵滿城

煙雨滿城春耿元鼎西樓一曲舊笙歌千古當樓面翠

和  
峨花發花殘香徑雨月生月落洞庭波地雄鼓角秋聲  
壯天迴關干夕照多四百年來逢妙手要看風物似元

四照亭在郡圃之東北紹興十四年郡守王喚爲屋四合  
各植花石隨歲時之宜春海棠夏湖石秋芙蓉冬梅

凝香堂在思賢堂西面臨池紹熙三年遷太守畫像於此  
堂更名瞻儀

逍遙閣在舊凝香堂後蓋取韋應物逍遙池閣涼之句此  
閣舊觀復堂也逍遙額郡守蔣璨書後守韓彥古欲更  
名乃除去舊額而迄不果更名

雲章亭在舊凝香堂西南故有此亭紹興三十一年郡守  
洪遵始命名亭有仁宗皇帝賜陳經御書飛白端敏寶

文閣佛字石刻及獎諭陳經敕賜丁謂詩并太上皇帝御書千字文

坐嘯齋在四照亭南紹興二十七年郡守蔣璨建并書額

秀野亭在坐嘯齋西紹興三十一年郡守洪遵建

涼渚本流盃名舊在凝香堂後今徙於池光亭後

觀德堂在教場唐西園地也紹興二十一年郡守徐琛建

西又有射亭

扶春池光亭後酴醿洞也紹興二年郡守沈揆名之且書其榜

頒春宣詔二亭紹興十四年郡守王喚建知信州吳說書額亭之側東西二井亭乾道四年郡守姚憲建

介菴慶歷八年郡守梅摯建在木蘭堂南凌雲臺下摯作

銘刻石後菴入通判東廳久亦廢而銘石尚在蓋兵火

更張官廨多失其舊也

介菴銘并序表署西北有堂曰木蘭堂之南有臺曰凌雲灌木

駢生其上臺下有故園廢洞址在焉予因訪陳迹通其塞而菴之惜乎子立一隅中無長物入之者志意斂然思有所守宜介其名而銘之菴非廣居介不兼濟有守退公杖而獨詣心淵坐澄默與真契嗚呼公怒賊私不遷而霽私欲蠹公不萌而制世紛萬殊浩乎亡際何以靖之曰思無邪一言以蔽慶歷八年九月二十五日尚書戶部員外郎知蘇州軍州事梅摯立

通判東廳在郡治之西紹興九年通判白彥惇建介菴舊

在郡圃後入通判廳今菴亦廢廳西有琵琶泉小邱嵌

巖曰西施洞皆傳爲往跡泉清冽可釀酒淳熙十一年

通判魏仲恭葺洞門作捧心亭今更名舞雪

通判西廳在城隍廟後依子城東南角城上有小樓見西山名湧翠

簽判廳在儀門西

教授廳在府學之東

節推廳在通判東廳之西

察推廳在平橋南

府院在譙樓東

司理院在譙樓西

司戶廳並府院西

司法廳在平橋南

路鈐衙在子城內府西樓下東偏

州鈐廳在狀元坊內

路分廳在路鈐衙南

轉運衙舊在郡治西偏後徙餘杭

初錢氏國除田重稅尚仍舊畝稅三斗太宗命

王贇爲轉運使來均雜稅贇悉令畝稅一斗至今便之

倉庫場務

市樓附

府倉在飲馬橋西

常平倉在府倉內

戶部百萬倉在閭門裏開禧三年朔以府職曹官兼嘉定

二年始命官專掌以都司提領憲司措置

補注

歸仁倉報功倉淳熙元年郡守韓彥古創建專儲年計並

存府倉內

甲仗庫在設廳西廊

軍資庫在儀門東

公使庫公使酒庫並在設廳東

架閣庫在設廳西廊

作院在教場西乾道四年郡守姚憲建

監倉廳在姑蘇館前

糧料廳在譙樓西

四酒務在平橋南初郡有酒務四合而爲一故名曰四酒務

激賞西庫在景德寺東

激賞南庫在盤門裏

望雲館在閶門裏

右三所並紹定二年郡守李壽朋創

清風樓在樂橋南

黃鶴樓西樓之西

跨街樓西樓之西

花月樓飲馬橋東北

麗景樓樂橋東南

花月麗景皆淳熙十二年郡守邱嵩建雄盛甲於諸樓

坊市

按長慶集云六十坊者舊經所籍如之後頗隨事而有創有易



樂橋東南

孝義坊

東憩橋巷

通闌坊

金母橋西

繡錦坊

大市橋

儒教坊

飲馬橋南

旌義坊

蔡匯頭

孝友坊

南園東巷

玉淵坊

南星橋

儒學坊

烏鵲橋南

袞繡坊

烏鵲橋北

狀元坊

醋庫巷黃魁所居

吳會坊

府治東

晉寧坊

濠股口

和令坊

楊郡王府前

繡衣坊

南倉橋北

孔聖坊

南倉橋南

積善坊

府治西

阜通坊

夏侯橋西

樂橋東北

干將坊

東市門

建善坊

干將巷

真慶坊

天慶觀巷

遷善坊

草橋

布德坊

顧家橋

牙冠坊

仁王寺前

富仁坊

魚行橋東

聞德坊

周太尉橋東

崇義坊

禪興寺橋南

乘鯉坊

張馬步橋南

閭邱坊

張馬步橋北

大雲坊

天慶觀西

碧鳳坊

天慶觀前

慶源坊

大郎橋東

天宮坊

迎春巷

迎春坊

白口橋

樂橋西南

武狀元坊

樂橋南紙廊巷林魁所居

吳歛坊

西憩橋巷

平權坊

跨街樓南

館娃坊

果子行

和豐坊

米行

麗澤坊

吉利橋北

通波坊

吉利橋南

孫君坊

孫老橋

賓興坊

貢院南

好禮坊

富郎中巷

義和坊

杉瀆橋東

靈芝坊

侍其巷

晝錦坊

南營西

載耜坊

開元寺東

坤維坊

瑞光寺東

同仁坊

金獅巷

南宮坊

南園巷

樂橋西北

西市坊

鐵瓶巷

太平坊

太平橋

嘉魚坊

魚行橋西

流化坊

吳縣東

武狀元坊

雍熙寺東周魁所居

文正范公之坊

范家園

盍簪坊

張馬步橋北

德慶坊

禪興寺橋西

甘節坊

承天寺東

樂圃坊

三太尉橋北

立義坊

北寺西

清嘉坊

朱明寺橋北

仁風坊

十九勝巷

至德坊

泰伯廟前

吳趨坊

阜橋西

補注

右六十五坊紹定二年春郡守李壽朋並新作之壯

觀視昔有加

儒學坊林文節公與諸弟所居希父槩先在國史儒

學傳希徙居吳與弟旦嘉祐二年同第進士次舉弟

邵顏文同登第吳人榮之故以名坊○袁繡坊以參

知政事元絳所居得名○狀元坊淳熙八年黃由魁

天下郡守韓彥質以表其閭十一年衛涇魁天下涇  
居崑山之石浦亦立狀元坊○豸冠坊直龍圖閣范  
師道貫之所居貫之出入臺諫有聲故以名坊○大  
雲坊林處所居處自號大雲翁○武狀元坊二淳熙  
十一年林嶠爲廷魁郡守謝師稷以表其閭在樂橋  
之南慶元二年周虎爲廷魁亦以名坊在雍熙寺之  
東○靈芝坊初名難老坊蔣堂謝事所居李之儀作  
范正平遺錄云胡文恭公宿爲諸生時嘗受學於蔣  
堂文恭守吳郡蔣居第表爲難老坊蔣不樂曰此俚  
俗歆艷內不足而假之人以誇者非所望於故人願  
卽撤去胡乃用蔣氏嘗有芝草之瑞更名靈芝按堂

皇祐六年三月作平江軍新修大廳記云當兵部員外郎李公晉卿守屏之明年十月修此廳又有因芝草生謝兵部詩據此則所謂兵部者正謂李晉卿而揭靈芝於坊表者亦李也李之儀所記乃謂揭坊名爲胡宿疑有誤又按胡宿墓誌自祠部員外郎判度支後知蘇州蓋未嘗爲兵部其爲晉卿無疑晉卿逸其名今太守題名皆不著胡李蓋闕文方芝產時堂有詩記之

因芝草生謝兵部黃詩誕邱園藥畦配體景至和非我召美化自公宣秀色勝二徑

山光被一塵時髦秉筆君爲我列詳編○使君有意歸門間雅爲靈芝揭表初招隱溪邊往還者從茲認得野人居○書錦坊以光祿大夫程師孟所居得名○德

慶坊直龍圖閣盧秉奉其親年八十餘故以名坊

吳郡志卷六

吳郡志卷七

官宇

提點刑獄司在烏鵲橋西北紹興元年建廳事後曰明清堂  
堂後小圃種竹有亭曰留客曾逮創建父文清公幾命  
名且作詩徐蕨隸額乾道九年諸路添置武提刑一員  
遂於舊司之東撤去幹官廨宇以其地作東廳比年省

罷使者來從其便而居焉

曾幾留客亭詩序

逮子作

殆千竿餘名其亭以留客取老杜竹深留客處之句因題二小詩云行到竹窮處有亭佳可遊境因吾子勝客爲此君留娟淨經時雨蕭梢六月秋豈無他草樹溼潤不同流種竹無他事林間與客遊自應攜手入安用閉門留靜可過僧夏清宜對奕秋衰翁九節杖來往亦風流沈度汨汨多塵事長懷鳩杖遊每因門可款豈爲醉相留靜契竹林勝幽非草樹秋公今國耆艾砥柱屹中流持節推仍世林園記昔遊深藏事幽討長轡詎淹留



已見山無盜欣同歲有秋時容一嘯詠竊比晉名流浙  
西提刑題名淳熙三年直龍圖閣陳公繇浙東常平使  
者按刑西道領刺史韓公繇浙東刑獄使者奉祠三衢  
同時被命以西二公前日僚舊也弭節未幾聲諸志合  
風績俱茂暇日因相語曰凡官寺必有所謂壁記是司  
也獨缺焉其名氏官職與夫在事之歲月久而遂泯不  
可復知非所以隆一臺詔後世也於是搜閱案牘白建  
炎迄今居是官者得四十有二人焉將鐫石龕置壁間  
俾賈爲之記惟案刑遣使國家令典也漢暴勝之爲直  
指使者行郡國而謹督捕唐顏真卿爲監察御史使五  
原而決冤獄事固甚類然未有專爲刑獄遺著之令甲  
者本朝列聖相承子視元元欽恤刑章在淳化中始遣  
常參官提點諸路刑獄景德以來始兼用武臣厥後沿  
革因時或省或置汗青所載可攷而知聖上龍飛惟祖  
宗成憲是循用文武長材求之如不及迺乾道六年遵  
景德故事制詔諸路各置武提刑一員與文臣合臺共  
治惟時兩浙古一道也熙寧末年歧而復合建炎以後  
復析而東西之浙西在今實爲畿甸異時遣使視他路  
尤切注意今陳公以名御史韓公以左右信臣爲之皇  
華得人於斯爲盛恭聞真宗龍帝嘗命資政殿大學士  
向敏中較諸路提刑所上課績惟兩浙有奏報雪活冤  
獄者遽命陞其等級以示旌勸今日考覈之意同符真

宗則奏最九重必有非常之寵又當日二公始故賈敢忘屬吏之賤學殖之荒落而記不敢辭淳熙四年四月

日奉議郎知常州武進縣主  
管勸農公事借緋陳賈記

施垌

左朝散大夫建炎四年九月十七日到任紹興二年二月除江東提刑

邵昂

左朝請郎紹興二年四月十六日到任當年十一月罷

向宗厚

右朝奉大夫紹興二年十一月二十九日到任五年正月宮觀

朱緯

左朝奉大夫紹興五年正月二十八日改除兩浙轉運副使

吳表臣

右朝請郎紹興五年三月十五日到任當年十二月除祕書監

朱緯

左朝散大夫紹興六年五月十四日到任七年三月改差知信州

陳桷

左朝散大夫直龍圖閣紹興七年三月初三日到任八年七月改差知台州

曾幾

左朝奉大夫紹興八年十二月二十日到任九年六月宮觀

向宗厚

右朝散大夫紹興九年七月十四日到任十一年四月改差知婺州

張叔獻

右朝奉郎直祕閣紹興十一年九月二十五日到任十二年十月改除兩浙轉運副使

王鈇

右朝奉大夫直祕閣紹興十二年十一月初二日到任十三年八月改除兩浙轉運副使

万俟止

右朝散大夫紹興十三年八月二十七日到任十四年三月宮觀

符行中

左朝奉郎紹興十四年七月二十四日到任十五年二月罷

徐琛

右朝散郎直祕閣紹興十二年四月十三日到任當年十二月除軍器監

高世定

右朝請大夫直龍圖閣紹興十六年正月二十六日到任當年六月罷

吳傳

左奉議郎紹興十六年七月十三日到任十八年十二月宮觀

趙令詼

左朝請大夫紹興十八年十一月十七日到任十九年十一月宮觀

謝邦彥

左朝請大夫紹興二十五年十二月九日到任二十六年三月罷

趙煥

左朝奉郎紹興二十六年五月二十八日到任二十七年二月宮觀

金安節

左朝散郎紹興二十七年二月十七日到任當年九月改除大理少卿

陳抃

右朝散大夫紹興二十七年十月  
初二日到任二十八年正月官觀

徐康

右朝奉大夫紹興二十八年三月  
十八日到任當年十月罷

邵大受

左朝請大夫直祕閣紹興二十八年十一月  
初五日到任二十九年閏六月初七日到任

呂廣問

左朝請郎紹興二十九年七月初七日  
到任三十年四月改除兩浙轉運副使

黃應南

左朝散郎紹興三十一年六月初七日致仕  
到任三十一年八月初五日

王超

右朝請大夫紹興三十一年八月初五日  
到任三十二年八月二十一日罷

王傳

左朝議大夫紹興三十二年十月二十三日  
到任隆興二年正月正月初二日轉左中奉大夫當年六月十一

信州  
口改知

葉謙亨

左朝奉大夫直顯謨閣隆興二年八月二  
十八日到任當年十一月月初五日致仕

曾逮

右承議郎隆興二年閏十一月初六日  
到任乾道二年五月初六日丁父憂

王瀾

左朝散郎隆興二年六月初七日到任  
當年八月初七日改除吏部郎官

姚憲

右朝奉郎乾道二年九月初六日到任  
三年五月十一日除直祕閣知平江府

陳良翰

左朝散郎直敷文閣乾道三年六月十一日到任  
四年五月盜賊肅靜特轉左朝請郎當年十一月

二十四日改  
除宗正少卿

李簡能

左朝奉郎乾道四年十二月二十八日到任五年  
二月二十一日磨勘轉左朝散郎六年六月十六

日除直祕閣主  
管台州崇道觀

任文薦

左朝奉大夫直寶文閣乾道六年八月二十五日  
到任七年六月二十六日除祕閣修撰改差知建

寧府

王淮

左朝散郎直敷文閣乾道七年十月十一日  
到任八年十一月初九日改除太常少卿

梁俊彦

右武大夫高州刺史乾道九年閏正月初五日到  
任淳熙元年三月二十七日除福建提刑續改差

提舉佑  
神觀

呂企中

右朝散郎直寶文閣乾道九年六月二十六  
日到任當年十二月二十七日改知揚州

鄭興裔

武功大夫江州觀察使淳熙元年四月初九日到任當年八月二十日改除江東提刑續召赴行在

徐本中

朝奉大夫充集英殿修撰淳熙元年十二月十四日到任三年三月二十五日改除江東轉運副使

趙師夔

承議郎直龍圖閣淳熙三年五月十八日到任當年六月初八日罷

陳舉善

以朝奉郎直龍圖閣浙東提舉除淳熙三年八月初八日到任五年四月二十七日召除左司

韓僕

以武德大夫高州刺史奉祠除淳熙三年十月初六日到任五年九月初六日改差知廬州

呂正己

以降授朝散大夫直顯謨閣知鎮江府除淳熙五年六月初二日到任當年九月初一日罷

韓元龍

以朝散大夫司農卿除直龍圖閣浙西提刑淳熙五年十月初四日到任七年十月初二日主管毫

州明道宮

趙伯驩

以武功大夫忠州團練使浙西總管除淳熙五年十月十六日到任七年八月初六日轉和州防禦

使

梁總

以朝散大夫大理少卿除淳熙七年十月十六日到任九年七月十三日改除江東提刑續省劄因兼

知嚴州拔荒有勞除直敷文閣

傅淇

以朝請大夫浙東提刑除淳熙九年十月十六日到任十一月六年六月除直龍圖閣十月十六日再任十二

年三月二十六日改知寧國府

劉穎

以降授朝散郎浙西提舉除淳熙十二年四月初二日到任當年十月初十日罷

勾昌泰

以降授宣教郎浙東提舉除淳熙十二年十一月初二日到任十三年二月轉奉議郎當月敘承議

郎四月初十日罷當年七月初十日罷

王尚之

以朝奉郎大理少卿除直寶文閣浙西提刑淳熙十三年閏七月初三日到任十四年二月十四日

改除司農少卿湖廣總領

趙子濛

以朝議大夫直龍圖閣知揚州除淳熙十四年五月十二日到任十五年四月十六日除祕閣修撰

仕致

潘景珪

以朝議大夫知池州除淳熙十五年五月初四日到任當年十二月初五日改除大理卿

王師愈

以朝議大夫直祕閣福建運判除淳熙十六年正月二十八日

袁說友

以朝議大夫浙東提舉除淳熙十六年七月二十八日到任

王正己

以朝議大夫充祕閣修撰新江東提刑改除紹熙元年五月初三日

乞官祠差主管建寧府武夷山冲佑觀

應孟明

以朝奉郎直祕閣知靜江府除紹熙元年十月二十四日到任

陳公亮

以朝請大夫直祕閣福建提刑除紹熙三年四月到任

黃適

以朝奉大夫浙西提舉除紹熙五年正月到任

傅伯壽

以朝議大夫直煥章閣江東運副除紹熙五年正月到任

何異

以朝請郎新江東提刑改除慶元元年八月到任

韓邈

以朝請大夫直祕閣浙西提舉改除慶元三年八月到任

虞儔

以朝請大夫新除直顯謨閣江西運副權知平江府除慶元四年正月到任



九月除直寶  
文閣知廬州

朱致知

以朝議大夫直徽猷閣奉祠除慶元五年四月到任當年除樞密院檢詳

薛紹

以朝散大夫提舉兩浙西路常平茶鹽公事除慶元五年六月到任當年除戶部郎官淮東總領

任洙

以朝散郎提舉兩浙西路常平茶鹽公事除慶元六年正月到任嘉泰元年除直祕閣官觀

陳研

以朝散大夫直祕閣荆湖南路轉運副使除嘉泰元年六月到任二年除樞密院檢詳

孟綸

以朝請大夫尚書倉部除嘉泰二年六月到任三年五月罷

曾杲

以朝散大夫荆湖南路計度轉運副使除嘉泰三年八月到任十七日除直煥章閣當年除太府少卿

方鈐

以朝散大夫尚書司封郎中除嘉泰三年二月到任開禧元年四月改除江西運判填見闕

葉簣

以朝議大夫尚書戶部郎中除開禧元年五月到任二年四月召赴行在除右司

胡元衡

承議郎尚書右司員外郎除直寶謨閣開禧二年四月到任嘉定元年正月召赴行在除檢正

汪文振

朝散大夫司農少卿兼玉牒所檢討官除直寶謨閣嘉定元年正月到任八月准省劄權鎮江府并

權淮東總領九月正除  
司農少卿淮東總領

**李孟傳**

朝請大夫除倉部郎官改除嘉定元年十月到任二年七月除直祕閣江東提刑

**王居安**

朝奉郎知太平州除直龍圖閣嘉定二年九月到任當年赴詔行在除權工部侍郎

**留恭**

朝奉大夫浙西提舉嘉定三年正月兼權提刑四月就除五月改除直寶謨閣知紹興府

**劉燾**

朝散大夫尚書吏部郎中嘉定三年五月到任四年二月除司業

**章棣**

朝奉郎浙西提舉嘉定四年正月兼權提刑閏二月正除

**陳芾**

朝散郎新除大理寺丞嘉定五年正月到任兼權平江府七月除直祕閣知平江府

**金嶸**

以朝請郎守軍器監除嘉定五年到任七年八月除大理少卿

**柴中行**

承議郎直祕閣除江東運判未赴嘉定七年八月改除十一月到任九年除尚左郎官

**王涪**

朝奉郎新福建提刑改除嘉定九年五月到任九月宮觀

**王棐**

承議郎浙西提舉兼權嘉定十年十二月正除十一月八月除金部郎官得旨兼權平江府

喬行簡

朝散郎江淮等路都大提點坑冶除嘉定十二年正月到任閏二月節制許浦水軍三月兼權平江

府十一月除直祕閣依舊浙西提刑兼知鎮江府當月除軍器監十二月除直煥章閣知鎮江府兼權提刑十

四年除司業

趙愚夫

朝散郎兵部郎官除嘉定十四年十一月到任十六年除直祕閣再任寶慶元年罷

林介

朝散大夫浙西提舉兼權寶慶元年直祕閣正除三年兼權平江府十二月除太府少卿依舊兼權平江

府紹定元年十一月改除大理少卿

王與權

朝請郎紹定二年正月二十八日到任

檢法官廳在提刑司東

幹辦公事廳在東廳後

提舉常平茶鹽司在子城之東廳事東有小池上有假山旁

曰壺中林壑米友仁書池南北有亭南曰揚清北曰草

堂廳事之西有宸翰閣亦友仁書額廳東北曰宣惠堂

廳後曰皇華堂廳之東側曰頤齋齋後圃中曰望雲堂

紹興三十年楊和王子倓持節時作爲思親也池旁曰

繡春堂淳熙十五年史彌正建

徐康記官舍題名其來久矣非特紀歲月次先

後而其人賢不肖治行之能否亦繇此可考焉目守

令而下凡在官者未之或廢也初元豐崇寧之間嘗遣

廷臣分行諸路號提舉措置鹽事除授繼踵而屢經併

省政和之二年始罷官鬻行新鈔鹽法於是兩河二浙

荆湖江淮復置提舉司以總之宣和五年又分淮浙爲

西路則八州軍三十八縣隸焉治平江府今在府治之

東廳事獨無記康之承乏又當兵火後案牘殘缺欲爲

之而未暇會朝廷纂修先帝實錄史官移文郡縣諸司

取會題名於是網羅闕遺訪問故老得承議郎王晉明

而下訖于朝請大夫石彥和凡二十人皆以月日爲次

其未分路則或治會稽非今所部書之以著其始而闕

其所不可考者哀而刻諸石以備采擇焉惟政事之在

天下莫如財用而山澤之利常居其半管仲治齊謹正

鹽筴國以富饒用能成九合之功自漢唐以來鹽鐵榷

是事亦嘗有之

二

酒均輸之議紛紛不同而常爲國家大計所以制四夷  
安邊足用之本善乎魏尚書邢巒之言聖人斂山澤之  
貨以寬田疇之賦收關市之征以助什一之儲取此與  
彼非爲身也御史中尉甄琛請弛河東鹽池之禁以爲  
爲民父母而各其醢醢兼有羣生而權其一物是專奉  
口腹而不及四體也巒議之曰坐談則理高行之則夷  
闕于時咸以爲然世宗卒從琛議其後豪貴封護甚於  
官司乃復禁如初夫古今異宜治非一軌下三章之約  
於結繩之代猶爲密網太古之無事後世非所及而欲  
虞衡之官捐利予民安在其爲知務也與其賦外橫斂  
曷若權制商賈爲不失重輕之所哉爲今之法者近是  
矣鈔有茶鹽香礬四等茶鹽之課故歲至七百萬緡鹽  
利居五之四並海縣道煮水者六所額以斛計者常不  
下百五十萬則所以裨國計以圖恢復之功者夫豈少  
哉而康獨有感焉者四人之中農爲最勞以其終歲勤  
動寒耕而熱耘也今所謂亭戶則過於此加以負山帶  
海頑犢成俗急趨利而輕犯法使輸貨於官者價直以  
時毋或高下則盜販息盜販息則抵冒少奸獄簡不但  
公家利其入而已故樂以告後之人厥初建官兼治香  
礬後不復較而以摘山煮海正其名稱謂之提舉茶鹽  
公事司蓋自宣和七年始也紹興十年七月十六  
日右奉議郎提舉兩浙西路茶鹽公事徐康記

承議郎王晉明

政和二年十一月到任

朝奉郎李堯俊

政和四年到任

宣教郎曾纁

政和六年十一月二十日到任七年罷任

奉直大夫吳林

奉議郎魏志崇

承事郎何志修

政和七年添差

宣教郎曾纁

宣和元年九月二十日到任

朝奉郎陳隆壽

宣和元年十一月十四日到任二年五月十五日改添差於越州置司三年二月就

除兩浙提舉常平

朝奉大夫劉敏才

宣和二年到任三年五月罷

通直郎王韞

宣和三年五月到任六月物故

奉議郎李與權

宣和三年到任五年丁憂

通直郎李弼孺

宣和五年到任六年丁憂

奉議郎王據

宣和七年四月到任當年七月丁憂

通直郎王暘

宣和七年到任建炎二年五月任滿

奉直大夫陳述

建炎二年五月二十八日到任四年正月二十八日罷任

承議郎直祕閣梁汝嘉

建炎四年三月二十三日到任紹興二年二月十五日就除兩浙轉

運判官

左宣教郎夏之文

紹興二年四月十九日到任三年四月十三日罷任

右通直郎張愿

紹興三年五月初九日到任四年正月初九日罷任

右通直郎侯憲

紹興四年二月初三日到任五年四月十二日罷任

左宣教郎錢堪

紹興五年四月二十六日到任七年四月二十六日任滿

左朝請大夫石彥和

紹興七年四月二十七日到任九年四月二十七日到任滿

右承議郎徐康

紹興九年四月二十八日到任十一年五月初三日滿替除權發遣嚴州續改知常

州

右朝散郎米友仁

紹興十一年五月初四日到任十二年四月十一日除將作少監

右朝散大夫万俟卨

紹興十一年五月內就到任紹興十三年八月內就除浙西提刑

右通直郎吳垌

紹興十三年九月四日到任至紹興十四年十二月三十日改除兩浙運判

右朝散大夫韋壽成

紹興十五年二月十三日到任當年七月二日改除倉部郎官

右朝奉大夫直祕閣鄭僑年

紹興十五年七月初四日到任當年八月十九日與浙東

提舉高顯謨兩易

右朝請大夫直顯謨閣高世定

紹興十五年八月二十六日到任十六年正月二十

六日除直龍圖閣浙西提刑



左朝奉郎孫汝翼

紹興十六年七月初十日到任十七年正月二十七日除提點江淮等路坑冶

錢鑄

右朝請大夫黃仁榮

紹興十七年七月十九日到任至十八年九月十一日罷任

右奉直大夫王晌

紹興十八年十一月初三日就除知平江府十九年三月初三日

右朝散大夫王珏

紹興十九年十一月十五日任滿紹興二十一年十二月十四日任滿

右朝散大夫李琛

紹興二十一年十二月初二日改除知婺州二十四年五月初二日

左朝奉大夫孟處義

紹興二十四年五月初四日到任二十五五年正月改除淮南路轉

官運判

右朝請大夫李流

紹興二十五年四月初三日到任六月初六日改差知明州

左朝議郎杜師旦

紹興二十五年七月初三日到任十月二十六日罷

右通直郎司馬倬

紹興二十五年十二月初十五日到任二十六年四月初十日罷

左朝請大夫趙子砥

紹興二十六年六月初二日到任當年八月二十二日致仕

右朝奉大夫陳抃

紹興二十六年閏十月初二日到任二十七年九月初八日改除浙西提刑

左朝請郎朱倬

未到任間改除右正言

左朝奉郎謝伋

紹興二十七年十一月自權知處州准告授十二月二十三日到任

右朝請郎呂廣問

紹興二十九年四月一日到任當年閏六月二十一日改除浙西提刑

左朝奉大夫直祕閣楊倓

紹興二十九年七月十四日到任三十年除直顯謨閣三十一

年二月准敕主管台州崇道觀

左朝請郎洪适

紹興三十一年三月初四日到任當月初六日改除江東提舉常平茶鹽公事

右朝散大夫徐康

紹興三十一年四月初一日到任三十一年閏二月二十六日改除戶部郎官

總領淮東軍馬錢糧

左朝請郎章服

紹興三十二年七月初五日到任隆興二年七月二十五日改除吏部郎官

右朝奉大夫曾愔

隆興二年九月初七日到任乾道元年三月初六日除尚書度支郎官

右朝奉郎姚憲

乾道元年三月初十日到任乾道二年八月七日改除本路提刑

右朝奉大夫劉敏士

乾道二年十二月初六日到任至乾道三年十二月初六日改除兩浙轉

運判官

右朝請郎錢建

乾道四年六月十五日到任五年四月二十四日准敕主管台州崇道觀

左承議郎芮輝

乾道五年二月十六日到任六年八月內除江西運判

右朝散大夫直敷文閣胡堅常

乾道六年九月十三日到任乾道七年正月初二日

改除兩浙運判

右奉議郎李結

乾道七年正月十七日到任乾道八年七月十六日罷

右朝散大夫葉模

乾道八年八月二十六日到任淳熙元年三月十一日召赴行在

朝散大夫陳峴

淳熙元年五月二十日到任至淳熙二年二月二十三日准告除直祕閣當年二月

二十六日改除兩  
浙路轉運判官

承議郎直祕閣薛元鼎

淳熙二年三月初九日到任

朝奉大夫潘時

淳熙四年二月初五日到任

朝散郎顏師魯

淳熙五年十月初四日到任  
六年十二月十七日除直祕閣七年九月十二日召赴

在行

承議郎趙伯渙

淳熙七年十月初八日到任  
十一月丁母憂

奉議郎張杓

淳熙九年正月初八日到任  
當年九月內除直祕閣於當月初二十五日到任  
當年九月內除兩浙運判

奉議郎王尚之

淳熙十年正月二十二日到任  
當年九月內除直祕閣於當月初二十五日到任  
當年九月內除兩浙運判

朝散郎劉穎

淳熙十一年閏十一月初二日到任  
當年九月內除直祕閣於當月初二十五日到任  
當年九月內除兩浙運判

朝奉郎石起宗

淳熙十二年四月十七日到任  
當年九月內除直祕閣於當月初二十五日到任  
當年九月內除兩浙運判

奉議郎羅點

淳熙十三年二月初二日到任  
當年九月內除直祕閣於當月初二十五日到任  
當年九月內除兩浙運判

朝奉郎史彌正

淳熙十五年三月初六日到任九月初五日除直秘閣十六年改除淮東提舉

朝奉郎張體仁

淳熙十六年十月初三日除戶部郎官湖廣總領

朝奉郎徐誼

紹熙元年十二月初一日到任三年五月初二日被旨赴行在奏事

已下補注

朝奉大夫黃通

紹熙三年七月到任紹熙五年正月改除浙西提刑

朝請大夫鄭公顯

紹熙五年正月到任當

朝請郎黃灝

紹熙五年十月到任慶元元年追兩官放罷

朝奉大夫許介

慶元元年三月到任當

降授朝散大夫李唐卿

慶元元年十月到任二年復朝請大夫當月致仕

朝散大夫韓邈

慶元二年三月到任三年除直秘閣八月除浙西提刑

朝請大夫俞豐

慶元三年九月到任四年五月除浙東提刑

朝散大夫薛紹

慶元四年七月到任  
五年六月除浙西提刑

朝散郎任洙

慶元五年六月到任  
十二月除浙西提刑

中奉大夫陳昭嗣

慶元六年正月到任  
至嘉泰元年宮觀

朝請大夫趙善闔

嘉泰元年十月到任  
二年召赴行在

朝請郎直祕閣任清叟

嘉泰二年十二月到任  
三年宮觀

朝奉大夫趙不僾

嘉泰三年三月到任  
四年召赴行在

朝散大夫史彌遠

嘉泰四年四月到任  
開禧元年改除司封郎官

承議郎黃犖

開禧元年三月到任  
二年六月召赴行在

朝散大夫陳耆壽

開禧二年六月到任  
嘉定元年除右曹郎官

朝奉郎林拱辰

嘉定元年閏四月到任  
二年除直祕閣淮東運判

朝奉大夫留恭

嘉定二年八月到任  
三年四月改除浙西提刑

朝奉郎章棣

嘉定三年五月到任四年閏二月除浙西提刑

承議郎應武

嘉定四年閏二月到任七年除宗正丞

朝散郎楊煜

嘉定五年八月初四日到任七年八月兼權提刑當月除左曹郎官

朝散郎吳格

嘉定七年九月九日到任除左曹郎官

承議郎王棐

嘉定九年八月到任九年八月兼權提刑十年正除

奉議郎魏豹文

嘉定十年十二月到任十年十月除軍器少監

程玘

嘉定十二年十一月到任十三年除秘書丞權右司郎官

承議郎朱在

嘉定十三年十二月到任十四年二月時暫兼權嘉興府右曹郎官

朝奉郎趙希齊

嘉定十四年閏十二月到任十五年罷

朝奉大夫劉屋

嘉定十五年十一月到任十七年宮觀

朝散大夫林介

嘉定十七年十月到任寶慶元年正月兼權提刑十一月除直祕閣浙西提刑

朝奉郎司馬述

寶慶元年十二月到任紹定元年正月除大理正八月除金部郎官

朝請大夫王棫

紹定元年十月到任

茶鹽司幹辦公事廳二一在醋庫巷一在郡樓之東

常平司幹辦公事廳二一在檢法廳之北一在郡樓之西

姑蘇館在盤門裏河西城下紹興十四年郡守王晚建體勢

宏麗爲浙西客館之最中分爲二曰南館北館紹興間

始與金通和使者歲再往來此館專以奉國信貴客經

由亦假以樣船登城西望吳山皆在指顧間故又作臺

於城上以姑蘇名之雖非故處因館而名亦以存舊事

也制度尤瑰特爲吳中偉觀此臺正據古胥門門跡猶

存又有百花洲在臺下射圃在洲之東臺洲亦皆喚所



建并館額皆吳說書

吳會亭升羽亭候春亭茂苑亭春波亭皆孫老橋之東吉  
利橋之西河北岸泂流客館也

皇華亭平匯亭在飲馬橋之東北岸亦客館

升平館在梵門橋南

賓興館在貢院前河西

望雲館在閶門河南

高麗亭二一在閶門外一在盤門外舊高麗使人入朝作  
此亭以館之今猶仍舊名

吳門亭在盤門內

吳郡志卷七

吳郡志卷八

古蹟

吳城事具城郭門

石室在常熟縣海隅山石室凡十所相傳太公避紂居之孟子太公避紂居東海之濱常熟去海近或是

言偃宅蘇州記云在常熟縣西史記云言偃吳人也吳地志云宅有井井邊有洗衣石周四尺皆其故物輿地志云梁蕭正德爲郡太守將石去莫知所在

丁令威宅在陽山文殊法海寺有煉丹井存焉號令威井

射臺華池南城宮姑蘇臺鮑山臨陂游臺石城長洲林園有龍以上悉吳闔廬故跡吳越春秋云闔廬旣立夫差爲太

子使將兵屯守而自治宮室立射臺於安平里華池在平昌南城宮在長樂里闔閭出入游臥秋冬治於城中春夏治於城外姑蘇之臺旦食阻山晝遊蘇臺射於鵝波馳於游臺與樂石城走犬長洲焉越絕書云石城者闔廬所置美人離城也吳地記云石城吳王離宮越王獻西施於此城又云林園在華林里石龍在龍壇里里在烏鵲橋東皆闔閭作

流盃在女墳湖西百五十步闔閭三月三日泛舟遊之今基

隍猶存

吳地記

秦餘杭山卽今陽山越破吳夫差遁去晝馳夜走三日三夕達於秦餘杭山餒甚顧得生稻而食之伏地而飲水焉

吳越

春秋

夷亭闔閭十年東夷侵逼吳境下營於此因名之

吳地記

酒城在壇城邊夫差祭子胥處臨祭勸酒因名焉城中有石  
子

走狗塘吳王作

干隧越王以散卒三千擒夫差於干隧在吳縣西北史記正

義干隧出萬安山西南一里

戰國策史記正義

姑蘇臺在姑蘇山舊圖經云在吳縣西三十里續圖經云三  
十五里一名姑蘇一名姑餘史記正義云在吳縣西南三  
十里橫山西北麓姑蘇山上山水記云闔閭作春秋遊焉  
又云夫差作臺三年不成積材五年乃成造九曲路高見

三百里勾踐欲伐吳於是作柵楣嬰以白壁鏤以黃金狀如龍蛇獻吳王吳王大悅受以起此臺越絕書云闔閭造九曲路以遊姑胥之臺柵楣之義未詳此楣所謂神木一雙大二十圍長五十尋者吳王將起臺子胥諫曰王旣變禹之功而高高下下以罷民於姑蘇吳民離矣弗聽洞冥記云吳王夫差築姑蘇之臺三年乃成周旋詰屈橫亘五里崇飾土木殫耗人力宮妓千人臺上別立春宵宮爲長夜之飲造千石酒鍾又作天池池中造青龍舟舟中盛致妓樂日與西施爲嬉又於宮中作海靈館館娃閣銅溝玉檻宮之楹榱皆珠玉飾之吳地記云闔閭十一年起臺於姑蘇山因山爲名西南去國三十五里夫差復高而飾之

越伐吳焚之又云闔閭十年築經五年始成高三百丈望見三百里造曲路以登臨吳王春夏遊姑蘇臺秋冬遊館娃宮興樂華池南城之宮又獵於長洲之苑太史公云余登姑蘇望五湖案五湖去此臺尚二十餘里越絕書云夫差伐齊越范蠡洩庸帥師屯海道江以絕吳路敗太子友遂入吳國燒姑胥臺徙其大舟續圖經考之傳記謂闔廬食不二味居不重席器不雕鏤宮室不觀舟車不飾而吳越春秋言闔廬晝遊蘇臺蓋此臺始基於闔廬而成於夫差庶可以合傳記之說云

唐任公叔登姑蘇臺賦司馬遷世掌天官才稱良史探禹穴之

遺跡紀吳國之舊軌乃憮然而嘻曰登此姑蘇之墟淹留今躊躇感斯宇之基爲沼而仲雍之祀忽諸我聞周道旣衰諸侯狎主中無霸王蠻戎振旅始闔閭以信威繼夫差以極武斜與勁越同壤右以強楚爲鄰內有高臺之築外

有遠畧之勤積如莽而暴骨亦如麟而視人是以疆場日  
駭版築未弭方五載而厥成造中天而特起因累土以臺  
高宛岳立而山峙或比象於巫廬之峰或倒影於滄浪之  
水悉人之力以爲美觀厚人之澤以爲侈靡斯實累卵於  
九層夫何見乎三百里野語有之曰川壅則潰月盈而昃  
善敗由己吉凶何常矧謀主之賜劒若涉川兮無梁以爲  
棲越以求霸卒見象吳而受殃客自南鄱觀於江濱徘徊  
舊德惆悵前聞試遊目於寥廓曾是歸然而參雲聽逆虓  
而翳諫竟麋鹿而爲羣高天放曠平湖泱泱奕奕孤嶼茫  
茫極浦悲早鴈於海風嘯寒鴟於江雨況復關梁坐隔羈  
旅增愁山木將落汀葭亂秋思美人兮子胥何爲懷直道  
而驟諫遭重昏之見危將漁父以抗跡且垂釣於江湄高  
臺旣傾夕露沾衣感蒞國之不及冀萊人之與歸者也崔  
鵲姑蘇臺賦崔子勤學少間與客遊於橫山之下有臺歸  
然出於羣山荒基峻級高切雲間荆棘爲之蒙翳麋鹿爲  
之徊環余語諸客此何所也客曰子不聞吳都之壯麗乎  
造姑蘇之高臺臨四遠而特建此其遺址也余乃倚杖而  
立喟然而嘆曰蓋聞吳王之築斯臺也受鄰越之貢竭全  
吳之力千夫吟山萬人道泣三年而聚材五年而有立佩  
茂苑於長洲帶濬池以朝夕自以爲天下之奇觀也而今  
安在哉神材異木飾巧窮奇黃金之楹白璧之楣龍蛇刻  
畫燦燦生輝而今安在哉於是與客偃僂而上抵其上之

絕嶺快四面之遐瞻南望洞庭夫椒之山湖水澄澈其名  
消夏灣者吳王避暑之所也北望靈巖館娃之宮廊曰響  
屨徑曰採香者吳之別館西子之遺蹤也其東吳城射臺  
巍巍其西胥山九曲之達至于興樂有城玩華有池走犬  
有塘蓄雞有陂猶不足以充其欲也又侈斯臺以爲娛嬉  
嗚呼雕楹鏤檻者坵墟之幾也九層百仞者汙池之漸也  
瑤臺作而夏衰瓊室考而商危章華成而楚衆叛阿房出  
而秦人離斯喪亂之必然曷吳王之不思也哉方其酌綠  
酈賦珍羞置酒若淮泗積肴如山邱其宴樂固極矣而不  
知會稽之上飲食膏腴方焦思而深謀旁籠西山俯視太  
湖憑高望遠三百餘里其登覽固廣矣而不知笠澤之畔  
銜枚仆鼓忽潛軍而夜濟是以橫塘之浦僅通而越來之  
溪已逼高下之築未乾而勾踐之城已距於只赤矣越城  
越城蒼煙兮滿目舊事兮飛灰幸江山之不改兮後之人當有  
鑑於遺臺陳羽憶昔吳王爭霸日歌謠滿路上蘇臺三千  
宮女看花處人靜臺空花自開李白蘇臺覽古舊苑荒臺  
楊柳新菱歌高唱不勝春只今唯有西江月曾照吳王宮  
裏人曹鄴吳宮酒未消又宴姑蘇臺美人淚去半夜闌  
門開相對正歌舞笑中聞鼓聲星散九重門血流十二街  
一去成萬古臺盡人不回時間野田中拾得黃金釵季紳  
雜句序臺今遺跡連接靈巖寺採香徑響屨廊皆在寺內



越王獻吳王黃金鏤楣吳王所造姑蘇臺因獻楣遂以黃金  
畫飾以破其國詩云越王巧破夫差國來獻黃金重雕  
刻西施醉舞花艷傾妬月嬌娥恣妖惑姑蘇百尺曉鋪開  
樓楣盡化黃金臺歌清管咽歡未極越師戈甲浮江來伍  
胥抉目看吳滅范蠡全身霸西越寂寞千年皆古墟蕭條  
兩地皆明月靈巖香徑掩禪扉秋草荒涼徧落暉江浦迴  
看鷗鳥沒碧峰斜見鷺鷥飛如今白髮星星滿却作閑官  
不閑散野寺經過懼海尤公程迫蹙悲秋館吳鄉越國舊  
淹留草樹煙霞昔徧遊雲外夢魂多感歎不惟惆悵到長  
洲羅隱讓高太伯開基日賢見延陵復命時未曾子孫因  
底事解崇臺榭爲西施劉駕勾踐飲膽日吳酒香滿杯笙  
歌入海雲聲自姑蘇來西施舞初罷侍兒整金釵衆女不  
敢妬自比泉下泥越鼓聲騰騰吳天隔塵埃難將禹東地  
更學會稽栖霸跡一朝盡草中棠梨開劉禹錫故國荒臺  
在前臨震澤波綺羅隨世盡麋鹿占時多築用金鉞力摧  
因石鼠窠昔年彫輦路惟有採樵歌湯備山花野草一荒  
邱雲裏驕奢舊跡留珠翠管絃人不見上頭麋鹿至今遊

## 春宵宮

## 天池

海雲館

館娃閣

銅溝玉檻

並見上

館娃宮吳越春秋吳地記皆云閶闔城西有山號硯石山山在吳縣西三十里上有館娃宮又方言曰吳有館娃宮今

靈巖寺卽其地也山有琴臺西施洞硯池翫花池山前有

採香徑皆宮之故跡

唐殷堯藩吳宮詩吳王愛歌舞夜夜醉嬋娟見日吹紅燭和塵掃翠鈿徒

令勾踐霸不信子胥賢莫問長洲草荒涼無限年李嘉祐傷吳中館娃宮中春已歸闔閭城頭鶯已飛復見花開人

又老橫塘寂寂柳依依憶昔吳王在宮闕館娃賣眼看花發舞袖朝歡陌上春歌聲夜怨江邊月古來人事亦猶今

莫厭清觴與綠琴獨向西山聊一笑白雲芳草自知心李紳江雲斷續草綿連雲隔秋波草覆煙雪荻花鋪漲渚

變霜楓葉卷平田雀愁化水喧斜日鴻怨驚風叫暮天因問館娃何所恨破吳紅臉尙開蓮皮日休懷古艷骨已成

蘭麝土宮牆依舊壓層崖弩臺雨壞逢金鏃香逕泥銷露  
玉釵硯沼祇留溪鳥浴屨廊空信野花埋姑蘇麋鹿眞閒  
事須爲當時一愴懷皮日休綺閣飄香下太湖亂兵侵曉  
上姑蘇越王大有堪羞處祇把西施賺得吳陸龜蒙三千  
雖衣水犀珠半夜夫差國暗屠猶  
有美人皆二八獨教西子占亡吳

西施洞在靈巖山之腰山卽館娃宮所在故西施洞在焉

徐黃

勾踐進西施賦以鮪鱣鮪鮪返惑人之心今惟巧惟僭破  
人之國今以妖以艷當勾踐之密謀進西施而果驗昔者  
二國相吞陵卑恃尊殊不知卑則自亡而固存尊則謂明  
而反昏鳥喙年年誓啄夫差之肉稽山日日惟聽范蠡之  
言言曰伍員之賢東吳之德伯嚭之佞東吳之賊德之盛  
今越可憂賊之興今吳可殛臣以夙夜而計機謀偶得欲  
狂敵國之君須中傾城之色待其聲色內伐君臣外惑自  
然紂妲己以亡宗晉驪姬而亂國今苧蘿之山越水之灣  
恐是神仙之化忽生桃李之顏波淺丹臉鴉深綠鬟翠  
黛今慘難效浣輕紗兮妖且閑楊柳羞弱芙蓉死殷可以  
變柳惠於嚴莊之際悅荆王於魂夢之間臣請進焉王今  
何以王乃豁若而喜矍然而起曰此蓋神假卿之碩畫入  
雪越之前恥乃命寶馬騰龍香車輾風迎織女於銀漢娉  
姮娥於月宮炫耀雲外喧闐洞中妝成而瑞玉凝彩服麗

而朝霞翦紅昨日猶賤今晨不同寧期大國之君流恩下  
及堪恨鄰家之婦謂妾常窮曉別越溪暮歸吳苑越慮計  
失吳嫌進晚歌一聲兮君魄醉笑百媚兮君心蹇坐令佞  
口因珠翠以興言立遣謀臣并洪濤而不返勾踐乃走電  
驅雷星馳箭催投醪而士卒皆醉嘗膽而胷襟洞開虎噬  
骨碎山崩卯摧楚腰衛鬢化為鬼鳳閣龍樓燒作灰於是  
命屠蘇之酒上姑蘇之臺伊霸業以何在俄英風  
而聿來於戲殺忠賢而受佳麗欲不敗而難哉

吳王郊臺在橫山東麓下臨石湖壇壝之形儼然相傳吳僭  
王時或曾祀帝也

吳王井在靈巖山腰大石泓也相傳爲吳王避暑處詳見靈

巖山條

楊備詩石於遺蹤傍古臺一泓寒影鑑光  
開何人照面金釵洛曾見越溪紅粉來

響屨廊在靈巖山寺相傳吳王令西施輩步屨廊虛而響故  
名今寺中以圓照塔前小斜廊爲之白樂天亦名鳴屨廊

王禹偁廊裏空留響屨名爲因西子遶廊行可憐伍相終  
屍諫誰記當時曳履聲楊備步步香翻羅襪塵粉紅花艷

滿宮春傾城一笑無遺  
跡不見長廊響屐人

梧桐園在吳宮本吳王夫差園也一名琴川語云梧宮秋吳

王愁

採香逕在香山之旁小溪也吳王種香於香山使美人泛舟  
於溪以採香今自靈巖山望之一水直如矢故俗又名箭

涇

楊備館娃南面卽香山畫舸爭浮日往  
還翠蓋風翻紅袖影芙蓉一路照波間

香水溪在吳故宮中俗云西施浴處人呼爲脂粉塘吳王宮  
人濯粧於此溪上源至今馨香古詩云安得香水泉濯郎  
衣上塵

長洲在姑蘇南太湖北岸闔閭所遊獵處也吳主遣徐詳至  
魏魏太祖謂詳曰孤比老願越橫江之津與孫將軍遊姑

蘇之上獵長洲之苑吾志足矣詳對曰大王欲奉至順以合諸侯若越橫江而遊姑蘇是踵亡秦而躡夫差恐天下

之事去矣太祖笑曰徐生得無逆詐耶

吳地記

長洲苑舊經云在縣西南七十里孟康曰以江水洲爲苑韋

昭云長洲在吳東枚乘說吳王濞云漢修治上林雜以離

宮佳麗玩好圈守禽獸不如長洲之苑則知劉濞時嗣葺

吳苑其盛尚如此

孫述長洲苑吳苑校獵吳王初鼎峙羽獵騁雄才輦道閭門出軍容茂苑來山

從列陣轉江自遠村回劍騎緣汀入旌門隔嶼開合離紛若電馳逐隘成雷勝地虞人守歸舟漢女陪可憐夷漫處

猶在洞庭隈山靜吟猿父城空應雉媒戎行委喬木馬跡盡黃埃攬涕問遺老繁華安在哉

越城在胥門外越伐吳吳王在姑蘇越築此城以逼之城堞

髣髴具在高者猶丈餘闊亦三丈而幅員不甚廣史記正

義吳東門解引吳俗傳云子胥亡後越從松江北開渠至橫山東北築城伐吳據此文卽今越城正是舊跡詳見石湖門

越來溪在越城東南與石湖通溪流貫行春及越溪二橋以入橫塘清澈可鑒越兵自此溪來入吳故以名史記正義越自松江北開渠至橫山東北入吳卽此溪來讀曰釐吳音也

魚城在越來溪西吳王遊姑蘇築此城以養魚

吳地記

苦酒城在魚城之西南有故城長老云築以釀酒今俗人呼

爲苦酒城

吳地記

鴨城在匠門外吳王築以養鴨

吳地記

雞陂在婁門外吳王養雞城也又名雞陂墟

南武城在海渚闔閭所築以禦見伐之師

吳地記

吳小城白門闔閭所作秦始皇帝時守宮吏燭燕窟失火燒

宮而門樓尚存

虞氏家記

美女宮夫差所作土城周五百九十步勾踐所進美女西施

鄭旦之宮室也

越絕書

吳宮鄉在吳江縣甫里之地在今長洲東南五十里相傳吳

王別宮然舉無舊跡矣陸龜蒙嘗作問吳宮辭

蠡口在齊門之北又有蠡塘在婁門之東相傳鴟夷子乘扁

舟下五湖潛過此以出招大夫種因以名之

楊備霸越勲名間世才五

湖煙浪一帆開猶防烏喙傷同輩此地復招文種回



角音祿頭卽漢角里在洞庭山村漢角里先生所居史記正義

太湖中洞庭山西南中號祿里村卽此用里今有巡檢俗

號用頭巡檢俗或作角字

史記正義

黃堂事具官舍門

吳郡志卷八

吳郡志卷九

古蹟

死亭灣在閶門外七里漢朱買臣妻恥而自縊處也

毛公壇卽毛公壇福地在洞庭山中漢劉根得道處也根旣

仙身生綠毛人或見之故名毛公今有石壇在觀旁猶漢

物也

白居易詩毛公壇上片雲閒得道何年去不還千載鶴翎歸碧落五湖空鎮萬重山皮日休却上南山

路松竹儼如廡松根礙幽逕孱顏不能斧擺履跨亂雲側巾蹲怪樹三休且半日始到毛公塢兩水合一澗衆崖却

爲清相敵百十戟共搗十萬鼓噴散日月精射破神仙府唯恐絕地脈又恐折天柱一窺耳日眩再聽毛髮豎次到

鍊丹井井幹翳宿莽下有藥剛丹勺之百疾愈凝於白巖髓湛似銅馬乳黃露醒齒牙碧粘甘肺腑檜異松復怪枯

疎互撐拄乾蛟一百丈醺然半天舞下有毛公壇壇方不盈畝當時雲龍篆一片苔蘚古循嶺旣甞巖壇時時仙禽

來忽忽祥煙聚我愛周息元忽起應明主綢繆君三諫却歸來迴頭唾珪組伊余何不幸斯人不復覩如何大開口

與世爭枯腐將山待夸娥以肉投楔偷歛坐侵桂陰不知  
已與午茲地足靈境他年終結宇敢道萬石君輕於一絲  
縷陸龜蒙古有韓終道授之劉先生身如碧鳳皇羽  
翼披輕輕先生盛驅役臣伏甲與丁勢可倒五岳不唯鞭  
羣靈飄飄駕翔螭白日朝太清空遺古壇在稠疊煙蘿屏  
遠懷步罡夕列宿森然明四角鎮露獸三層差羽嬰迴眸  
眇七炁運足馳踈星象外真旣感區中道俄成爾來向千  
祀雲嶠空崢嶸石上橋花落石根瑤草青時時白鹿下此  
外無人行我訪岑寂境自言齋戒精如今君安死好君魂  
魄猶羶腥有笈皆綠字有芝皆紫莖相將望瀛島浩蕩凌  
滄

慎

石射堋在石城山有石鼓鼓鳴卽有兵山有石馬望如人騎  
東城崑山古圖經云縣故有城在縣東三百步今縣東猶謂  
之東城頭近歲耕者於東寺之後多得古城磚及銅箭鏃  
神運殿基卽崑山慧聚寺殿事具慧聚寺門

龍柱崑山慧聚寺殿柱也梁張僧繇畫龍其上其後數出在

江湖中僧繇又畫鎖鑰之唐會昌中廢佛寺柱留入郡中  
寺復郡以柱還寺橫閣於殿東間楣上余猶及見之淳熙  
中寺火柱亦隨燼

烏夜村晉穆帝后何淮女寓居縣南產后於此將產之夕有  
羣烏夜驚於聚落爾後烏更鳴衆共異之及明大赦

北禪院晉戴顓舊宅後爲唐司勳陸郎中宅皮陸北禪聯句  
云歆蒸何處避來入戴顓宅龜蒙又有遊北禪詩云居士  
祇今開梵處先生曾是草元堂

支遁菴在南峰古號支硎山晉高僧支遁嘗居此剡山爲龕  
甚寬敞相傳有村婦生子於中菴頂遂中裂道林又嘗放  
鶴於此今有亭基道林喜養駿馬今有白馬碣云飲馬處

也菴旁石上有馬足四云是道林飛步馬跡也

放鶴亭

見上

白馬礪

見上

馬跡石

見上

般若臺在吳縣西二里晉穆侯何準捨宅置東北角有般若

橋時人呼作朱明寺橋是也

吳地記

金昌亭在昌門宋少帝景平二年廢爲營陽王幽于吳郡徐  
羨之等使邢安泰弑帝于金昌亭帝有勇力不卽受制突  
走出昌門追以門關路之此云走出昌門則亭尚在城中  
陸龜蒙又謂梁鴻墓在金昌亭下一里又似在城外恐在  
今城有少遷徙耳

梁雙殿在虎邱寺大殿前二小殿相對最爲古跡淳熙中有僧庸凡而好修造始盡毀之好事者至今以爲恨錢氏廣陵王在姑蘇不喜追遊不事園苑惟每遊虎邱山寺前路引望則喜動顏色比至山必規畫修繕今寺多其經意處也

越公井今在治平寺前山岡上徑一丈八尺石欄如屏繞之上有刻字多不可辨又有唐廣明元年僧茂訖述大唐楞伽殿後重修吳朝大井記略云惟茲巨井吳誌坐當橫山艮位越來溪西百步隋開皇十年越國公楊素築城創斯井焉時屯師孔多日飲萬人邇來三百餘年邑則可改其道不革按此卽是楊素井蓋素旣平陳嘗遷吳郡於山下

至今謂之新郭茂輒修井記題首乃云吳朝大井蓋傳襲之誤僧輩不能辨也楞伽寺今名寶積寺與治平爲鄰又知古只一寺井正在楞伽殿後也井記又云寺創於乾元元年

白公檜唐白樂天手植在州宅後池光亭前水中政和初已槁瘁高不滿二丈後爲朱冲取獻京師死道中乃以他檜易之禁中初不知也今池中復植一株

石林避暑錄

虎邱寺古杉在殿前相傳爲晉王珉所植唐末猶在形狀甚怪不可圖畫皮日休稱其死奇節不知雨露之可生卽是時已枯日休詩曰種日應逢晉枯來必自隋陸龜蒙亦曰後凋依佛氏初植必僧彌寺蓋王氏別墅僧彌珉小字也

臨頓舊爲吳中勝地陸龜蒙居之不出郭郭曠若郊墅今城

東北有臨頓橋皮陸皆有詩

皮日休一方蕭灑地之子獨深居遶屋親栽竹堆牀手寫

書高風翔砌鳥暴雨失池魚暗識歸山計村邊買鹿車

籬疎從綠槿簷亂任黃茅壓酒移溪石煎茶拾野巢靜窗

懸雨笠閒壁挂煙匏支遁今無骨誰爲世外交 繭稀初

上簇醅盡未乾牀盡日留蠶母移時祭麴王趁泉澆竹急

候雨種蓮忙更葺園中景應爲顧辟疆 靜僻無人到幽

深每自知鶴來添口數琴到益家資壞塹生魚沫頽簷落

燕兒空將綠蕉葉來往寄閒詩 夏過無擔石日高開板

扉僧雖與筒簞人不典蕉衣鶴靜共眠覺鷺馴同釣歸生

公石上月向夕約譚微 經歲岸鳥紗讀書三十車水痕

侵病竹蛛網上衰花詩任傳漁客衣從遞酒家知君秋晚

事白幘刈胡麻 寂歷秋懷動蕭條夏思殘久貧空酒庫

多病束漁竿元想凝鶴扇清齋拂鹿冠夢魂無俗事夜夜

到金壇 閉門無一事安穩臥涼天砌下翹飢鶴庭陰落

病蟬倚杉閒把易燒米靜論從公賴有包山客時時寄紫

泉 病起扶靈壽條然強到門與杉除敗葉爲石整危根

薜蔓狂遮壁蓮莖臥枕盆明朝有忙事召客斷何係 緩

頰稱無利低眉號不能世情都太薄俗意就中憎雲態不

知驟鶴情非會徵畫臣誰奉詔來此寫姜肱陸龜蒙近來



唯樂靜移傍故城居閒打修琴料時封謝藥書夜停江上  
鳥晴曉篋中魚出亦畧何事無勞置棧車倩人醫病樹  
看僕補衡茅散髮還同阮無心敢慕巢簡便書露竹樽侍  
破霜飽日好林間坐煙蘿僅欲交倭僧留海紙山匠製  
雲牀懶外應無敵貧中直是王池平鷗思喜花盡蝶情忙  
欲問新秋計菱絲一畝強故山空自擲當路竟誰知祇  
有經時策全無養拙資病深憐灸客炊晚信樵兒謾欲陳  
風俗周官未採詩福地能容壑元闕詎有屏靜思瓊板  
字閒洗鐵筇衣鳥破涼煙下人衝暮雨歸故園秋草夢猶  
記綠微微水影沈魚器鄰聲動緯車燕輕梢墜葉蜂懶  
臥煇花說史評諸例論兵到百家明時如不用歸去種桑  
麻禹穴奇編缺雷平異境殘靜吟封錄檢歸興削帆竿  
白石堪爲飯青蘿好作冠幾時當斗柄同上步罡壇強  
起披衣坐徐行處暑天上街來鬪雀移樹去驚蟬莫問鹽  
車駿誰看宦馭從黃金如可化相近買雲泉野入青  
蕪巷陂侵白竹門風高開栗刺沙淺露芹根迸鼠緣藤桁  
飢鳥立石盆東吳雖不改誰是武王孫踈慵真有素時  
勢盡無能風月雖爲敵林泉幸未憎酒材經夏闕詩債待  
秋徵祇有君同癖閒來對曲肱

重元寺藥圃唐末僧元達年逾八十好種名藥凡所植者多

致自天台四明包山句曲叢萃紛糅各可指名皮日休嘗

訪之而題詩

皮日休兩條煙鋤僂僂賁紺牙紅甲兩三畦藥名却笑桐君少年紀翻嫌竹祖低白石靜

敲蒸木火清泉閒洗種花泥怪來昨日休持鉢一尺彫胡似掌齊

香蔓蒙籠覆若邪檜煙杉露濕袈裟石盆換水

撈松葉竹徑遷牀避笋芽桑枝移時挑細葉測餅盡目灌幽花支公謾道憐神駿不及今朝種一麻

忠國師庵基在穹窿山絕頂疊石宛然唐顧在銘留題在光

福山寺墨跡尚存

詩云蒼島孤生白浪中尚天高塔勢翻空煙城遠岫列寒翠霜染疎林墜碎紅

溪潛式棲彭澤鴈樓臺深貯洞庭風六時金磬落何處徧傍葦叢驚釣翁

虞山今爲海巫山山卽巫咸山所出

李後主題額在崑山惠聚寺大殿前二樓曰經臺鍾臺淳熙

中寺焚無遺跡矣

柳毅并在洞庭東山道側按小說載毅傳書事或以謂是岳

之洞庭湖以其說有橋社故議者又以爲卽此洞庭山爾

蔡經宅在朱明寺西

事具神仙門吳地記

吳國古館三曰昇月曰烏鵲曰江風昇月在帶城橋東烏鵲

在烏鵲橋今爲營寨江風在渴烏巷又新館二曰通波曰

全吳

吳地記

又續圖經載舊傳古館八曰全吳通波龍門臨

頓烏鵲昇羽江風夷亭云昇月疑卽昇羽今此亭尚存

洗馬池在府學之南

楊備一一牽來種是龍臨深欲下更斯風金鞍玉勒拋何處騰踏渥洼寒影中

吳郡志卷十

封爵

吳孫策漢建安二年自騎都尉襲爵烏程侯既破陳瑀曹操表策爲討逆將軍改封吳侯

吳書

晉吳敬王晏太康十年受封食丹陽吳興并吳三郡

成帝咸和元年十月封皇弟岳爲吳王

慕容垂眊第五子雋僭位封垂吳王

後周尉遲綱武成元年進封吳國公歷位少傅大司空

陳後主第十子藩封吳郡王

唐武德三年以和州總管東南道行臺尚書令楚王杜伏威爲使持節江淮以南諸軍事楊州刺史東南道行臺尚書

令淮南安撫使封吳王賜姓李氏

唐太宗正觀十年子恪封吳王

唐天祐元年詔錢鏐落起復進封吳王

吳越備史

本朝大中祥符九年拜參知政事丁謂平江軍節度使知昇州謂郡人建節本鎮一時爲榮真宗皇帝賜以御製詩九

爲盛事詳具謂跋中

御製賜平江軍節度使丁謂詩序卿黃閣同寅實彰於盡粹碧幢臨鎮方

屬於報功言當入謝之辰特賜褒賢之作今成七言四韻詩一首賜新授蘇州節度使丁謂依韻和進詩云懿辭碩畫播朝中造膝詢謀禮遇豐文石延登章順美高牙前導表疇庸書生仗鉞今尤貴舊里分符古罕逢畫錦買臣安敢比黃樞早日接從容謂次韻和進云白麻初降紫宸中營組相驚帝澤豐驟陟將壇知運偶久塵台席愧材庸桑榆便覺人間別旌戟猶疑夢裏逢已是都城聳榮觀更願天唱耀戎容又賜御詩序卿名藩出莅離極於倚毗文陛言辭良多於眷注特示寵行之什用增方面之榮今成五言十韻詩一首賜蘇州節度使丁謂依韻和進詩云踐歷

功皆著諸詢務必成懿才符曩彥佳器貫時英俾展經綸  
業旋陞輔弼榮嘉亨忻盛遇盡瘁罄純誠均逸明恩洽  
勞茂典行白麻三殿曉紅旆九衢平雖輟凝嚴任尤增倚  
注情擁旌辭帝闕頓轡望都城風景高秋月輝波幾舍程  
想卿懷感意常是夢神京謂次韻和進云叨竊逢嘉會孤  
單荷曲成高車陪上宰密座則羣英步武清華地優游侍  
從榮勤劬期薄効忠謹誓明誠方畏官箴失俄驚龍命行  
昌恩心易感戀聖意難平未副宵衣念寧安書錦情搖搖  
千里棹眷眷九重城茜旆輝登路瓊章耀去程子牟牽望  
處金闕玉爲京謂跋云臣謂材用無取聲猷不揚徒以遭  
遇盛明忝冒榮寵掌邦計參國政一紀于茲贊皇儀相盛  
則百禮斯舉位重逾量恩深積憂蓋早負官箴久妨賢路  
或驟掇物論則大幸聖知優退是希陳露未暇去年秋九  
月甲辰忽逢制命遙登將壇進崇秩於上公建高牙於故  
里君親奇遇臣子殊榮授命之初便殿賜對天語撫勞容  
旨溫密至感至戀且拜且泣十一日復對於宣和門賜御  
製入謝日七言四韻詩一首十九日朝辭於長春殿賜御  
製寵行五言十韻詩一首皆俾和進丹文綠字親奉於紫  
清雲笈芝函頒流於衡泌簪纓偉觀油素騰芳壁日九華  
但圓首以拭目薰紅六變罄方輿而悅心期大播於玉音  
敢盡刊於金字蘇臺奧壤鍾阜名區並謹歲時永昭盛美  
大宋天禧元年歲次丁巳正月二十六日推誠保德翊戴

功臣金紫光祿大夫檢校太尉使持節蘇州諸軍事蘇州  
刺史充平江軍節度蘇州管内觀察處置隄堰橋道等使  
知昇州軍州事兼御史大夫上柱國濟陽郡開國  
公食邑三千五百戶食實封一千二百戶臣丁謂

## 牧守

吳郡地重舊矣守郡者非名人不敢當晉吳郡太守與會稽吳興三郡爲真二千石嘗欲以黃門侍郎郗愔爲吳郡守愔自以資望少不宜超莅大郡乃改臨海蘇峻平將以孔坦爲吳郡自陳吳多賢豪而坦年少未宜領之亦改吳興蕭子範爲蔡令撰辭吳郡表略云全吳奧區地迫都輦譬彼西京則扶風馮翊方之洛下則潁川河內自非時雨之政解繩之才寧可奉共理之言承河潤之旨白樂天少時嘗言異日首獲蘇杭一郡足矣後三十七年始佩蘇印又謂豈始望及此吳郡太守爲古今貴重於此可以槩見漢未分吳會時但稱會稽太守後漢時有吳郡太守晉時有吳國則曰吳國內史或



曰郡守唐號蘇州刺史或稱吳郡太守或兼江東採訪使或稱吳郡採訪使今採撫諸史及他記載中顯有名稱者立牧守條本朝稱知蘇州今稱知平江府事具題名記

前漢朱買臣吳郡人武帝時爲會稽太守治吳先是東越數反覆買臣因言故東越王居泉山一人守險千人不得上今聞南徙五百里大澤中今發兵浮海直指泉山列兵席卷可破滅也乃拜買臣會稽太守帝謂買臣曰富貴不歸故鄉如衣繡夜行今子如何詔買臣到郡治樓船備糧食水戰具須詔書軍到與俱進初買臣昔嘗從會稽守邸者寄居飯食及爲太守衣故衣懷其印綬步歸郡邸直會稽上計吏等羣飲買臣入室中守邸與

共食少見其綬守邸怪之前引其綬視其印會稽太守章也驚出語上計掾吏皆醉大呼曰妄誕耳其故人素輕買臣者入視之還走疾呼曰實然坐中驚駭白守丞推排陳列中庭拜謁買臣徐出戶有頃長安廐吏乘駟馬車來迎買臣遂乘傳去居歲餘受詔將兵與橫海將軍韓說等俱擊破東越有功徵入爲主爵都尉列於九卿

後漢尹興爲吳郡太守楚王英陰疏天下名士有興名

陳瑀以安東將軍行吳郡太守受詔與孫策同討袁術將

併圖策屯於海西爲策所破

江表傳

許貢爲吳郡太守時孫策方起貢上表漢帝謂策驍雄類

項籍宜以貴寵召還若寘於外必爲世患策候吏得表  
以示策策遂殺貢貢小子與客亡匿江邊策單騎出貢  
客擊傷策策病創死

盛憲器量雄偉遷吳郡太守以病去官孫策定吳會忌憲  
高名孔融憂憲不免與曹公書徵爲騎都尉制命未至

爲權所害

會稽  
典錄

儻和後漢爲吳郡太守

吳太史亨慈之子歷尚書吳郡太守

吳書一  
名高

謝勗吳郡太守與兄承並知名

滕允有節操自丹陽徙吳郡太守每聽訟察言觀色務盡  
情理人有窮冤對之流涕

晉譙敬王恬忠正有幹局在朝憚之補吳國內史

司馬允之恬之子爲吳國內史拒庾楷斬其將段方爲桓  
元所害

沈充車騎將軍吳國內史

見沈演之傳

咸爲吳郡內史吳郡顧榮與親故書曰傅長虞勁直忠  
果雖非周才亦足貴也

王恬導之子少好武晚節更好士起爲後將軍轉吳國內  
史

王洽導諸子中最知名爲吳國內史召拜領軍尋加中書  
令固辭不受有清裁之稱

王珣洽之子爲吳國內史在郡爲士庶所悅

王劭導之子有風操爲吳國內史子默亦繼父官

王蒼導之子爲吳國內史年饑人多餓死蒼以倉米作餠粥以啗餓者所濟活甚衆召爲中領軍復爲吳國內史王謐劭之子少有美譽自侍中拜吳國內史未至郡留爲中書令

袁山松博學有文章爲吳郡太守時孫恩作亂山松守滬瀆城城陷被害

魏詠之好學不倦桓元篡位協贊義謀義熙初進征虜將軍爲吳國內史

顏含含操行以孝聞除吳郡太守王導問含曰卿今莅名郡政將何先答曰王師歲動編戶虛耗南北權豪競招

游食國弊家豐執事之憂且當悉化勢門使反田桑數年之間欲令戶給人足如其禮樂俟之明宰含所歷簡而有恩明而能斷然以威御下導歎曰顏公在事吳人斂手矣

鄧攸清和平簡方正寡欲爲吳郡太守載米之郡俸祿無所受唯飲吳水而已時郡中大饑攸奏賑貸未報乃輒開倉救之郡政清明百姓歡悅爲中興良守後稱疾去職郡常有送銀錢數百萬不受一錢百姓數千人牽攸船不得進攸乃小停夜中發去吳人歌之曰統如打五鼓雞鳴天欲曙鄧侯挽不留謝令推不去百姓詣臺乞留一歲不聽

郗鑒討賊帥劉徵加都督吳郡諸軍事

刁彝協之子斬讎人黨以祭父墓由是知名歷吳國內史殷祐爲吳郡內史上牋論顧榮功高贈典不稱榮由是贈侍中驃騎將軍開府儀同三司

江灌少知名才識亞於逌自尚書中護軍爲吳郡太守加秩中二千石未拜卒

劉牢之當孫恩之亂吳郡內史桓謙棄郡走牢之都督吳郡諸軍事恩破吳國殺內史袁山松牢之使參軍劉裕討平之

張茂有志行爲鄉里所敬信補吳國內史沈充之亂遇害少嘗夢得大象以問占夢曰君當得大郡而不善也象

大獸獸守也故知當得大郡然象以齒焚果如其言

賀循字彥先操尚高厲童齒不羣言行進止必以禮讓不  
汙陳敏之亂敏破除吳國內史不就元帝爲安東將軍  
復上循爲吳國內史循作吳郡初不出門吳中強宗輕  
之乃題府門會稽雞不能啼賀聞故出行至門反顧索  
筆答之云不可啼殺吳兒於是至諸屯及邸閣檢校諸  
顧陸使官兵及藏逋亡悉以事言上罹罪者衆陸托時  
爲江陵郡都督故下自請孫皓然後得釋

出世說

顧祕吳國內史唱義傳檄以討李辰石冰之亂

應詹性質素宏雅以學藝文章稱由後軍將軍出補吳國

內史



庾冰亮之弟以雅素垂風自司徒右長史出補吳國內史  
蘇峻反遣兵攻冰冰不能禦奔會稽率家進擊峻兵乘  
勝赴京都封新吳縣侯固辭不受

庾羲亮之子少有時譽初爲吳國內史時穆帝頗愛文羲  
羲至郡獻詩頗存諷諫

庾希冰之子自侍中出爲輔國將軍吳國內史後死於桓  
溫之刑

蔡謨當蘇峻反時吳國內史庾冰出奔會稽乃以謨爲吳  
國內史謨旣至與張闓顧衆顧颺等共起義兵迎冰還  
郡峻平復爲侍中

桓檀詳正有望補吳國內史

王愷爲侍中多所獻替出爲吳國內史

荀蕤崧之子有儀操風望除建威將軍吳國內史

荀羨蕤之弟資稟遜羣清和有準遷吳國內史

王允之舒之子蘇峻之亂督護吳郡義興晉陵三郡征討  
軍事破賊韓晃於長塘賊平以功封彭澤縣侯

王侃少歷顯職位至吳國內史

虞譚清正有檢操始爲吳興太守蘇峻反加譚督三吳晉  
陵宣城義興五郡軍事峻平轉鎮軍將軍吳國內史徙  
會稽米發還復吳郡時軍荒之後百姓饑饉死亡塗地  
譚乃出倉米賑救又修扈瀆壘以防海抄百姓賴之子  
嘯父隆安初爲吳國內史兄驥之子谷亦位至吳國內

史

樂謨廣之子南渡江爲征虜將軍吳國內史

張敞郡人桓元篡位敞爲尚書以答事忤元敞表獻忠款  
事平爲吳郡太守事見南史敞子邵傳而子裕傳乃云  
爲吳國內史敞子孫至宋齊之後益昌爲吳大家云

宋劉損字子騫元嘉中爲吳郡太守至閶門便入太伯廟  
室宇頽毀垣牆不修損愴然曰清塵尚可髣髴衡宇一  
何摧頽卽令修葺

王琨廉約忠實立朝強正爲吳郡太守遷中領軍坐在郡  
用朝舍錢餉二宮諸王及作絳襖奉獻軍用左遷光祿  
大夫

袁珣爲吳郡太守諡曰貞珣弟子粲舊名愍孫幼孤好學  
有清才隨珣在郡擁弊裘讀書足不踰戶有欲與珣子  
顗婚珣曰顗不堪政可與愍孫婚耳

張永廢帝時自侍中領安成王師出爲吳郡太守事具人  
物門

張岱永弟齊建元初爲吳郡太守高帝手敕加護軍以家  
爲府事具人物門

張緒元徽中自侍中爲吳郡太守事具人物門

張懷宋昇明中以誅劉遐授吳郡太守封義城侯齊明帝  
時復爲太守以拒王敬則懷事具人物門

顧琛吳人孝建初爲吳郡太守以起義功封永新縣五等

侯廢帝卽位爲吳郡太守

王曇生大明中爲吳郡太守又見顧琛傳

顧覲之吳人爲吳郡太守不低意於幸臣蔡興宗嫌其風節過峻事具人物門

羊元保歷吳郡太守文帝以元保廉素寡欲故頻授名郡爲政雖無殊績而去後常必見思

柳世隆字彥緒爲吳郡太守居母憂寒不衣絮

王僧達爲吳郡太守

王慈字伯寶少有內潤之稱歷吳郡太守

王誕字茂世爲宋武帝太尉長史帝甚仗之復爲吳國內

史母憂去職

江夷字茂遠宋初歷吳郡太守營陽王於吳縣見害夷臨哭盡禮以兄疾去官歷任以和簡稱

王思遠爲吳郡丞行郡事時稱得人詳見官吏門

褚淵字彥回宋明帝時歷侍中爲吳郡太守帝寢疾殆馳使召之託以後事受顧命輔幼主

褚澄字彥道彥回弟尚宋廬江公主歷官清顯尤善醫術

建元中爲吳郡太守百姓李道念以公事到郡澄謂曰汝有重疾答曰病冷五年澄爲診脉曰汝病非冷非熱當是食白瀹雞子過多所致令取蘇一升煮服之始一服乃吐出一物如升涎裏之動開看是雞雛羽翅爪距具足能行走澄曰此未盡更服所餘藥又吐得如向者

雞十三頭而病都差當時稱妙

張充自尚書僕射出爲吳郡太守下車恤貧老故舊莫不  
欣悅事具人物門

宗室安陸昭王綏字景業仕宋爲吳郡太守政有能名竟  
陵王子良與之書曰竊承下風數十年來姑蘇未有此  
政武帝嘉其能累遷官

宗室南康縣侯子恪字景冲有文學建武中爲吳郡太守  
大司馬王敬則反於會稽以奉子恪爲名子恪逃之梁  
大通二年復爲吳郡太守卒

江數字叔文有風格不降意權倖歷吳郡太守

何叔度尚之之父義熙中爲吳郡太守太保王宏每稱其

清身潔已

謝舉字言揚與兄覽齊名江淹目爲二龍大同三年爲吳郡太守先是何敬容居郡有美績世稱何吳郡及舉爲政聲跡略相比嘗要何徵君講中論何難以巾褐入南門乃從東門進致詩往復爲武邱山賦題于寺

王規字威明神峰標映時稱俊人爲吳郡太守簡文帝爲作謝章曰駕吉祥之車入句吳之地驅緹扇之馬撫奉德之鄉製錦何階夢絲方始主書芮珍宗家在吳前守宰皆傾意附之珍宗假還規遇之甚薄俄召爲左戶尚書郡境千餘人詣闕請畱表三奏不許求於郡立碑許之



袁君正字世忠美風儀早得時譽爲吳郡太守侯景亂率所領赴援君正當官有名稱君正子憲字德章朝野嚴憚詳練朝章遷吳郡太守以父任固辭改授南康內史李元履幼有操業甚閑政體仕梁爲吳郡太守

宗室南浦侯推字智進清敏好屬文歷吳郡太守所臨必早吳人號早母然侯景之亂握節死之

宗室南海王大臨大寶元年除吳郡太守時張彪起義會稽或勸大臨投之大臨曰彪若成功不藉我力如其撓敗以我說焉不往二年遇害

吳郡志卷十一

牧守

題名

牧守

江革字休映自都官尚書監吳郡荒歲盜掠公行郡唯有  
公給仗具二十人民旬懼革至郡又省游軍尉百姓  
愈恐革廣施恩惠盜賊靜息

何敬容爲吳郡太守爲政勤恤民隱辨訟如神視事四年  
治爲天下第一吏民詣闕請樹碑詔許之

袁昂天監十一年以吳郡太守爲兼尚書

梁王僧智僧辯之弟爲吳郡太守陳霸先殺僧辯僧智據  
城拒守霸先遣將軍裴忌攻之僧智奔吳興裴忌旣

逐王僧智陳霸先以爲吳郡太守

陳裴忌字無畏聰敏有識量初武帝誅王僧辯僧辯弟僧智舉兵拒吳郡帝命忌勒精兵自錢塘直趣吳郡夜至城下鼓譟薄之僧智疑大軍至輕舟奔杜龕帝嘉之表授吳郡太守

宗室晉安王伯恭字肅之爲吳郡太守時年十餘歲留心政事官曹緝理

沈君理字仲倫爲吳郡太守時兵革未寧百姓荒弊君理總集士卒修飾器械深以幹理見稱

宗室永陽王伯智天嘉中爲吳郡太守聞陸慶之名欲見不可往慶宗人陸榮宅穿壁觀之其好賢如此案南

史儒林傳末附載陸慶事但稱永陽王無名檢永陽王伯智傳少敦厚有器局博涉經史疑卽其人第傳不載其爲吳郡蓋疏略矣

宗室衡陽王伯信守吳郡舉孝廉伯信本傳不著

隋皇甫績字功明陳平爲蘇州刺史高智惠等作亂與績相持八旬績擊破之

劉權字世畧開皇中爲蘇州刺史時江南初平物情尚擾權撫以恩信甚得民和

唐馮袞牧蘇州郡政優游暇日輒縱飲博因會賓寮擲盧馮大勝以所得均遺一座乃吟曰八尺臺盤照面新千金一擲鬪精神合是賭時須賭取不妨回首乞閑

人唐郡守縱放如此

出好情評

韋應物貞元初爲蘇州刺史工詩世號韋蘇州唐史不爲立傳識者恨焉詳見辨證門并白居易吳郡詩石記論韋事爲確

于頔字允文德宗時爲蘇州刺史罷淫祠濬溝澮端路衢爲政有績然暴橫少恩嘗爲觀察使所劾

范傳正字西老爲蘇州刺史有殊政進拜宣歙觀察使在劉禹錫後

張搏自湖州刺史移蘇州辟陸龜蒙以自佐種木蘭於木蘭堂下

崔璞咸通中以司諫爲郡有文采風流與郡中秀才相從

有詩詞卽命僚屬及名士賡和其去郡皮陸皆有和篇有露濃春後澤霜薄霽來威之句蓋恩威兩全之

政

松陵集

白居易字樂天穆宗時以太子左庶子分司東都拜蘇州刺史病免居易爲郡時多燕遊嘗攜蟬滿容點茶十妓夜遊西虎邱山又賦紀遊詩云領郡時將久遊山數幾何一年十二度非少亦非多

劉禹錫字夢得裴度薦爲禮部郎中集賢直學士出爲蘇州刺史

王口張有德楊志梁知微陰崇劉微

江東採訪使

趙居貞

比部郎中採訪使

段同泰畢炕

兵部員外郎江南採訪使

許韶伯

石皆蘇州刺史

狄兼謨文宗時自鄭州刺史改蘇州以治最擢給事中

盧商字爲臣爲蘇州刺史吏以鹽法求贏貲民愈困商令計口售無常額人便之歲貲反增宰相上其勞進浙西觀察使遂相

陸亘歷蘇州刺史以善政稱事具人物門

盧簡求景龍中爲蘇州刺史事見觀音院記

王仲舒字宏中自婺州刺史徙蘇州隄松江爲路變屋瓦絕火災賦調常與民爲期不擾自辦穆宗每言仲舒之文最宜爲誥有古風召爲中書舍人

王成自信州刺史有政績詔書褒美徙蘇州

楊發爲蘇州刺史治以恭長慈幼爲先以能政聞餘見雜

志門

崔稜字德長爲蘇州刺史性介潔矜己之清視贓負者如  
仇奏課第一遷湖南觀察使

唐有李丹宗瓊李希言

兼採訪使

裴澄蕭誼

職方郎中江東採訪使

錢鏐字具美龍紀開平之間以兵平定蘇州景福元年以

鏐爲蘇杭等州觀察使奏置州縣及割嘉興縣爲秀

州

後梁曹圭少有膽氣事錢鏐梁開平中任蘇州刺史淮人  
圍之急正月望夜圭張宴族人師魯宅盛陳燈火令



賊俘縱觀淮人讐焉卒於官子仲達爲吳越國相周顯德三年會王師攻江南命王從兄知中吳節度事文奉爲水陸應援諸軍都統使于本州以備徵發

唐成及字宏濟吳越錢氏始爲蘇州刺史乾寧中楊行密攻之常熟鎮將陸郢等以城應賊及被執行密閱其府庫惟圖書藥物心敬重之與歸淮南將以爲行軍司馬及辭曰及以百口託錢塘姑蘇城陷不能引決以至於此豈可以本道符節易富貴於鄰境願以此身贖百口之命引佩刀將自刺行密遽起持之厚爲禮而歸之鏐迎勞郊外把袂而泣終章義軍節度使孫承祐事錢氏本朝開寶八年改蘇州中吳軍爲平江軍

以承祐爲節度使賞從征之勞也承祐仕錢氏時嘗應王師征李煜破毗陵太平興國三年錢氏納土徙爲兗州泰寧軍節度使

吳越錢元璿字德輝鏐第四子儀狀瑰傑梁淳化三年以功遷蘇州刺史累授中吳建武軍節度蘇常潤三州團練使加檢校太師守太傅同平章事侍中中書舍人彭城郡王治蘇三十年檢約鎮靖郡政循理弟元瓘襲位元璿覲之宴宮中元瓘起壽曰先王之位兄宜當之俾小子至是皆兄推戴之力元璿俯伏曰王功德高茂先王擇賢而立敢忘忠順因相顧感泣兄弟訖無間言晉天福七年詔封廣陵郡王

九國志吳越備史

錢文奉元璋之子善騎射能上馬運槊涉獵經史精音律

圖緯醫藥鞠弈之藝皆冠絕一時初以父蔭爲蘇州

都指揮使遷節度副使元璋卒代知蘇州中吳軍節

度使有鑒裁禮下賢能士負才藝者多依之作南園

東莊爲吳中之勝

東莊一名東墅

多聚法書名畫寶玩雅器

號稱好事又與賓僚共采史籍著資談三十卷行於

世嘗問命於天台僧德韶韶曰明公年已八十一至

六十一歲以開寶二年八月十一日卒

九國志吳越備史

鞠真卿所至有威名知蘇州政事撫它施設而人自憚之

庭訟寂然每平明視事自無來者真卿卽歸休客至

多不及見後自兗州貶南安軍道過蘇郡人相戒不

敢過其泊舟處五左右不聞人聲其見憚如此

希林

逸史

章岵元豐中以朝議大夫守郡剛介不可屈人目之曰章

硬頸其子出入以皂絹爲繖二人肩輿

本朝牧守題名

題名

吳郡自古皆名人爲守旣畧編敘見牧守門本朝郡將則題  
名石具焉中更兵燼石久不存紹興十五年王喚始追輯  
自至道年陳省華始而石林先生葉夢得爲之記今錄葉

記於注下而列題名於後

平江吳故都控帶楚越形勢風物自爲一都會本朝命守多一

時聞人今寶文閣直學士王公顯道由工部侍郎來鎮適當兵火後攘之後前此臨治者類急於招集流亡撫綏彫

瘵未暇盡舉其所當爲至顯道曰天下今定矣化行自內  
始相與奉承維持輔成永世之業實在四方之政於是官  
隳而廢職者民姦而干令者一董振之凡閭里疾苦朝聞  
夕行異時調度不給或不得已取於民皆罷之未幾咸信  
且畏上下秩秩有序蠹弊剗革幽枉宣達府庫有餘積而  
敏不加廣益修城池興學校嚴舍館以待賓旅之至期年  
郡以無事先是高祖太師景德中嘗領是邦至嘉祐中伯  
祖侍郎復繼之逮顯道百餘年間王氏之爲平江者三皆  
有績在入士大夫以爲美談郡舊有太守題名記先後迭  
代序次惟謹亡於煨燼顯道訪之久不得乃更伐石追修  
故事以遺來者而求文於余以識其始惟善惡之在天下  
固不可欺也未嘗無公論然必待久而後能定彼翕翕徇  
俗掠取須臾之譽與所設施或未能窺其成而妄意有不  
滿者徐以占於後則昭然如黑之與白其誰敢誣今郡爲  
題名記所在而有豈是表姓氏紀歲月而已哉抑善者其  
傳猶未泯吾得以考其不善者推其所以失亦足以戒各  
以效其材而成其志則雖遐方幽遠之邦可使如在輦轂  
而況其近者乎乃爲之書且以塗之言得於顯道者載焉  
紹興十五年十月望觀文殿學士左通議

陳省華

朝散大夫行在尚書吏部員外郎

魏庠

諫議大夫

裴莊

朝奉郎守尚書度支郎中

以留題虎邱詩云咸平元年

梅詢

朝散大夫太常丞直集賢院

景德

王贊

尚書司封員外郎

曾致堯

尚書吏部員外郎

秦羲

崇儀使

黃震

承奉郎守尚書屯田員外郎

陳靖

尚書刑部郎中直史館

康孝基

朝奉大夫行尚書都官員外郎

孫冕

大中大夫行書禮部郎中直史館

葉參

朝散大夫尚書刑部郎中虎邱雲巖寺

記云天聖二年六月題名云寶元誤

范仲淹

朝散大夫員外郎天章閣待制  
景祐

蔣堂

朝奉郎尚書吏部員外郎  
景祐四年六月

張億

朝散大夫尚書刑部員外郎直史館  
景祐

富嚴

左朝散大夫守尚書刑部郎中試秘書監  
康定

邵飾

尚書考功郎中  
慶歷

梅摯

尚書戶部員外郎  
慶歷

趙槩

尚書刑部郎中

蔣堂

樞密直學士左諫議大夫  
皇祐

王琪

尚書度支員外郎龍圖閣待制  
皇祐二年

呂居簡

虎邱留題詩刻云光祿卿  
至和三年

唐詢

嘉祐

王琪

尚書工部郎中知制誥  
嘉祐

蔡抗

嘉祐

鞠真卿

嘉祐

陳經

朝奉郎守尚書祠部郎中  
治平

滕甫

龍圖閣學士右光祿大夫  
治平

沈扶

尚書金部員外郎  
治平

孫覺

右司諫  
熙寧

張洸

熙寧

程師孟

正議大夫給事中充集賢殿修撰  
熙寧

王誨

朝散大夫尚書司勳郎中  
熙寧

唐詔

熙寧



韓朴

尚書度支郎中  
熙寧九年

范諤

左朝奉大夫  
元豐

韓鐸

尚書度支郎中  
元豐

楊景畧

元豐

晏知止

朝請大夫尚書司封員外郎  
元豐

劉淑

朝請大夫  
元豐

章岵

朝議大夫  
元豐五年

林希

朝散郎充集賢殿修撰  
元祐

劉定

朝散大夫  
元祐

王覲

承議郎直龍圖閣  
元祐

黃履

左朝請郎充天章閣待制  
元祐

吳居厚

左朝奉郎

蔣之翰

右朝散大夫

賈青

朝散大夫

王子京

承議郎充祕閣校理

陳師錫

承議郎充祕閣校理

張公庠

中散大夫

豐稷

樞密直學士建中靖國元年十一月到崇寧元年二月知越州

吳伯舉

朝奉郎直祕閣崇寧元年六月到

宇文昌齡

寶文閣待制崇寧元年十月到十一月知越州

林邵

顯謨閣直學士朝議大夫

董誥

朝散大夫直祕閣

張恕

朝散大夫  
崇寧

邵龠

朝散大夫直龍圖閣  
崇寧

蔡渭

朝散大夫  
崇寧

郭茂恂

朝請大夫直龍圖閣  
崇寧

蹇序辰

中大夫充龍圖閣待制崇寧五年正月  
到任十二月落職提舉杭州洞霄宮

許光疑

通直郎知蘄州崇寧五年十二月到

孫傑

朝請郎直龍圖閣  
大觀

吳拭

朝奉郎大觀二年五月到  
八月提舉杭州洞霄宮

李孝壽

朝請郎大觀三年八月到四年三月降集賢殿修  
撰政和元年六月除顯謨閣待制提舉醴泉觀

王詔

朝請大夫充集賢殿修撰  
政和元年

馬防

中大夫復集賢殿修撰  
政和元年

盛章

朝請郎充顯謨閣待制

董正封

朝散大夫充集賢殿修撰

盛章

顯謨閣直學士朝散大夫

宋康年

中奉大夫

莊徽

中大夫充徽猷閣待制

應安道

徽猷閣直學士通議大夫

賈諲

太中大夫充徽猷閣待制

樓昇

徽猷閣直學士朝請大夫

胡直孺

中奉大夫充祕閣修撰

李倫

顯謨閣直學士朝散大夫

王靚

通議大夫充徽猷閣待制

鄭滋

朝奉大夫充徽猷閣待制靖康元年十月到任建炎元年七月罷

趙岍

中散大夫  
建炎

孫覲

承議郎充徽猷閣待制  
建炎

湯東野

徽猷閣直學士中大夫  
建炎

孫覲

龍圖閣直學士朝奉郎  
建炎

李炳

資政殿學士中大夫  
建炎

湯東野

徽猷閣直學士中大夫  
建炎

胡松年

起復朝請郎直龍圖閣建炎四年九月到紹興二年閏四月罷

李彌大

顯謨閣直學士朝散郎紹興二年閏四月到任五月提舉江州太平觀

席益

左朝奉郎充集英殿修撰紹興二年五月到八月赴召

李擢

左朝請郎充徽猷閣待制紹興二年十月到紹興三年三月除工部侍郎

宋伯友

左太中大夫充徽猷閣待制紹興三年八月到十一月提舉江州太平觀

孫佑

右朝請郎直祕閣紹興四年正月到紹興五年二月罷

趙子晝

徽猷閣直學士左朝奉大夫紹興五年二月到七月赴召

李光

顯謨閣直學士左朝奉郎紹興五年七月到十一月赴召

張守

資政殿大學士左中大夫紹興五年十二月到紹興六年四月提舉臨安府洞霄宮

章誼

龍圖閣學士左通議大夫紹興六年八月到紹興七年八月赴召

梁汝嘉

寶文閣直學士右朝散大夫紹興七年九月到紹興八年七月知台州

向子諲

徽猷閣直學士右朝請大夫紹興八年八月到十一月致仕

歐陽懋

右中奉大夫充徽猷閣待制紹興九年正月到五月提舉江州太平觀

趙霈

徽猷閣直學士左朝議大夫紹興九年八月到十年六月知秀州

梁汝嘉

寶文閣直學士右朝散大夫紹興十年六月到十一年七月知明州

張宗元

寶文閣直學士左朝議大夫紹興十一年八月到十三年正月知靜江府

周葵

左承議郎直祕閣紹興十三年正月到十四年正月罷

王喚

寶文閣直學士右通奉大夫紹興十四年三月到十五年閏十一月除寶文閣學士十七年正月提舉江州太

平興國宮

鄭滋

顯謨閣直學士左太中大夫紹興十七年三月到紹興十八年五月知建康府

俞俟

敷文閣直學士右中大夫紹興十八年五月到十九年三月知建康府

王昫

右奉直大夫紹興十九年三月到十一月除直祕閣知建康府

周三畏

右朝請大夫充敷文閣待制紹興十九年十月到二十年三月提舉江州太平興國宮

徐琛

右中奉大夫充敷文閣待制紹興二十年五月到二十三年三月除敷文閣直學士提舉江州太平興國宮

李朝正

左朝請郎紹興二十三年四月到二十四年十一月罷

湯鵬舉

左中大夫直龍圖閣紹興二十五年正月到七月罷

王會

敷文閣學士右朝奉大夫紹興二十五年八月到十一月知建康府

孟忠厚

少師保寧軍節度使信安郡王紹興二十六年二月到十一月判紹興府

蔣璨

右中大夫充集英殿修撰紹興二十七年二月到二十八年三月除敷文閣待制十月提舉洪州王隆觀

陳正同

右朝奉郎充敷文閣待制紹興二十八年二月到三十年三月提舉江州太平興國宮

朱翌

左朝奉大夫充祕閣修撰紹興三十一年三月罷到任九月除敷文閣待制三十一年三月罷

洪遵

徽猷閣直學士左朝請郎紹興三十一年五月到三十二年五月除翰林學士

沈介

左朝奉大夫紹興三十二年七月到十月除敷文閣待制十一月除敷文閣直學士四川安撫制置使兼知成都府

陳之茂

左朝散郎直祕閣紹興三十二年十二月到隆興元年四月除直顯謨閣知建康府

張孝祥

左承議郎充集賢殿修撰隆興元年五月到二年二月赴召

陳漢

右中奉大夫直敷文閣隆興二年三月到七月主管台州崇道觀



虞允文

顯謨閣學士左朝請大夫隆興二年十月赴召

沈度

右朝散大夫直祕閣隆興二年十一月到乾道二年七月赴召

沈介

顯謨閣直學士左朝請大夫乾道二年七月到三年四月召

姚憲

右朝散郎直祕閣乾道三年五月二十日到任四年五月以捕盜有勞特轉朝請郎十二月磨勘轉朝奉大夫

三月除兩浙路轉運判官

徐嘉

左中大夫充敷文閣待制乾道五年四月十六日到任乾道六年四月十九日除徽猷閣直學士提舉江州太平興國宮

平興國宮

汪應辰

端明殿學士左中奉大夫乾道六年五月十六日到任九月提舉江州太平興國宮

魏杞

觀文殿學士左宣奉大夫乾道六年五月到乾道七年十二月提舉臨安府洞霄宮

向灼

右朝議大夫直徽猷閣乾道八年正月到六月主管台州崇道觀

邱密

左承議郎直祕閣乾道八年七月到八月磨勘轉朝奉郎乾道九年四月差主管台州崇道觀

方滋

敷文閣直學士左太中大夫乾道九年五月到

馬希言

朝散大夫直敷文閣學士提舉江州太平興國宮

韓彥古

朝奉大夫祕閣修撰淳熙元年七月到當年九月

莫漳

承議郎直祕閣淳熙元年十月到十一月宮觀

韓彥古

起復朝奉大夫充祕閣修撰淳熙二年正月到六月除敷文閣待制八月罷

陳峴

朝散大夫直敷文閣淳熙二年八月到十一月轉朝請大夫三年七月除直徽猷閣四年五月除祕閣修撰再

任五年二月賜紫章服并金帶七月赴召

單夔

朝奉大夫充敷文閣待制淳熙五年九月到六年三月提舉江州太平興國宮

司馬伋

中奉大夫充敷文閣待制淳熙六年四月到當年八月提舉江州太平興國宮

王佐

朝請大夫充顯謨閣待制淳熙六年十二月到七年二月磨勅轉朝議大夫十一月改知臨安府

韓彥質

朝請大夫充祕閣修撰淳熙七年十二月到九年七月除太府少卿淮西總領

耿秉

降授奉議郎直祕閣兩浙運判兼權淳熙九年七月到  
八月陞徽猷閣正除十年正月復承議郎十月除直龍

圖閣知  
鎮江府

謝師稷

朝散大夫集英殿修撰淳熙十年十月到十  
一年十一月主管建寧府武夷山冲佑觀

邱密

朝散大夫直徽猷閣淳熙十  
一年十二月到明年帥越

何萬

朝奉大夫淳熙十三年正月  
到六月除直龍圖閣知明州

王希呂

龍圖閣學士中大夫淳熙十  
三年八月到十四年四月召

趙彥操

朝議大夫充祕閣修撰淳熙十四年八月到十六年  
二月除右文殿修撰五月轉中奉大夫八月再任紹

熙元年三月除集英  
殿修撰知鎮江府

袁說友

朝議大夫直祕閣紹熙元  
年三月到二年五月赴召

沈揆

中大夫祕閣修撰紹熙二年  
六月到四年二月除司農卿

王尚之

朝奉大夫直龍圖閣紹熙  
四年三月到當月致仕

雷淥

朝散大夫直煥章閣紹熙四年七月到五年八月覃恩轉朝請大夫九月改差主管建寧府武夷山冲佑觀

王漑

朝散大夫直祕閣紹熙五年十一月除兩浙路轉運副使月磨勘轉朝請大夫二年二月除

鄭若容

朝散大夫直祕閣慶元二年三月到

虞儔

朝散大夫直煥章閣慶元二年十二月到三年四月磨勘轉朝請大夫十一月除直顯謨閣江南西路轉運副

使十二月改除兩浙西路提點刑獄公事兼知府事

劉誠之

朝奉大夫直祕閣慶元四年六月到八月磨勘轉朝散大夫五年六月除直敷文閣知夔州

趙不艱

朝散大夫直祕閣慶元五年六月到六年七月除直煥章閣嘉泰元年三月轉朝請大夫四月除直顯謨

閣再任

張抑

敷文閣學士中大夫嘉泰二年三月到當月磨勘轉太中大夫三年二月除寶文閣學士宮觀

張巖

資政殿學士正奉大夫嘉泰三年三月到四年正月除資政殿大學士改差知揚州

李大性

寶謨閣直學士太中大夫嘉泰四年七月到開禧二年四月除煥章閣直學士改知福州

張澤

朝請郎開禧二年五月到當年九月除龍圖閣待制十月赴召

沈作賓

中大夫龍圖閣待制開禧二年十一月到權節制許浦水軍十二月磨勘轉太中大夫三年二月差兼督

視行府參贊軍事三月就改知鎮江府

林采

通議大夫充寶謨閣待制開禧三年四月到五月權節制許浦水軍十一月宮觀

李大異

朝奉大夫徽猷閣待制嘉定元年四月到六月磨勘轉朝散大夫八月除寶謨閣直學士依舊知平江府

二年十二月磨勘轉朝請大夫三年正月知建康府

趙希懌

朝奉郎龍圖閣待制嘉定三年四月到四年八月除煥章閣直學士依舊知平江府五年正月磨勘轉朝

散郎當年正月除顯謨閣直學士差知太平州

陳芾

朝散郎兩浙西路提點刑獄公事嘉定五年二月準尚書省劄子兼權當年八月除直祕閣知平江府七年九

月除度支郎官

沈皞

奉直大夫祕閣修撰嘉定七年九月二十七日到八年十一月磨勘轉朝議大夫十年四月十三日除浙東提

刑

趙彥櫛

朝請大夫集英殿修撰嘉定十年六月五日

李大性

瑞明殿學士正奉大夫嘉定十二年二月六日

綦奎

朝散郎直敷文閣嘉定十二年十二月二十九日到嘉

應勅逐殘虜委有勞績特轉廣總領調遣軍馬五關策

受寶轉

趙汝述

華文閣直學士上議大夫嘉定十五年五月二十九

除徵猷閣直學士

沈皞

太中大夫集英殿修撰嘉定十六年七月二日到十七

金壽寶慶元年四月該登極恩轉通議大夫慶元祠

請五月二日除

壽萬源宮

王元春

中大夫右文殿修撰寶慶元年六月十一日到三年四月八日除大理卿

章良朋

朝奉大夫直寶謨閣紹定元年三月初四日致仕

林介

寶慶三年四月以提刑兼權十二月除太府少卿依舊兼權紹定元年七月再兼權十一月改除大理卿

李壽朋

朝請大夫直寶謨閣紹定元年十二月二十八日到任二年十月二十七日除依舊直寶謨閣荆湖北路

轉運判官

朱在

朝議大夫寶謨閣待制紹定二年十一月二十六日到任三年十一月二十一日除煥章閣待制知袁州

吳淵

宣教郎直煥章閣紹定三年十二月初三日到任四年四月二十一日該遇慶典轉奉議郎七月十六日改除

浙西提刑

鄒應博

朝奉大夫新除直祕閣紹定四年九月十四日到任六年十一月召赴行在

楊煜

端獻閣學士正奉大夫紹定六年十二月十二日到任端平元年三月丐祠奉聖旨依所乞提舉隆興府玉隆

萬壽宮

趙立夫

中大夫新除祕閣修撰折西提刑端平三年三月兼知府事當年八月二十六日依舊祕閣修撰除樞密

副都承旨

張嗣古

中大夫右文殿修撰端平元年十月二日到任三年正月令赴行在奏事當年六月官觀

王遂

成朝奉大夫新除煥章閣待制四川安撫制置副使兼知都府端平三年四月十二日三省同奉聖旨依舊煥

章閣待制改差知平江軍府事節制許浦都統司水軍七月初九日到任嘉熙元年七月二十五日奉聖

旨除敷文閣待制差知

慶元府沿海制置使

吳潛

朝請大夫新除工部侍郎嘉熙元年八月十七日到任九月二十五日准省劄都大提舉許浦

二年正月與宮觀

史宅之

朝議大夫依舊徽猷閣待制改知平江府兼浙西提舉嘉熙二年閏四月初三日陞寶文閣待制二十四

日到任六月八日節制許浦都統司水軍十八日節制在府軍馬仍舊節制許浦水軍三年正月一日召

赴行在



趙與簾

中奉大夫直敷文閣平江府兼浙西兩淮發運副使嘉熙三年四月十二日到任五月初一日準樞密

史宅之

煥章閣直學士太中大夫知平江府節制許浦水軍兼浙西兩淮發運副使提領措置和羅淳祐元年三

月初九日到任

陳塏

中大夫右文殿修撰知平江府兼兩淮浙西發運副使節制許浦水軍提領措置浙西和羅淳祐三年二月十

九日到任四年四月七日到任除太府卿

魏峻

朝散大夫集英殿修撰知平江府兼兩淮浙西發運副使節制許浦都統司水軍淳祐四年四月二十六日到

任八月以經筵徹章轉朝請大夫五年四月御筆除寶章閣待制賜帶八月招羅及數轉朝議大夫十二

月磨勘轉中奉大夫六年又以招羅轉中大夫三月十三日御筆除刑部侍郎

徐鹿卿

朝奉大夫右文殿修撰知平江府兼兩淮浙西發運副使節制許浦都統司水軍淳祐六年閏四月二十

八年四月二十二日御筆召赴行在五月十三日準吉

磨勘轉朝散大夫當月十六日御筆除權兵部侍郎

吳淵

龍圖閣學士大中大夫浙西兩淮發運使兼知平江軍府事兼管內勸農使節制許浦都統司水軍宣城縣開

國子食邑六百戶淳祐七年八月初一日交發運司職事十一日到任交割府事八年正月初五日奉聖

旨依舊龍圖閣學士知太平州兼提領茶鹽所

鄭霖

朝奉大夫權發兩浙西路提點刑獄公事至淳祐八年正月二十五日暫權平江府發運司職事當年七月六

日奉聖旨除直寶章閣知平江軍府事兼主管浙西兩淮發運司公事兼措置浙西和糴於當月二十九日交割當年十二月初十日暫權浙西提舉當年當月二十七日常磨勘轉朝散大夫九年四月十九日奉

聖旨以職事脩舉除

直華文閣依舊職

余晦

朝奉大夫直寶章閣知平江府節制許浦水軍兼淮浙發運措置和糴淳祐十一年六月十一日到任當年八

月磨勘轉朝散大夫十一月因任淮東總領節浮費置田糴米轉朝清大夫十二年正月十二日三省同奉聖旨除右司郎官

余天任

中大夫寶章閣待制知平江府兼浙西兩淮發運使節制許浦都統司水軍兼提領措置浙西和羅淳祐

十二年六月初二日到任至寶祐元年四月日奉御筆除兵部侍郎繼奉御筆除兵部尚書

趙與訔

朝清大夫直寶章閣兩浙西路提點刑獄公事於寶祐元年八月初四日得旨暫董和羅九月二十八日

準省劄兼權淮浙發運十月十三日奉聖旨依舊職差知平江府兼主管浙西兩淮發運司公事當月二

十五日  
到任

趙汝歷

朝奉郎除直寶章閣知平江府兼主管浙西兩淮發運司公事措置浙西和羅寶祐二年正月二十六日

交割發運司職事二月初一日到任交割府事以磨勘尋轉至朝奉大夫三年七月二十八日離任

趙與箴

寶祐三年七月二十日三省同奉御筆除觀文殿學士知平江軍府事兼管內勸農使節制許浦都統司

水軍兼浙西兩淮發運使措置浙西和羅縉雲郡開國公食邑三千三百戶食實封七伯戶寶祐三年八

月二十五日到任至寶祐四年三月十三日奉聖旨兼浙西提刑

吳郡志卷十一

吳郡志卷十二

官吏

祠廟

官吏

後漢彭修會稽人爲吳郡功曹時西部都尉宰晁行太守事以微過收吳縣獄吏將殺之主簿鍾離意爭諫甚切晁怒使收縛意修排闥直入拜於廷曰明府發雷霆於主簿請問其過晁曰受教三日初不奉行廢命不忠豈非過耶修因拜曰昔任座面折文侯朱雲三攀毀欄檻自非賢君焉得忠臣遂原意貸獄吏意亦以是得名

尹興爲吳郡太守楚王英陰結天下名士興在錄中英敗明帝徵興及掾史五百餘人詣廷尉考治門下掾陸績主簿

梁宏功曹史駟勲備受五毒終無異辭續母自吳來雒陽作食饋續續雖見考辭色未嘗變而對食悲泣不自勝治獄使者問其故續曰母來不得見故悲問何以知之續曰母截肉未嘗不方斷葱以寸爲度故知之使者以狀聞上乃赦興等

吳孟仁字恭武江夏人爲吳令時不得將家之官每得時物必以寄母常不先食及聞母亡犯禁棄官

吳志

宋江徽爲吳令元凶殺徐湛以黨與併被害

王遂之字宣約少禮學博聞仕爲吳令

齊江介謚之子建武中爲吳令政深苛人門榜觸髀爲謚首介棄官去

齊周洽州南人歷吳令廉約無私卒無以殞斂

齊傅翽琰子爲官有能名爲吳令別建康令孫廉廉問翽曰  
聞丈人發姦擿伏惠化如神何以至此答曰無他也惟勤  
而清清則憲綱自行勤則事無不理憲綱行則吏不能欺  
事理則物無疑滯翽父珪爲縣竝著奇績時云諸傳有理  
縣譜父子相傳靳以示人

王思遠立身簡潔王子貞爲吳郡除思遠吳郡丞以本官行  
郡事論者以爲得人

梁沈浚字叔源涉學有才幹仕梁爲吳令有能名

陸蒙事梁爲吳令節操甚高

唐鄭渾之咸通末爲蘇州督郵談銖爲鹺院官鍾福爲院巡

時湖州牧李起及趙蒙俱狀元人語曰湖接兩

頭蘇聯三尾

嵐齋錄

唐孟庭份郊之父庭份爲崑山尉生郊以詩名世或云份亦能詩

武平一元宗時自考功員外郎貶蘇州叅軍雖被謫而名不衰

劉綺莊爲崑山尉研窮古今博考傳記作類書一百卷號崑山編至今傳於世

韋至誠吳縣尉

蕭存字伯誠潁士子亮直有父風能文辭浙西觀察使李栖筠表爲常熟主簿

皮日休字襲美咸通十年爲郡從事居官纔一月著書號鹿門子

丁陳范謝皆錢元璪及子文奉爲中吳軍節度使時爲節度推官四人俱以長者稱丁名守節晉公謂之祖陳名贊明屯田之奇之祖范名夢齡文正公仲淹之曾祖謝名崇禮太子賓客濤之父

邊倣雍熙初爲崑山令因舊址新作夫子廟自是縣學始興繼以王禹偁爲作記記具縣學條

王禹偁太平興國九年以大理評事知長洲縣雍熙四年召赴闕入朝爲名臣今虎邱寺有元之祠堂刊東坡讚於其上



張文定公安道景祐中爲崑山令時吳越歸國未久前此豪民占田無限歲遠多訟有數十年不決者公召問所輸租稅幾何大率百纔一二乃悉收其羨田以賦貧民訟亦息時蔣希魯侍郎守郡得公所著芻蕘論上之遂舉賢良方正科

韓正彥字師德魏公之姪嘉祐中爲崑山令剏石堤疏斗門作塘七十里以達于郡得膏腴田數百萬頃又請以輸州之賦十三萬從便輸於縣鳩作塘餘材爲倉廩以儲之民大悅比去遮道以留爲立生祠作思韓記鑱石祠下

章岷字伯鎮嘗爲平江軍推官有文聲范文正公有和章從事鬪茶歌及同登承天寺竹閣詩

賈公望字表之嘗爲郡通判時朱勔父子鼎盛奔競者爭趨其門公望疾之有詩云倏忽向六十萍蓬無奈何丹心猶奮迅白首分蹉跎正直士流少傾邪朋類多陽光一銷鑠不復見妖魔勔之子賜金帶公望亦衣三品服偶以朝拜會天慶觀中朱從者見公望所佩魚睨而視之公望厲聲叱之曰此是年及得來非緣花石左右皆錯愕朱大銜之竟擠之罷去

寇國寶徐州人從陳無已學嘗爲吳縣主簿賦詩爲左丞葉夢得所喜詳見雜志門

### 祠廟

至德廟卽秦伯廟東漢永興二年郡守麋豹建於閭門外辨

疑志載吳閶門外有泰伯廟廟東又有一宅祀泰伯長子

三郎吳越錢武肅王始徙之城中纂異記又云吳泰伯廟

在閶門西皮日休詩云一廟爭祠兩讓君蓋併祠仲雍舊

矣今廟在閶門內東行半里餘門有大橋號至德橋乾道

元年郡守沈度重建修廟記云在禮祭法聖王之制祭祀

大聖賢有大功烈而祀之固宜然祀有所焉其施於民又厚

賢有大功烈而祀之固宜然祀有所焉其施於民又厚

施不報神其不吐之乎報之之道不獨牲牢酒醴而已干

里之邦必有祠所社稷則有壇先哲則有廟後世於廟尤

極其尊嚴崇像設儼侍衛見之者凜如也水潦必祈旱暵

必祈皆長吏之常事應而有報亦事之常儻入其門陟其

堂神所馮依曾不足以障風雨區區樽罍簋何施之厚

而報之薄歟吳門巨藩神祠之載祀典者十數而泰伯廟

爲雄甚東漢永興二年郡守麋豹肇建於閶門外吳越武

肅王錢氏始內徙之國朝元祐間太守黃履歷考前政若

梅詢若范仲淹若孫覺輩數公淫原有所靡不響答列其

事於廟有詔號至德廟崇寧元祀守臣吳伯舉請疏王爵

有詔封至德侯建炎擾攘鞠爲灰燼厥後革創殆無以揭  
虔妥靈今天子拔沈公於尚書郎以直祕閣尹是府至則  
訪及民利病以次罷行之其爲政寬嚴詳簡允蹈厥中治  
人事神罔不祗肅隆興二歲天作淫雨害於牆事民不奠  
居乾道改元春二月公飭躬齋祓走祠下而祈焉神顧饗  
之是歲麥以有秋府從事請具牢醴以謝公曰不敢廢也  
然曷足以報萬分一於是邦人合詞而進曰侯之施甚厚  
而廟貌不治之日久大懼神或怨恫祥慶弗下願采材而  
改造之公曰是吾心也涓日協辰得夏五月庚戌吉乃致  
昭告乃鳩良工斥少府之餘合私橐之助壞材堅甃櫛比  
塼崇宏舊基植高棟抗修梁藩垣階阼盡革而一新之觀  
繪之容若欣欣然有喜色民無老穉相扶攜以觀厥成皆  
以手加額曰美哉輪焉誠足以塞民望而報神施矣風霽  
雨休禾則大熟秋九月甲子落成幾就養府下目覩所應  
爲不誣公屬幾紀其實既半辭弗獲命若虛公之辱是終  
無以揚休事而告後人也於是乎書左通議大夫充敷文  
閣待制致仕曾幾託皮日休一廟爭祠兩讓君幾千年後  
轉清芬當時盡解稱高義誰敢教他莽草紛陸龜蒙故國  
城荒德未荒年年椒奠淫中堂邇來父子爭天下不信人  
間有讓王張詠至德本無名宜尼以此評能將天下讓知  
有聖人生南國奔方遠西山道始亨英靈豈不在千古暮  
江橫蔣堂泰伯何爲者不以身爲身遜避天下位奔走句

吳濱隱德照來世遺祀傳斯民吁此廉讓國合生廉讓人  
[龔頤]正作迎享送神辭三章云翼翼兮新宮蘭栢兮栢桂  
祥氛總總兮高靈下隊君視八紘兮昔何殊於棄屣今復  
何有兮一席之遠惠猶災人兮曷日以弭吁嗟君來兮我  
心則喜君來不來兮我忘食事[龔]登歌兮堂上屢舞兮堂  
下君來享兮清醑溪毛陸離兮筐筥尊鯽芳鮮兮亦有肥  
羜君不來兮使我心苦[龔]車兮載旂舟兮揚颿鼓咽咽兮  
君當還君肯來兮今尚盤桓我心笑笑兮其無端君不我留  
兮下土囂煩福我吳人兮無疾與  
患千秋萬歲兮歌至德以何言[龔]

吳王夫差廟今村落間有之舊廟無攷鑑誠錄云世傳此廟

拆姑蘇臺木枓成唐陳羽秀才嘗題夫差廟時人謂之題

破此廟

[陳羽]姑蘇臺畔千年木刻作夫差廟裏神幡蓋寂  
寥塵土滿不知簫鼓樂何人張詠由來邪正是安

危不信忠良任伯誣自古家  
家有容冶何須亡國殫西施

伍員廟在胥口胥山之上蓋自員死後吳人卽立此廟乾道

間復修之規製猶陋盤門裏又有員廟卽雙廟是也

[梁簡文帝]

立國資孝本循忠全令名舟裏多奇計蘆中復吐誠偃月  
交吳瞞魚麗入楚兵九功推妙算千載籍餘聲洪濤猶鼓  
怒靈廟尙淒清行潦承椒奠宮懸雜鳳笙無勞晉后璧詎  
川楚臣纓密樹臨寒水疎扉望遠城窻寒野霧入衣帳積  
苔生惟有二春鳥鉞翅時逢迎張詠胥也應無憾至哉忠  
孝門生能酬楚思死可報吳恩直氣海濤在片心江月存  
悠悠當日者千載熱慙魂揚備出境鞭屍報父讐吳  
兵勇銳越兵憂忠魂怨氣江雲在日見爐香煙上存

南雙廟在盤門裏城之西隅二廟左英烈王伍員也右福順

王隋陳杲仁也杲仁又稱武烈帝或云五代初常潤尙屬

淮南杲仁廟在常潤間錢氏得常潤遂移廟于蘇按吳志

孫權既稱尊號諡堅曰武烈皇帝帝號與杲仁同況堅墓

吳地記謂在城南二里許去盤門密邇疑此廟恐是祠堅

廟建中靖國中太守吳伯舉重修是時蔡京白翰長罷過

吳門爲作記并書題記曰今天子卽位元年受重聚庶慎  
簡牧守部以左史吳公爲直秘閣知

蘇州公至特政政化大治姦盜屏斥牒訟疎簡民用康靖  
公曰噫嘻先成民而後致力於神古之善經也今俗且治  
矣其錄境內神祠廢壞者以公帑所餘畢修之使安定休  
正無有崇厲爲吾民憂吏白城西南隅有舊廟二荒陬當  
完按圖經暨州縣版祝所稱一爲永昌武大王一爲福順  
賢德王而邦人由閭閻市井及學士大夫自昔相傳皆以  
爲伍子胥廟歲時祭享甚盛雜然同辭莫可奪也或言故  
隋時陳吳仁壽以陰兵助錢氏伐淮寇有功錢氏崇報之  
請於梁朝封福順王又使諸郡皆爲建廟則福順之號爲  
果仁無疑至永昌之稱杳邈不可稽考不知爲何時人今  
邦人獨以子胥之故願衆私出力以卒營繕協謀齊慮鳩  
工類材演鄧溢郭奔走相屬惟恐其後故月不更朔而廟  
已告新今或稱號仍舊殆恐無以安子胥之靈而失邦人  
所以完廟本意敢以爲請公曰然昔吳瀕海建國恃水作  
險內虞風濫外闕守禦鼃鼃之與渚而魚鼃之與居肇自  
子胥相土治水築置城郭實倉廩治兵庫闢門二八以象  
風卦始能啟塞有時疏導無壅除昏墊蕩析之虞而存抱  
關擊柝之警吏祀幾百歷載踰千其城城門號至今因之  
而不變是子胥當能安吾民也不顧小義卒雪大恥勇於  
納諫以至刎身二者皆人之所難昔日之不死蓋以爲吾  
父今日之死蓋以爲吾君由前足以教人之爲孝由後足  
以教人之爲忠忠孝之跡昭著前史殊尤卓絕震暴耳目

匹夫匹婦可以與知其久也宜胥化焉故後漢太守麋  
豹按行屬城問風俗所尚其功曹唐景曰處家無不孝之  
子立朝無不忠之臣儻非漸漬餘風被服成俗疇能臻此  
哉是子胥嘗能教吾民也既能安之又教之由父傳子  
由子傳孫綿綿聯聯以至今日厥德茂矣宜當血食此地  
而廟貌不立於城闕乃至斯民憑假它祠以崇敬奉此殆  
疇昔守職者之闕吾敢不勉祭法曰法施於民則祀之以  
死勤事則祀之以勞定國則祀之非此族也不在祀典今  
福順雖有功異代事跡僅存民弗敬慕蓋託子胥獲享不  
替而武氏名字功德闕然堙滅無所考證使子胥不忘斯  
民實鑒臨之則武亦安敢正寧而饗也禮固有不承民志  
吾將請於天子冀正英烈之號以嘉廟額而用丕承民志  
殆或可乎武林元時敏曰好惡靡常莫能自克惟民爲然  
古之君子因民所好之善而導之反民所好之非而禁之  
好惡得正而其治成矣鄭人欲祀伯有子產從而封焉鄭  
人欲祭河伯西門豹從而禁焉二子豈異意哉顧民好惡  
有當否也今吾民願祀子胥甚勤是知有功之不可忘而  
忠孝之可勸也因而導之使成於善此所謂不嚴而治者  
顧豈俗吏之所能爲耶今公一舉廢事而順於民安於神  
又足爲天下之勸三善備矣不可不書也於是乎書建中  
靖國元年十二月二十二日記



春申君廟在子城內西南隅卽城隍神廟也

新廟記云轄軒

矣猥以薄材謬承重寄欬自淮服半刺超爲江南方伯郡  
領二十地亘五千皇皇者華幾慙輝道競競其志常誠飲  
水周爰諮詢申命行事損以懲忿室欲益以改過遷善豺  
狼擁路埋輪以逐之騏驥伏櫪攬轡以騁之宣王化而盡  
覺風行安甯日月其除冰霜再履始也務不暇給今也處  
警疆土又寧日月其除冰霜再履始也務不暇給今也處  
有餘閑別祈神仙獲歲豐稔乘公堂之宴縱靈廟之遊城  
不復隍樹先禁伐闢荒以毀梁木小而摧乃喟然歎曰  
神必依人人茲望福依無所據福安來哉昔越踐滅吳楚  
威滅越考烈王繼立春申君登相封江東之巨縣城吳墟  
爲大都專主威權救國災患與趙魏爲四公子招賓旅有  
三千人擠聘使之耽簪誇上客之珠履王久無似君方患  
之璫兮李園託其女弟旣歆然而有姪遂祕之以獻王王  
乃殂落子爲君主母望之人靡信母望之禍遄興舍人其  
亡死士常偵棘門之下蒿里相催天平乎胡寧忍此今  
尹多居郢國假君恒守吳宮烏焚其巢何笑號之先後蛟  
沒其舳繫父子之沉埋夷盡其家賊園之故一朝冀將滅  
口千古猶爲痛心今邦牧所居使臣所理故宮之內故事  
備聞於是大葺堂庭廣修偶像春申君正陽而坐朱英配  
饗其側假君西廂視事上客東室齊班李園死士庚方受

戮僕夫閑駿辰位呈形大雪久冤之魂更申如之敬家  
屬穆穆展哀榮也儀衛肅肅振威名也巨木擁腫而皆古  
小栽青葱而悉新總之一門是謂神府宜正名於黃相削  
訛議於城隍昔韓整守吳初吳伯之廟太史適楚壯楚相  
之宮余固兼之言可則也神有新宇亨之落之人有貞石  
追之琢之我躬披文紀之告之君宜密應祐之福之初余  
之拜命也表授廣陵糾曹張鬪兵曹蘇相爲判官安喜尉  
李陶爲支使同郡舊知精明深識異途新合歷落壤材三  
人冀有我師四牡慎行爾職欽刷往賢之恥歎垂後昆之  
裕長史宋尚主臣餘慶佑嶽良能司土楊彥琮每憂司存  
實稱佳吏預乎作廟翼翼觀乎降神欣欣咸亦相因斯焉  
附出唐天寶單闕歲除日中散大夫守吳郡太守兼江南  
道採訪處置使柱  
國天水趙居貞記

## 郁史君廟在太湖衝山中

聖姑廟在洞庭晉王彪二女相繼卒民以爲靈而祀之紀聞  
云唐人記洞庭山聖姑祠廟云吳志姑姓李氏有道術能  
履水行其夫殺之自死至唐中葉幾七百年顏貌如生儼

然側臥遠近祈禱者心至則能到廟心若不至風迴其船  
無得達者今每一日沐浴爲除爪甲傅粧粉形質柔弱只  
如熟睡蓋得道者歟辨疑志云唐大歷中吳郡太湖洞庭  
山中有昇姑寺有昇姑廟其棺柩在廟中俗傳姑死已數  
百年其貌如生遠近求賽歲獻衣服粧粉不絕人有欲觀  
者其巫祕密不可云開卽有風雨之變村閭敬事無敢竊  
窺者巫又云有見者衣裝儼然一如生人有李七郎荒狂  
不懼程法率奴客啟棺觀之唯朽骨髑髏而已亦無風雨  
之變二說今皆無考姑存舊傳云

皮曰休洛神有靈逸古廟臨空者暴雨駁丹青

荒蘿繞梁梧野風旋芝蓋饑鳥銜椒糈寂寂落楓花時時  
闕麗鼠常云三五夕盡會妍神侶月下留紫姑霜中召青  
女俄然響環珮倏爾鳴機杼樂至有聞時香來無定處目  
瞪如有待魂斷空無語雲雨竟不生留情在何處陸龜蒙

渺渺洞庭水盈盈芳嶼神因知古佳麗不獨湘夫人流蘇  
蕩遙吹斜嶺生輕塵蜀綵駁霞碎吳綃盤露勻可憐飛燕  
姿合是乘鸞賓坐想雨煙夕兼之花草春空登油壁車窈  
窕誰相親好贈玉條脫堪攜紫綸巾殷勤撥香池重薦汀  
洲蘋明朝動蘭  
微不翅星河津

靈祐廟卽慧感顯祐善利夫人廟在能仁寺內夫人陸氏梁  
衛尉卿僧瓚之女僧瓚捨宅爲寺夫人就居之是爲重元  
寺寺祀夫人爲伽藍神號聖姑元符元年郡大旱通判祝  
安上攝郡禱而應以其事聞錫封慧感夫人郡人奔湊致  
禱相與社而稷之闔境祠廟莫能尙也其節次加封及始  
末靈感之跡具諸記中

碑陰記元符元年歲在戊寅夏吳中大旱徧禱羣祀畧無應者是歲

高田不獲人多暍死負販之民皆捨其業而以售水自資  
涉冬至二年春夏之交舟車益不通百貨湧貴城中溝澮  
堙淤發爲疫氣通判軍州事朝請郎祝公適領郡事廼用  
故事早暮分禱于所宜祀者一日會承天寺客言此乃梁

衛尉卿陸僧瓚捨其第爲之昔號廣德重元寺陸卿有女  
子不嫁經營其事旣死祠于寺之東廡開寶中吳越忠懿  
王朝京師道出吳江大風幾覆舟見女子拯之自言重元  
寺之神也本國加封號感應聖姑今里中事之甚敬公聞  
卽謁且言明日致禱旣歸宿齋于廳事舉家沐浴蔬食相  
約得雨而後復膳黎明躬至祠下再拜而言曰郡承連年  
之旱流亡疾沴復相乘而作農事失時歲且大饑雖某有罪  
獲戾不逃然將爲國家之憂神其哀之能卽致雨尙可救  
也屏息聽命寺僧獻兆曰神告卽雨衆甚不然憮然而退  
憩于齋堂左右告曰天油然作雲矣未及命駕注雨應至  
老幼驩呼於道至有不忍以簞笠自庇者卽日盈尺闔境  
告足自爾有請必應如取所寄邦人無復水旱之憂凌大  
有年乃具事白于外臺使者以聞詔書褒美特封慧感夫  
人秩視公侯列于典祠按陸氏得姓於齊宣王之少子至  
漢有字伯元者仕爲吳令遷豫章都尉旣卒吳人思之迎  
其喪葬于胥屏亭子孫遂家焉伯元生褒賁令旣旣生本  
州從事鴻鴻生渤海太守建建生本州從事旣旣生御史  
中丞京兆尹璜璜生宏農都尉文文生親親生頴川太守  
尙書令閎閎生桓桓生揚州別駕績績生褒褒生吳城門  
校尉紆紆生九江都尉太學博士駿駿生選選生尙書瑁  
瑁生頴頴生海隅令濯濯生漢公漢公生列列生本郡從  
事元之元之生高平員外散騎常侍英英生晉侍中太

尉興平康伯玩玩生五兵尙書侍中始始生秘書監侍中  
萬載萬載生宋東陽太守子真子真生齊南兖州刺史惠  
曉惠曉生梁太常卿倕倕生衛尉君凡二十八世冠冕不  
絕皆有才德名在史冊自興平康伯至祕書監父子兄弟  
五世內侍嘉祥積慶挺生夫人惟夫人其生也精修正潔  
入清淨海其歿也通于神明有感斯應故能致朝廷報稱  
之禮甚厚旣以詔書刻于石將求老於碑陰乃爲之敘云戊  
以傳不朽指紳耆老且請撫其槩於碑陰乃爲之敘云戊  
嘗聞朝請公元祐間以奉議郎知棗城雨暴濇沱河水盛  
漂泛林木室廬蔽川而下水及城門雉堞凜然將決老弱  
皇恐奔潰急調夫督水工雨且不止人無所施其力公廼  
朝服涉濇立于隄上鞠躬申禱水溢隄壞相去數尺吏民  
救止公堅立不動以笏叩頭願以身任責於是雨小止水  
波稍同河流遂復其所潰陷之地明日復爲平陸如故使  
者方欲言諸朝會公秩滿請罷遂已北方之人至今能道  
其詳惟公憂國愛民所至以誠心格物如此是可書也故  
附于左元符三年歲次庚辰秋八月乙未朔十日甲辰布衣林戊記

天王堂在子城西北隅雖一小廟蓋古屋也建炎狄難盈城  
宮室悉爲煨燼惟郡南覺報小寺以旁酋營幕所寓不及

燬而此堂巋然獨存郡人至今敬之

吳郡志卷十三

祠廟下

包山廟在吳縣西南一百里

上山十將軍廟在崑山縣頃於山下萊圃朱四家得斷碑云  
唐十府君墓府君諱真碑字雖漫漶多闕文尙可辨然無  
將軍之號

三高祠在吳江縣垂虹橋南卽王氏臞庵之雪灘也昔堂在  
垂虹南圯極偏仄乾道三年縣令趙伯盧徙之雪灘三高  
者范蠡張翰陸龜蒙也此祠人境俱勝名聞天下

祝鑑三  
高記易

稱知幾其神乎君子見幾而作不俟終日須之則後矣是  
維成功之下不可以久居亡道之人不可與久處兵亂之  
世不可以苟仕知斯三者則知幾矣遲之其殆危乎昔者  
越相范君旣苦身勩力與勾踐深謀踰二十年滅吳霸越



用復會稽之恥謂大功之下難以久居暨還返國遽書謝  
王去之乘輕舟浮五湖莫知其所以終極而大夫種沈吟不  
時決卒用誅死厥後七百有餘歲晉有張李應自吳入洛  
方時齊王專朝怙已署君東曹掾君知其不終難與獨處  
慨千里之羈宦臨秋風而長懷託與孤鱸促駕告歸無何  
同敗又後五百有餘歲唐有陸魯望當成通乾符世寇亂  
方殷隱身自放扁舟蓬席翛然笠澤甫里間時號江湖散  
人辟署無所從徵命無所答優游自終竟全亂世如三先  
生可謂知幾君子哉雖地異時殊默語不同然其去自全  
咸遂其高熾均也吳江邑地瀕帶具區舊有長橋橫絕江  
湖之間脩檻浮梁植立千柱電埏淩濑蜿蜒如長虹巨浸浮  
空涵泳星日包山洞庭如在天外風帆島樹滅沒煙際東  
西行者以爲三吳遊觀之偉好事者又寫鴟夷子皮之像  
配以江東步兵肖里先生立祠橋梁之上榜曰三高蓋其  
平生所遊居也貞風素烈尚稟然湖山可想聞而慨見歲  
庚申秋七月初吉括蒼祝鑑與大梁人趙九齡置酒橋亭  
悲歌望遠舉觴釀江慷慨言曰去危卽安夫人而願之然  
皆反焉者何哉知幾者鮮也雖並世同交如大夫種功非  
不多也顧常侍材非不周也鹿門子學非不揆也或死憂  
而辱何也居成功處亡道仕亂世詎勉畏去奈何乎識之  
甲也知幾遠矣惟鴟夷子道大功宏百世師仰而張陸二  
子羸然山澤之臞像而配之幾不倫矣豈不曰亟隱亟去

身名俱全以是爲同曰三高云者豈異稱哉後之君子苟  
寵祿之是耽發機之禍忽忘不戒聞三高之風仰三高之  
像庶少警乎不然涉斯流也登斯梁也其無媿乎後將有  
悔乎其無悔乎始橋之置於慶歷歲中建炎初載胡寇南  
牧并及祠宇火之無餘後六年當紹興癸丑歲今吳郡楊  
君同與今御史單父祝君龍爲邑尉蓋因其廢址實砌  
而新之復立祠如故云謹記范成大三高祠記乾道三年  
二月吳江縣新作三高祠成三高者越上將軍姓范氏是  
爲贈夷子皮晉大司馬東曹掾姓張氏是爲江東步兵唐  
贈右補闕姓陸氏是爲甫里先生三君生不並世而鵷夷  
子皮又嘗一用人之國功大名顯而去之季鷹魯望蕭然  
濯儒使有爲於當年其所成就固不可踰度要皆以得道  
見微脫屣天刑清風峻節相望於松江太湖之上故天下  
同高之而吳江之人獨私得奉烝嘗以夸於四方若曰此  
吾東家邱云爾邑大夫趙伯虞以故祠偏陋將改作鄉老  
王份獻其地雪灘乃築堂其上告遷而奠焉且屬石湖范  
成大爲之辭噫不有君子其能國乎今乃自放寂寞之濱  
掉頭而弗顧人又從而以爲高此豈盛際之所願哉後之  
人高三君之風而跡其所以去爲世道計者可以懼矣至  
於豪傑之士或肆志乎軒冕宴安留連卒悔於後者亦將  
有感於斯堂而成大何足以述之然屈平旣從彭咸而叢  
桂之賦猶招隱士疑若隱處林薄不死而仙況如三君蟬

蛻溷濁得全於天者嘗以倚楹而望水光浮天雲日下上  
風颿煙蓬飄忽晦明意必往來其間成大亦何足以見之  
姑效小山作歌三章以招焉遂從而歌之曰若有人兮扁  
舟撫湖海兮遠遊衆芳媚兮高邱忽獨君兮不可留長風  
橫兮浪波白蕩搖空明兮南北一色鏡萬里兮鞭魚龍列  
星刻刻兮其下孤蓬眇願懷兮斯路與涼月兮入滄浦戰  
爭蝸角兮昨夢一笑水雲得意兮垂虹可以橫擢仙之人  
兮壽無期樂哉垂虹兮去復來載歌曰若有人兮橫大江  
秋風起兮歸故鄉鴻冥飛兮白鷗舞吳波鱗鱗兮而在下  
嗟人胡爲兮天地四方美無度兮吾之土膾脞鱸兮雪霏  
登菰蓴兮莼之水仙續兮胥命君可望兮不可追顛倒景  
兮揮碧寥嫉燕息兮江之皋萊蘋堂兮廬杜若一杯之酒  
兮我爲君酌又歌曰若有人兮北江之渚披雲而睇兮頽  
烟雨菊莎兮杞棘歲晚晚兮何以續君食餽五鼎兮腥腐  
羞三泉兮終古千秋風露兮歸來故墟月明無人兮蒼石  
與語牛宮兮生蒲荷潮西東兮下田一波訪南溟兮鄰  
曲山川良是兮邱壠多稼九畹兮今其刈聊春容兮茲里  
是歲六月既望書遺邑人使習以旃祠伯盧請遂以爲記  
程俱三高堂詩序蠡位越相祿萬鍾去之如涕唾則後世  
角毛銖之得冒坎獲而不省者可以少沮翰進退無必隨  
時而保身則出處之意得託菰鱸以示好又何深哉龜蒙  
江湖一匹夫然於其不合■執位無加也其交如皮日休

終見於賊巢彼獨挺然玉峙無一累可指撻與夫攫金挾炭之夫蓋萬萬矣夫左手據圖籍右刃掠其吭雖冥燾不爲也掄是而求之輕重得矣然世固有抱利權逐勢位死不反顧爲天下僂笑者幾何人哉其於輕重思是又出冥燾者之下也然則是三子者祠而旌之可以訓元符二年吳江立三子者像明年三月甲子安于祠堂令僚佐拜而奠之某謂奔競久矣冀得守道自重確乎不可拔足以風百里而驅天下者將矯浮俗而歸之庶幾清節之爲貴無望之而未見抑有之而未聞邪今居是邑仰三子之志意其知時而退不迷於出處之道蓋君子之所悅聞也凡我同志其系之以詩李華鳴夷子皮贊龍蟠幽谷非時則伏蟬蛻高枝飲露而飛進如風行退若雲歸冥冥其幾赫赫其歸于粵霸興強吳蕩夷功成不居先生傳之蘇軾書三賢畫詩誰將射御教吳兒長笑申公爲夏姬却遣姑蘇有麋鹿更憐夫子得西施右范蠡浮世功勞食與眠季鷹真得水中仙不須更說知幾早且爲鱸魚也自賢右張翰千首文章二頃田囊中未有一錢看却因養得能言鴨驚破王孫金彈丸右陸龜蒙

煥靈廟在常熟縣破山唐咸通中所建龍堂也本朝政和二年賜今額五年加賜宣惠侯

龍堂記禮山林川谷邱陵能生雲爲風雨見怪物皆曰神

若然者龍亦能爲風雨見怪物則其澤之在民厚矣神而  
祀之又宜夫常熟澤國也風雨怪物日作于民有在其地  
者苟祀之至被其利祀之不至民受其禍汝南周君爲令  
之初年夏且早崇其神于破山之上果雨以應君曰受其  
賜徒崇以報不可也於是命工以土木肖其象爲室以蔭  
之著之於典用潔其祀於是風雨時怪物止水旱不爲厲  
連歲以穰其神之澤乎君之祀乎凡雩者春秋之道皆書  
之勤民之祀也君爲其祠已乞文其事曰休嘉其爲志在  
民故從之咸通十三年二月十九日前攝嶺南東道節度  
巡官試祕書省校書郎皮日休記新建煥靈宣惠侯廟記  
政和二年漕臺以常熟龍祠祈禱感應之實聞于朝越明  
年制曰可宜賜煥靈廟爲額邑人以爵號未崇無以昭神  
貺後二年縣以狀列于府府言于部刺史遂復保奏焉制  
曰可特封宣惠侯於是縣大夫率佐官祇奉休命宣于祠  
下而邑之士女雲集將退咸告丞魯詹曰侯之廟宇君與  
縣大夫謀之侯之封秩君與縣大夫請之今堂宇將畢而  
綸誥適班盍記之以侈其事惟侯之祠舊在破山興福之  
澗上父老相傳其誕育之異肇自梁武之初我宋龍興妙  
選守令爲民師帥太平興國中蔣侯文懌來幸是邑距天  
監幾五百歲矣時積潦泛漲躬禱於侯不移晷雲斂而霽  
歲則大穫乃迎侯與聖母之像歸于頂山壽聖院之西偏  
是日白龍示見盤旋冢上彩雲之瑞煥耀山間迄今又幾

一百有四十載矣邑人乃相與作廟于山腰龍池之上侯  
之先聖在焉經歷若是之久始克成茲豈偶然哉佳城我  
義方沼龜巖右則虎邱昆玉遙岑寸碧列岫橫翠雲煙之  
則福嶺狼巖右則虎邱昆玉遙岑寸碧列岫橫翠雲煙之  
祥疑在仙島氣象之偉實冠吳中觀侯之初以神力遷葬  
而陰陽家流咸謂勝地今新廟奕奕實下瞰焉庸詎知其  
非侯之意哉政和五年十一月庚辰既望侯之告下十二  
月朔廟前後殿成若門墉廊廡蓋將有待於來者焉政和  
五年十一月日交林郎知  
平江府常熟縣丞魯詹撰

# 東嶽在常熟縣福山鎮

重修福山鎮廟記

神顯冊褒嘉位號崇隆得非衛社稷福生靈運功烈於冥  
冥之際宜有所報稱歟是故四方萬里不以道塗爲勞往  
奉祠事往往規模岱嶽立爲別廟多矣然未有盛於姑蘇  
之福山也福山廟經始於至和之中垂六十年樓殿門廊  
井諸從舍巍然而輪奐江淮閩粵水浮陸行者各自其所  
有以效歲時來享之誠上祝天子萬壽且以祈豐年以後  
保其家凡有求必禱焉率以類至號曰會社簫鼓之音相  
屬于道不知幾千萬人不及之乎太山則之福山焉福山  
臨江海上升焉蔚鬱岡巒環回殆亦勝地父老云肇祀之  
日有幅画乘潮水至乃嶽神像也居民得之欽事而加信

焉山初號覆釜蓋因其形似後易名福山廟據其上遂爲  
遠邇祈福之地豈偶然哉政和七年八月乙亥鄉貢進士  
崑山魏  
邦哲記

陽山靈濟廟在澄照寺傍白龍母廟也無碑碣可攷有僧祖  
照者以父老相傳述其事於壁云東晉隆安中山下居民  
繆氏家有女及笄出行風雨暴至天地陡暗避於今所謂  
龍塘之側俄有一白衣老人語女曰氏族爲誰居何所女  
答姓繆指山之西曰我家舍于陽山三峰之下家有父母  
老人曰天色如此吾無所歸欲假館待旦而前可乎女曰  
當告父母老人強之再三遂首肯語竟遽失老人所在女  
歸有妊父母惡之逐出丐食鄰里明年三月十八日至今  
所謂龍塚之上產一肉塊居民怪之驚棄水中俟焉塊破

化而爲龍夭矯母前若有所告其母驚絕于地卽有風雨  
雷電飛沙折木咫尺不辨人物之異旣開霽但見白龍昇  
騰而去衆乃厚葬其母自後累降巫語始祠之於山巔而  
雨暘失候祈禱必應太平興國間建廟於山南曹巷熙寧  
九年遷于澄照寺之東隅建炎間主僧覺明復一新之相  
傳龍子分職瀟湘每歲是日必歸山間風雨凄冷人以爲  
龍子誕日云過是山中方有春意其去也或變怪之狀見  
於雲間紹興十九年六月某日犇雲鬣翹起于是山俄頃  
盲風驟雨大作龍自郡城過捲去女牆數百丈居人余氏  
家小亭吸入雲中及有負販者被吸復墮而無傷焉又云  
昔有白鬚老人至鎮江江步買船自云從長沙來與船人




錢十千先付五千餘錢約至蘇州陽山看親處還登舟卽  
令篙工悉曉日暮抵許市上舥去蓋已三百六十里矣舟  
人至山下尋寬值風雨大作避於廟中於像前得錢五千  
方悟神龍之歸乃以錢設僧供辭謝而去比歲祈龍母屢  
應大吏以聞紹興二十九年四月詔賜靈濟廟爲額乾道  
四年告下封顯應夫人

靈濟廟在府東南舊五龍堂也淳熙十年秋大旱郡守耿秉  
卽設廳作祈雨道場設行雨龍王位於東西序有蜥蜴見  
於香案果飣之上蜿蜒不去終日雲合秉以杯珎祈之若  
有靈異已而大雨三日具以事聞詔賜靈濟廟爲額

甫里廟甫里在長洲縣東南五十里鄉人祠陸龜蒙於此至

今不廢

黃姑廟在崑山縣東二十六里地名黃姑父老相傳嘗有牽牛織女星精降焉女以金篋劃河河水湧溢今村西有百沸河鄉人異之爲立祠舊列牛女二像後人去牽牛獨祠織女禱祈有應歲七夕鄉人醵集廟下占事無毫釐差舊有廟記今亡之案荆楚歲時記牽牛謂之河鼓後人訛爲黃姑然古樂府有云黃姑織女時相見李太白詩黃姑與織女相去不盈尺則指牽牛爲黃姑李後主詩乃云迢迢牽牛星杳在河之陽粲粲黃姑女耿耿遙相望又以織女爲黃姑事久愈訛矣



吳郡志卷十四

園亭

晉辟彊園自西晉以來傳之池館林泉之勝號吳中第一辟彊姓顧氏晉唐人題詠甚多陸羽詩云辟彊舊林園怪石紛相向陸龜蒙云吳之辟彊園在昔勝槩蔽皮日休云更葺園中景應爲顧辟彊本朝張伯玉云于公門館辟彊園放蕩襟懷水石間今莫知遺跡所在考龜蒙之詩則在唐爲任晦園亭今任園亦不可攷矣

唐褚家林亭松陵集倡和云在震澤之西皮日休詩云茂苑樓臺低檻外太湖魚鳥徹池中當在松江之傍也今吳中褚姓尙多亦有登進士科者

任晦園池晦嘗爲涇縣尉歸吳作圃爲時所稱皮日休云有

深林曲沼危亭幽物陸龜蒙詩云吳之辟彊園在昔勝槩

敵不知佳景在盡付任君宅蓋任晦得顧辟彊舊園以爲

宅也

皮日休任晦園亭任君恣高放斯道能寡合一宅閑林泉終身遠囂雜嘗聞佐浩穰散性多僞借舫伍蓋

踏獬著欬爾解其綬遺之如棄鞶歸來鄉黨內却與親朋洽開溪未讓丁列第方稱甲入門約百步古木聲雲裏廣

檻小山欹斜廊怪石夾白蓮倚欄楮翠鳥緣簾押地勢似五瀉巖形若三峽猿眠但膺胸息食時連唆撥荇下文竿

結藤紫桂檄門留醫樹客壁倚栽花鋪度歲止褐衣經旬唯白帟多君方閉戶顧我能倒屣請題在茅棟留坐於石

榻魂從清景逼衣任煙霞裏階墀龜在上枕席鷗方狎沼似頗聚鏡當中見魚眨杯杓悉杉瘤盤筵盡荷葉閑斟不

置罰閑奔無爭劫閑日不整冠閑風無用筵以斯爲思慮吾道寧疲瀟衮衣競羅縑鼓吹爭聲輪欲者解擠排詬者

能詰譎權豪暫翻覆刑禍相填壓此時一圭竇不肯饒閭闔有第可棲息有書可漁獵吾欲與任君終身以斯恆陸

龜蒙吳之辟彊園在昔勝槩敵前聞富脩竹後說紛怪石風煙滲無主載祀將六百草色與行人誰能問遺跡不知

清景在盡付在君宅却是五湖光偷來傍簷隙出門向城  
路車馬聲轆轤入門筆字隈水木氣岑寂犖牆繞曲岬勢  
似行無極十步一危梁乍疑當絕壁池容澹而古樹意蒼  
然僻魚驚尾半紅鳥下衣全碧斜來島嶼隱恍若瀟湘隔  
雨靜挂殘絲煙消有餘脉楊來佳公子擺落名利役雖將  
祿代耕頗愛巾隨策秋籠支遁鶴夜榻戴顓客說史足爲  
師譚禪差作伯君多鹿門思到此情更適偶蔭桂堪帷縱  
吟苔可席顧余眞任誕雅遂中心獲但喜醉醒豈知元  
尚白甘陶在雞口不貴封龍  
額卽此自怡神何勞謝公屐

滄浪亭在郡學之南積水彌數十畝傍有小山高下曲折與  
水相縈帶石林詩話以爲錢氏時廣陵王元琰池館或云  
其近戚中吳軍節度使孫承佑所作旣積土爲山因以瀦  
水慶歷間蘇舜欽子美得之傍水作亭曰滄浪歐陽文忠  
公詩云清風明月本無價可惜只賣四萬錢滄浪之名始  
著子美死屢易主後爲章申公家所有廣其故地爲大閤

又爲堂山上亭北跨水有名洞山者章氏併得之旣除地發其下皆嵌空大石人以爲廣陵王時所藏益以增累其

隙兩山相對遂爲一時雄觀建炎狄難歸韓蘄王家

蘇舜欽滄

浪亭記予以罪廢無所歸扁舟南遊旅於吳中始僦舍以處時盛夏蒸燠土居皆褊狹不能出氣思得高爽虛闢之地以舒所懷不可得也一日過郡學東顧草樹鬱然崇阜廣水不類乎城中並水得微徑於雜花脩竹之間東趨數百步有棄地縱廣函五六十尋三向皆水也杠之南其地益闊旁無民居左右皆林木相虧蔽訪諸舊老云錢氏有國近戚孫承佑之池館也坳隆勝槩遺意尚存予愛而徘徊遂以錢四萬得之構亭北碣號滄浪焉前竹後水水之陽又竹無窮極澄川翠幹光影會合於戶軒之間尤與風月爲相宜予時棹小舟幅巾以往至則洒然忘歸觴而浩歌踞而仰笑野老不至魚鳥共樂形骸既適則神不煩觀聽無邪則道以明返思向之汨汨榮辱之場日與緇銖利害相磨憂隔此真趣不亦鄙哉噫人固動物精橫于內而性伏必外寓於物而後遣寓久則溺以爲當然非勝是而易之則悲而不開唯仕宦溺人爲至深古之才哲君子有一失而至於死者多矣是未知所以自勝之道予旣廢而

獲斯境安於冲曠不與衆驅因之復能見乎內外失得之  
源沃然有得笑閔萬古尚未能忘其所寓自用以爲勝  
焉舜欽滄浪詩一逕抱幽山居然城市間高軒面曲水修  
竹慰愁顏迹與豺狼遠心隨魚鳥閑吾甘老此境無暇事  
機關滄浪觀魚瑟瑟清波見戱鱗浮沈追逐巧相親我嗟  
不及羣魚樂虛作人間半世人滄浪靜吟獨遠虛亭步石  
石靜中情味世無雙山蟬帶響穿疎戶野蔓盤青入破窓  
二子逢時猶死餓三閭遭逐便沈江我今飽食高眠外唯  
恨澄醪不滿缸滄浪懷友滄浪獨步亦無悰聊上危臺四  
望中秋色入林紅黯淡日光穿竹翠玲瓏酒徒漂落風前  
燕詩社蜀零霜後桐君又甞來還徑往醉吟誰復伴衰翁  
獨步花枝低欲飲草色齊不可騎入步時宜時攜酒只獨  
往醉倒唯有春風知又初晴遊夜雨連明春水生嬌雲濃  
澹弄微晴簾虛日薄花竹靜時有乳鳩相對鳴歐陽脩子  
美寄我滄浪吟邀我共賦滄浪篇滄浪有景不可到使我  
東望心悠然荒灣野水氣象古高林翠阜相回環新篁抽  
笋添夏景老桺亂發爭春妍水禽閑暇事高格山鳥日夕  
相啾喧不知此地幾與廢仰視喬木皆蒼煙堪嗟人迹到  
不遠雖有來路曾無緣窮奇極怪誰似子搜索幽隱探神  
仙初尋一逕入蒙密豁見異境無窮邊風高月白最宜夜  
風一片瑩淨鋪瓊田清光不辨水與月但見空碧涵漪漣清  
風明月本無價可惜祇賣四萬錢又疑此境天乞與壯士



憔悴天應憐鴟夷古亦有獨往江湖波濤渺翻天崎嶇世  
路欲脫去反以身試蛟龍淵豈如扁舟任飄兀紅蕖綠浪  
搖醉眠丈夫身在豈長棄新詩美酒聊窮年雖然不許俗  
客到莫惜佳句人間傳胡宿竄逐本無罪羈窮向此忘野  
煙含悵望落日滿滄浪亂草荒來綠幽蘭死亦香楚魂招  
不得秋色似瀟湘胡瑄昔聞滄浪亭未濯滄浪水先賢眇  
遺跡壯觀一何侈飛橋跨木末巨浸折胡壘糟牀行萬壑  
繚牆周數里廢興固在天庶用觀物理緬懷嘉祐世周道  
平如砥相君賢相君在美東南美如何一網盡禍豈在故  
紙青蠅變白黑作俑茲焉始所有醉翁文垂耀信百世無  
忘角弓詠嘉樹猶仰止同來二三子感歎咸坐起漂窆醜  
新汲毀譽均一洗忽逢醒狂翁一別垂二紀雋哉老益壯  
論事方切齒我欲裂絳幔推着明光裏安得上天風吹落  
君王耳梅堯臣寄題滄浪亭聞買滄浪水遂作滄浪人置  
亭滄浪上日與滄浪親宜日滄浪叟老向滄浪濱滄浪何  
處是源庭相與鄰竹樹種已合魚鱗時可緡春羹茱白菰  
夏鼎烹紫萸黃相攜霜晚香稻炊玉新行吟招隱詩懶戴  
醉巾巾憂患兩都亡還往誰與頻昨得除陽書語彼事頗  
真曩子初去國我勉勿迷津四方不可之中土百物淳今  
子居所樂豈不遠喚塵破髮異太伯結客非春申莫與吳  
俗尚吳俗多文身蛟龍刺兩股未變此遺民讀書本爲道  
不計賤與貧當須化問里庶使禮義臻劉敬觀滄浪亭石

感而有作蘇君在朝人不知蘇君既沒人悲之流風遺書  
見稱道高文大句爭提撕壁間草隸亦不置剝苔堆立無  
棄遺乃知死不與人共利害而後不爲時所疑滄浪亭空  
卉木老古石蒼蒼顏色好無脛猶能千里來致身忽在都  
門道帝都王侯好事多相看自悔取不早君  
不見吳興長史春襴衫閉門抱根長枯槁

南園吳越廣陵王元璩之舊圃也老木皆合抱流水奇石參

錯其間王禹偁爲長洲令常攜客醉飲有詩曰天子優

賢是有唐鏡湖恩賜賀知章他年我若功成後乞與南園  
作醉鄉大觀末蔡京罷相欲東還詔以園賜之京有詩云  
八年帷幄竟何爲更賜南園寵退歸堪笑當時王學士功  
名未有便吟詩禹偁詩石尙存續經云舊有三閣八亭二  
臺龜首旋螺之類歲久摧圯至元豐中猶有流杯四照百  
花樂堂惹雲風月等處每春縱士女游觀兵火之後皆不

復有今園屬張循王家

羅隱南園博擊路終迷南山且灌

春蕊開科同早薤齊雨沾虛檻冷雲壓遠山低竹好還成

徑桃夭亦育蹊小窓飛野馬閑窺養醯雞水石心逾遠雲

霄分已睽病憐王猛畚愚笑隄囂泥澤國湖平與江村柳

覆堤到頭來興足誰手好持攜蘇舜欽西施臺下見名園

百草千花特地繁欲問吳王當日事後來桃李若爲言梅

夢長洲茂苑足珍材剝買前山活翠栽客上不涼承帶力

幾多臣節共安來長洲茂苑足珍材剝買前山活翠栽客上

李露濃三色秀徑桃烟暖一香飛日臨夕樹烏頻遶風揭

珠簾燕木歸弭蓋暫歡成結戀斜陽憑檻獨依依胡宿與

周元明遊南園一遍芳菲欲滿林回塘過雨曉來深紅粧

珠珮交花影白馬春衫度柳陰向老追攀多強意隨時風

物但驚心眼前百事輪年少猶解因君放浪吟周元明慢

爛花時錦繡張無端下馬繫垂楊山亭水閣笙歌地合與

行人作醉鄉程俱王子池臺迹已荒年來華構壓高岡長

林不礙千山月老榦猶含九夏霜便覺平泉冠東洛還

依綠水記南塘蝸廬却喜通幽徑峴幘時來一嘯長

東莊

九國志謂之東墅

與南園皆廣陵王元璪帥吳時其子文奉爲

衙內指揮使時所創營之三十年間極園池之賞奇卉異

木及其身見皆成合抱又累土爲山亦成巖谷晚年經度  
不已每燕集其間任客所適文奉跨白驪披鶴氅緩步花  
逕或汎舟池中容與往來聞客笑語就之而飲蓋好事如  
此

九國志吳  
越備史

鱸鄉亭在吳江始陳文惠公堯佐題松陵詩有秋風斜日鱸  
魚鄉之句屯田郎中林肇爲令乃作亭江上以鱸鄉名之

陳瓘瑩中主縣簿嘗賦詩

陳瓘鱸鄉亭中郎臺榭據江鄉  
雅稱詩翁賦卒章尊菜鱸魚好

時節秋風斜日舊煙光一杯有味功名小萬事無  
心歲月長安得便拋塵網去釣舟閑倚画欄傍

如歸亭在吳江張先子野徹而新之蔡襄君謨題壁云蘇州  
吳江之瀕有亭曰如歸者隘壞不可居康定元年知縣事  
祕書丞張先始爲大之云

七檜堂在天慶觀之東葉參少卿嘗守吳旣謝事因居焉作

此堂以佚老見其子清臣至大官餘見人物條

范仲淹詩退也天之

道東南事了人風波拋舊路花月伴閑身湖外扁舟遠門中駟馬新心從今日泰家似昔時貧見子登西掖攜孫過北鄰白雲高閣曙綠水後池春樽酒呼前輩爐香扣上真只應陰德在八十富精神

小隱堂秀野亭在城北蔣堂嘗有過葉道卿侍讀小園詩云

秀野亭連小隱堂紅蕖綠篠媚滄浪卜山居士

道卿自號也

無

歸意却借吳儂作醉鄉

蘇人多游飲於此園

隱圃在靈芝坊樞密直學士蔣堂之居堂兩守吳謝事因家

焉自號遂翁圃中有巖扃水月菴煙蘿亭風簟亭香巖峰

古井貪山等堂嘗自賦隱圃十二詠結菴池上名水月宅

南小溪上結宇十餘柱名溪館又築南湖臺於水中皆有

詩

隱圃雅得菟裘地清宜隱者心緣葵才有甲青桂漸成

溪館

年來納組去林下得身還此清流處童童碧樹間

淵魚

樂且靜庭鶴壽而閑相自淮安趣誰同賦小山野

意本

自遂茲溪稱獨醒雲蘿環靜室水石照疎櫺殺竹編

書古

紉蘭作佩馨王通昔不偶時亦坐汾亭南湖臺危臺

竹樹

間湖水伴身閑清淺採香徑方圓明月灣放魚隨物

性載

石作家山自喜歸休早全勝賀老還噴吐鱸鱖羹

曉榭

水中央茲爲隱遯鄉小園香寂寂一派曉泱泱煙草

碧彌

岬霜桃紅壓牆一壺桃鴨夷儻居此未必入滄浪

水次

揭危亭煙隄四面平栽蘆延宿鷺種柳待啼鸞

雪霽

清流漲風來夜艇橫輕肥莫臨暨吾老懶逢迎

中隱堂在大酒巷都官員外郎分司南京龔宗元所居取樂

天詩大隱住朝市小隱入邱樊不如作中隱隱在留司間

乃作中隱堂與屯田員外郎程適太子中允陳之奇遊從

極文酒之樂皆耆德碩儒掛冠而歸者吳人謂之三老

樂圃朱長文伯原所居在雍熙寺之西號樂圃坊圃中有高

岡清池喬松壽檜此地錢氏時號金谷朱父光祿始得之  
伯原營以爲圃名德所寓邦人珍之因號其巷曰樂圃坊

朱自有記

樂圃記

大丈夫用於世則堯吾君虞吾民其膏澤流乎天下及乎後裔與夔契並其名與周召

偶其功苟不用於世則或漁或築或農或圃勞乃形逸乃  
心友沮溺肩綺季追嚴鄭躡陶白窮通雖殊其樂一也故  
不以軒冕肆其欲不以山林喪其節孔子曰樂天知命故  
不憂又稱顏子在陋巷不改其樂可謂至德也已余嘗以  
樂名圃其謂是乎始錢氏時廣陵王元琰者實守姑蘇好  
治林圃其諸徇其所好各因隙地而營之爲臺爲沼今城  
中遺址頗有存者吾圃亦其一也錢氏去國圃爲民居更  
數姓矣慶歷中余家祖母吳夫人始構得之先大父與叔  
父或游焉或學焉每良辰美景則奉板輿以觀于此厥後  
稍廣西墻以益其地凡廣輪逾三十畝予嘗請營之以爲  
先大父歸老之地熙寧之末新築外垣盡覆之瓦方將結  
宇而親年不待旣孤而歸於是遂卜居焉月葺歲增今更  
數載雖敝屋無華荒庭不甃而景趣質野若在巖谷此可  
尚也圃中有堂三楹堂家有廡所以宅親黨也堂之南又  
爲堂三楹命之曰遠經所以講論六藝也遠經之東又有  
米廩所以容歲儲也有鶴室所以畜鶴也有蒙齋所以教

童蒙也遂經之西北隅有高岡命之曰見山岡上有琴臺  
琴臺之西隅有詠齋此予嘗拊琴賦詩於此所以名云見  
山岡下有池水入于坤跨流爲門水由門縈紆曲引至于  
岡側東爲谿薄于巽隅池中有亭曰墨池余嘗集百氏妙  
迹於此而展玩也池岍有亭曰筆谿其清可以濯筆谿傍  
有釣渚其靜可以垂綸也釣渚與遠經堂相直焉有三橋  
度谿而南出者謂之招隱絕池至于墨池亭者謂之幽興  
循岡北走度水至于西圃者謂之西圃西圃有草堂草堂  
之後有華嚴庵草堂西南有土而高者謂之西邱其木則  
松檜梧柏黃楊冬青椅桐檉柳之類柯葉相蟠與風颺颺  
高或參雲大或合抱或直如繩或曲如蓋或蔓如附或偃  
如傲或參如鼎足或並如釵股或圓如蓋或深如幄或如  
蛻虬臥或如驚蛇走名不可以盡記狀不可以殫書也雖  
雪霜之所摧壓鷗鷺之所擊撼槎牙摧折而氣象未衰其  
花卉則春繁秋孤冬畦夏倚珍藤幽薌高下相映蘭菊猗  
猗蒹葭蒼蒼碧蘚覆岍慈筠列砌藥錄所收雅記所名得  
之不少爲不多桑柘可蠶麻紵可緝時果分蹊嘉蔬滿畦標  
梅沈李剝瓜斷壺以娛賓友以約親屬此其所有也予於  
此圃朝則誦犧文之易孔氏之春秋索詩書之精微明禮  
樂之度數夕則泛覽羣史歷觀百氏考古人是非正前史  
得失當其暇也曳杖逍遙陟高臨深飛翰不驚皓鶴前引  
揭厲于淺流躊躇于平阜種木灌園寒耕暑耘雖三事之



位萬種之祿不足以易吾樂也然余觀羣動無一物非空  
者安用拘於此以自贅耶異日子春之疾瘳尚平之累遣  
將扁舟桴海浮游山岳莫知其所終極雖然此圖者吾先  
光祿之所遺吾致力於此者久矣豈能忘情哉凡吾衆弟  
若子若孫尚克守之母顏爾居母伐爾林學於斯食於斯  
是亦足以爲樂矣予豈能獨樂哉昔戴顒寓居魯望歸隱  
遺迹迄今猶存千載之後吳人猶當指此相告曰此  
朱氏之故園也元豐三年十二月朔吳郡朱伯原記

紅梅閣在小市橋天聖中殿中丞吳感所居吳有姬曰紅梅  
因以名閣又作折紅梅詞傳於一時蔣堂亦有吳殿丞新  
葺兩圃詩有深鎖煙光在樓閣旋移春色入門牆之句吳  
死閣爲林少卿家所得

三瑞堂在閭門之西楓橋孝子姚淳所居家世業儒以孝稱  
蘇文忠公往來必訪之嘗爲賦三瑞堂詩姚氏致香爲獻  
公不受以書抵虎邱通長老云姚君篤善好事其意極可

嘉然不須以物見遺惠香八十罐却託還之已領其厚意

實爲他相識所惠皆不留故也

蘇軾詩君不見董召南隱居行義孝且慈天公亦恐

無人知故令雞狗相哺兒又令韓老爲作詩爾來三百年名與淮水東南馳此八世不乏此事亦時有楓橋三瑞皆目見天意宛在虞鰥後惟有此詩非昔人君更往求無價手

五柳堂胡稷言所居在臨頓里陸龜蒙之舊址也

如村胡嶧所居嶧父稷言作五柳堂至嶧又取老杜宅舍如荒村之句名其居曰如村

范家園在雍熙寺後范周無外所居

逸野堂在崑山老儒王僖所居僖累試不利以讀書自娛教其姪孫葆爲名儒至今此堂爲邑人所稱

醉眠亭在松江李無晦所居李本湖人徙居松江高尚不仕

以詩酒自娛治園亭號醉眠

漫莊在毗村處士顧禧所居禧棄官高隱讀書以老鄉人貴

重之後其居有名

章憲何許明人眼松間見古堂泉聲到  
柴几山影覆繩牀愛酒陶元亮聽蛙孔

德璋紛紛戰蠻  
觸邱壑信難忘

蝸廬在城北中書舍人程俱致道所居俱政和間自監舒州

茶場上書論時政不合來家於吳葺小屋號蝸廬中有常

寂光室勝義齋嘗賦遷居蝸廬詩及蝸廬後隙地種植竹

菊鳳仙雞冠紅菖芭蕉水青等七詠

遷居蝸廬有舍僅容  
膝有門不容車簣中

執非寄是豈真吾廬不作大耳兒閑闢種蔬茅簷接環  
堵無地可灌鋤不作下榻翁一室謝掃除平生四海志投  
老河魚枯願從素心人不減南村居蕭然冰炭外傲睨萬  
物初坐視蠻觸戰兼忘糟粕書聊呼赤松子伴我適陽虛  
又葺蝸廬吳下四海無廬着此翁故營松竹儘囊空明知  
計出柏馬下正擬身全木鴈中東郭易成生草舍南村先

怯卷茅風向來豪氣今  
如此敢與元龍較長雄

復軒在吳縣之黃村處士章憲自作記謂葺老人之廬治東

廡之軒以貯經史百氏之書名之曰復以警其學其後圃

又有清曠堂詠歸清閼遐觀三亭以慕古尙賢各有詩復軒

記其歌云洞視今八荒了無物兮往無旁往古來今兮無

際起復代謝兮不失吾常復乎復乎吾所寓兮廣莫之野

而無何有之鄉清曠堂吾慕仲公理卜居樂清曠茲焉愜

吾願名堂以自況我無適俗韻且乏食肉相何許寄吾生

棲遲翳窮巷境幽有經行心遠無得喪從容大化中信是

羲皇上詠歸亭吾慕曾夫子含瑟言所志所志則非邦獨

契聖者意暮春春服成從我才一二風乎林岫間所樂有

餘味邈矣千載上神交得冥契當知結駟非不易窮閭是

清閼吾慕韓昌黎文章妙百世體物語尤工賦竹誇清閼

唯我獨好之則亦有深意虛中可受道貫時無險易復若

魏文貞直節而嫵媚伊余清閼中賞玩有遺味還觀亭吾

慕陶靖節處約而平寬涉園自成趣矯首復遐觀我亦散

遊目俛仰天地間雲煙自舒卷湖嶺相回環永與

形役謝豈有俗慮干想像斜川遊千載乃相關

臞菴在松江之濱邑人王份有超俗趣營此以居圍江湖以  
入圃故多柳塘花嶼景物秀野名聞四方一時名勝喜遊  
之皆爲題詩圃中有與閑平遠種德及山堂四堂煙雨觀  
橫秋閣凌風臺鬱我城釣雪灘琉璃沼臞翁澗竹廳龜巢  
雲關纈林楓林等處而浮天閣爲第一總謂之臞菴份字  
文孺以特恩補官嘗爲大冶令歸休老焉題詩甚多不可  
悉錄錄其尤著于此俾其家世保焉

徐作開菴紫莧幽人  
室邱園隱者居一原

青障合萬木綠陰疎手把歸田賦腰懸種樹書桑麻連畛  
秀網罟入溪漁蒙與義一島風煙水四圍軒亭窈窕更幽  
奇眼中泉石論溪買行處壺觴逐境移勒馬憩隄前日路  
寒松偃蹇舊年枝自嗟老去殊癡絕一月春愁廢作詩  
本中伊洛富山水家有五畝園花竹遶瀝澗不讓桃花源  
清時足眞賞戶門開層軒一朝胡塵暗故家希復存莽蒼  
走萬里始及吳市門庵廬據形勝冰壺貯乾坤亭榭着仍  
穩不見斧鑿痕主人更超邁雲夢八九吞植杖邀我坐笑

語清而溫坐令車馬客稍識山林尊十年老朝市漸見兩  
目昏求田與問舍姑置不復論但願從我公不使世諦渾  
蘇庠王郎臞菴摩詰詩煙花繞舍江繞籬石渠東觀了無  
夢筆牀茶竈行相期古人已往不可作甫里顧有今天隨  
東鄰蟹舍肯着我請辦蓑笠懸牛衣浮天閣臞菴主人天  
與閑同欄飛閣臨滄灣晴波渺渺鴈行落坐見萬頃穿雲  
還百年有底付鳥翼未暇着脚鴛鴦間徑須呼酒澆魂磊  
莫遣暝色羶煙鬟玉蟾飛入水晶宮萬頃琉璃碎晚風  
詩就雲歸不知處斷山零落有無中秋落空江動碧虛  
黃蘆洲渚鴈飛初我來欲訪鴟夷子爲掛西風十幅蒲平  
遠堂柳外西風六幅蒲野塘睡鴨對春鉏如何喚得王摩  
詰畫作江南煙雨圖寒蘆淞淞催秋晚浦雨溟溟憶去  
年它日未埋黃土陌爲君重賦補亡篇草堂笛臥松江明  
月蓑披笠澤歸雲若道青霄快活王侯何事如君王鉅全  
家高隱白雲關事不榮懷夢亦閑款乃交撐漁市散隔江  
城郭是人間向子諢仙翁五十鬢猶青高臥柴門晝亦局  
茅舍已忘鍾鼎夢蒲輪休過薛蘿亭陰森門巷先生柳寂  
寞江天處士星晚歲田家農事了閑抄寧藏相牛經沈興  
求地控三州界池開十丈蓮桑麻無杜曲松菊有斜川別  
浦歸帆遠他山晚照妍江湖春水闊幽興白鷗前程子山  
待月凝雲關垂竿釣雪灘虛窓搖冷翠傑閣聳高寒籠養  
千齡鶴爐燒九轉丹不須論許事心目自清安壁上煙

蘿子窓前鴻素書短籬開窈窕嫩竹轉扶疎世事霜前葉  
聲名澗底樗柴桑陶靖節日暮荷歸鋤何偈多羨王居士  
心閑事幽山從天未見江近枕邊流春圃千葩秀霜林  
百果收更能窮物理濠上看魚游地占松江勝爲園不  
種瓜幽深清磬響高下石欄斜花密蜂隨蝶林深雀啣蛇  
勝如摩詰畫不是季鷹家柳外長虹臥江邊小市圓水  
搖千嶂影恣納五湖天隔岸誰家園開帆何處船非關臺  
榭好此地最堪憐霜落川原淡風高木葉丹雲垂千頃  
白月墮一江寒禮佛因成塔焚香旋築壇竹聲過小院雜  
珮響珊珊沙暖鴛鴦困江寒翡翠愁紅蓮秋的小院雜  
晚夷猶處世長無累端居百不憂時時明月下橫笛倒騎  
牛僧道舉竹裏蓬茅掩鉢扉上人詩瘦帶寬圍種成苜蓿  
先生飯製就芙蓉隱者衣柳絮春江魚婢至荻花秋渚鷹  
奴歸小溪短艇能容我先向溪隈築釣磯谿南谿北繞  
清漪舍後舍前圍短籬九九筭來成底夢依休歸去復何  
疑添丁見客走賒酒阿買能書供賦詩邱壑政非公事  
綺紈當預少年知李彌正和祝鑑韻勞車發危坂勸艘失  
飛湍泊泊碁磯子疾走殊未闌鶴仙擺名宦結廬松江干  
笑拍萍風浮瞬視草露溥圖川不愧輞序谷寧先盤門豈  
俗駕拒室無哀箏彈按行松菊間澹然有餘歡蓮巢衆香  
聚浮天百憂寬秋光斂洲渚暮翠籠峰巒我來挾良朋道  
故盟未寒練顏仰孤標耐久同蒼官終當役薪水刀圭却

衰殘陳棧季鷹雅志本江湖爲入洛誠計疎一杯萼羹  
入歸夢歲晚僅飽松江鱸何如王郎十畝宅一生江頭枕  
江碧西風落日弄煙波却笑陶朱計然策我來訪君春已  
深江花江柳翻綠陰相攜三徑拾瑤草爲問客來何苦心  
固知此事君計得我被微官苦相逼勸君謹勿語彈冠便  
恐紛紛北山檄沈清江橈檻白鷗飛坐看潮痕上釣磯  
松蘿未荒元亮徑芟荷先製屈平衣窓前楓葉曉初落  
亭下鱸魚秋正肥安得從君理蓑笠櫂歌相趣入煙霏

樂菴在崑山縣東六里圓明村侍御史李衡彥平歸老所居  
衡本江都人避地居崑山志氣卓犖不羣學問通性理登  
第後治縣有聲召對累遷樞密院檢詳諸房文字出典大  
藩俄引年而歸作此菴以經史圖畫自娛歲餘落致仕以  
侍御史同知貢舉復告老年幾八十起居不衰時過諸子  
於邑中已復還菴清脩絕俗給事惟一蒼頭俄旬餘不食  
謝去醫藥手書數十紙徧別親舊勅其子不得隨俗作佛



事書訖掩戶蕭然而化其家刻其遺書總一大軸士大夫

宗敬之

范文正公義宅在雍熙寺後

錢公輔謨范文正公義田記范


其親而貧疎而賢者咸施之方貴顯時於其里中買負郭  
常稔之田千畝號曰義田以養濟羣族族之人日有食歲  
有衣嫁娶凶葬皆有贍擇族之長而賢者一人主其計而  
時其出納焉日食人米一升歲衣人一縑嫁女者錢五十  
千娶婦者二十千再嫁者三十千再娶者十五千葬者以  
再嫁之數葬幼者十千族之聚者九十口歲入粳稻八百  
斛以其所入給其所聚沛然有餘而無窮仕而家居俟代  
者預焉仕而之官者罷其給此其大較也初公之未貴顯  
也嘗有志於是矣而力未逮者二十年既而爲西帥以  
至於參大政於是始有祿賜之入而終其志公既歿後世  
子孫至今修其業承其志如公存也公雖位充祿重而貧  
終其身歿之日身無以爲斂子無以爲喪唯以施貧活族  
之仁遺其子而已昔晏平仲弊車羸馬以朝陳桓子觴之  
曰君位之上卿祿之百萬而弊車羸馬是隱君之賜也晏  
子曰自臣之貴父之族無不乘車者母之族無不足於衣  
食者妻之族無凍餒者齊國之士待臣而舉火者三百餘

家如此爲隱君之賜乎彰君之賜乎於是齊侯以晏子之  
觴而觴桓子子嘗愛晏子好仁齊侯知賢而桓子服義也  
又愛晏子之仁有等發而言有次序也先父族次母族次  
妻族而後及其疎遠之賢孟子曰親親而仁民仁民而愛  
物晏子爲近之今觀文正公之義垂於身後其與晏子比肩矣然晏  
子之仁止於生前而公之義垂於身後其規模遠舉又疑  
其過之嗟乎世之人都三公位享萬鍾祿其邸第之雄輿  
馬之盛聲色之侈妻孥之富止乎一已而族之人不得其  
門而入者豈少哉況於施賢乎其下爲卿爲大夫爲士而  
虞稍之充奉養之厚足乎一已而族之人操瓢爲溝中瘠  
者又豈少哉況於闢人乎是皆文正公之罪人也公之忠  
義滿朝廷事業滿邊陲功名滿天下後必有良史書之者  
予可無書也獨書其義田以警於世云義宅記吳門范氏  
自唐柱國麗水府君居于靈芝坊今在雍熙佛寺之後五  
世孫文正公少長北地皇祐中守杭始至故鄉訪求宗族  
買田千畝作義莊以贍之宅有二松名堂以歲寒閣曰松  
風因以爲居以爲義宅聚族其中義莊之收亦在焉中更  
兵燬族黨星散故基榛蕪編民豪據爲居宇爲場圃穢直  
無幾甚失初意栗無所儲寓於天平山墳寺倍有往來給  
散之勞尋復圯廢改寘城中及寄他舍病此久矣自公長  
子監簿而下又五世而至良器一日謂二弟曰先君奉議  
念此有年齋志而歿吾儕當有以振起之慨然自任思圖

其新於是歷告居民盡除觥直約期而遣之不服者訴于  
郡于監司以至上達臺省提刑臨川何公異太守四明鄭  
公若容咸義此舉力爲主張由是悉得故地周一千四百  
八十丈首捐私帑繚以垣牆創建一堂仍扁歲寒以祠文  
正結屋十楹以處貧族就立新倉寢復舊觀庀役於慶元  
二年之季夏中秋告成不愆于素觀者無不歎息覩掌出  
納一年以爲後式選族子之廉謹者二人繼之詳具要束  
以補舊規揭于堂上田籍之傳遠者俱刻之石以爲永久  
之計介弟之柔讀世科於百二十有四載之後尤勇於義  
既力贊其兄謀之屬鑰爲記始末鑰不佞先祖少師收卹  
宗族有意於此而歲不與伯父揚州始爲之雖不及文正  
公之盛而寒宗之貧者賴以自給亦四十餘年于茲先工  
部欲附益之清貧終身猶未果也見范氏家法爲之愧歎  
是舉也衍文正公累世之遺澤伸先奉議九原之餘恨又  
以綿范氏無窮之休豈不偉哉嗚呼文正公奮身孤藐未  
嘗賴宗人毫髮之力旣達則闔族受解衣推食之恩天佑  
范氏三子鼎貴皆以宏才高誼上繼父風後人得維持憑  
藉以保其家良器一布衣而決意興起不惟義宅載新義  
莊亦復整飭剔蠹省費又爲數世之利用心如此後其興  
乎嗚呼文正初立規矩止具給予之目僅設預先支請之  
禁不數年忠宣公已慮其廢壞故治平奏請聖旨違犯義  
莊規矩之人許令官司受理又與右丞侍郎自熙寧以至

政和隨事立規關防益密今之規約又加密矣一門同姓  
爲此義事其難如此況天下之大思所以爲億萬世之計  
者又可忽乎嗚呼衣冠之族不免飢寒者甚衆願如范氏  
之宗派而不可得今坐享飽暖者幾人若人人如良器用  
心更相扶持以永其傳則善矣若曰是我所當得者而不  
思所自來甚者反爲蠹於其間則文正諸公實臨之其聞  
于有司曰公元者蓋今之族長云三年立秋顯謨閣直學  
士太中大夫提舉江州太平興國宮奉化縣開國男食邑  
三百戶樓  
鑰記并書

# 吳郡志卷十四



吳郡志卷十五

山

姑蘇山一名姑胥一名姑餘連橫山之北古臺在其上

靈巖山卽古石鼓山又名硯石山董監吳地記案郡國志曰  
吳王離宮在石鼓山越王獻西施於此山山有石馬望之  
如人騎南有石鼓鳴卽兵起亦名硯石山又有琴臺在其  
上越絕書云吳人於硯石山作館娃宮劉逵注吳都賦引  
楊雄方言云吳有館娃宮吳人呼美女爲娃故三都賦云  
幸於館娃之宮張女樂而娛羣臣今吳縣有館娃鄉又云  
硯石山有石城去姑蘇山十里闔閭養越美人於此上有  
兩湖湖中有蓴充貢按此卽今靈巖山以上皆董監所記

今按吳越春秋吳地記等書云闔閭城西有山號硯石山高三百六十丈去人烟三里在吳縣西三十里上有吳館娃宮琴臺響屨廊山上有西施洞硯池翫月池山頂之池有葵藋夏能去熱秋則去寒吳中每年暴乾供進其池至早不竭葵藋今不復採琴臺下有偃松身臥於地兩頭崛起交蔭如蓋不見根之所自出吳人以爲奇賞比年雷震一枝已瘁山下平瞰太湖及洞庭兩山滴翠叢碧在白銀世界中亦宇內絕景山前十里有採香徑斜橫如臥箭云梁天監中始置秀峰寺今爲顯親崇報禪院餘在寺門天平山在吳縣西二十里此山在吳中最爲崑崙高聳一峰端正特立續圖經以爲吳鎮不誣也山皆奇石卓筆峰爲

最山半白雲泉亦爲吳中第一水比年有寺僧師壽搜採

巖巒別立數亭皆奇峭又於白雲之上石壁中得一泉如

綫尤清冽云

蘇舜欽吳會括衆山最不可數其間號天

知造物意必以屏大府清溪至峰前仰視勢飛舞偉石如  
長人肅立欲言語捫蘿緣險磴爛漫松石古中腰有危亭  
前對翠壁舉石竇迸玉泉冷泠四時雨源生白雲間顏色  
若粉乳早年或播灑潤可足九土奈何但澄徹未爲應龍  
取子方棄塵中巖壑素自許盤桓擇勝處至此快心膺養  
內聊自清終勝甘於虎范師道萬物天地間或有奇勝迹  
見賞能幾人不止今與昔吳門多好山天平爲峻極旦暮  
常白雲表裏皆珍石烟嵐十里光松桂四時色我因一縱  
遊煩襟爲開釋感古懷君子翻然長太息樂天賞雲泉詩  
章何歷歷垂今數百年繼者漠然寂間遇希文來雙旌守  
鄉國行春三讓原吟哦盡所得子美天與才尋幽多採撫  
賦百五十言平地黃金擲三賢固有名山亦資輝赫比去  
還幾年不逢好事客楊備久厭城居適野情措筇  
躡屐傍山行人間多少嶮巖路縱是天平還不平

香山胥口相直吳王種香於此山遣美人採香焉旁有山溪



名採香逕事具古蹟門

胥山在太湖之口吳王殺子胥于江吳人立祠江上因名胥

山詳具辨證門

穹窿山吳中山最高深處赤松子取赤石脂於此神仙傳赤

松子秦穆公魚吏也食桂實石脂絕穀後去吳山升仙去

吳都賦云赤松蟬蛻而附麗此有寺名福臻

楊備穹窿山吳郡名山第

一山翠微心在碧霄間林泉瀟灑烟嵐秀直擬結廬終老閑

華山在吳縣西六十三里老子枕中記云吳西界有華山可  
以度難父老云山頂北有池上生千葉蓮華服之羽化因  
曰華山長林森天荒楚蔽日輿地志云山上有石鼓晉隆  
安中鳴乃有孫恩之亂比年有土人張氏買此山以葬開

鑿巖石甚奇勝山半有大壑曰天池最佳處也

華山精舍記楊備詩

巖屏晚樹噪寒鴉嵐翠樓臺釋子家  
池面鏡光功德水金波影裏石蓮花

洞庭包山卽洞庭山也傳記所載多與洞庭相雜吳地記云  
在縣西一百三十里中有洞庭深遠世莫能測吳王使靈  
威丈人入洞穴十七日不能盡因得禹書郡國志洞庭山  
有宮五門東通林屋西達峨眉南接羅浮北連岱嶽東有  
石樓樓下兩石扣之清越所謂神鉦昔有青童乘獨颺飛  
輪之車尙傳至此其跡上有天帝壇山山有金牛穴吳孫  
權令人掘金金化爲牛走上山其跡存焉吳王闔閭作水  
精宮於此尤極水府之珍怪元中記云吳國西有具區澤  
中包山有洞庭入地下潛行通琅邪東武淮南子云斷修

蛇於洞庭左傳云哀公元年夫差敗越於夫椒今太湖東別有夫椒山下有大洞天窗潛通五岳又云包山上舊無三班謂蛇虎雉侯景亂後乃有虎蛇五符云林屋山一名包山在太湖中下有洞潛通天岳號天后別宮夏禹治水平後藏五符於此吳王闔閭使靈威丈人入山所得是也真誥云包山下有石室銀房圍百里又有白芝隱泉其水紫色元中記云吳國西有具區中有包山洞庭地下潛通琅邪東武山山穴道一名椒山哀公九年越敗吳夫差于夫椒卽此是又名洞庭山吳大帝時使人行二十餘里而返云上聞波浪聲有大蝙蝠如鳥拂殺火穴中高處照不見顛左右多有道人馬跡禹治水過會稽夢人衣元纁告

治水法在此山北鈿函中并不死方禹得藏於包山石室  
吳人得之不曉問孔子云王居殿赤烏銜集庭此何文字  
曰此禹石函文也元中記又曰吳西具區澤中包山有洞  
庭室戰國策曰越王散卒三千擒夫差於干隧吳郡西北  
有地名干隧是也句曲山聞有靈府洞庭四開古人謂爲  
天壇之靈區天后之便闕清虛之東牕林屋之隔沓衆洞  
相通七塗九便四方交達天后者林屋洞中之真君住在  
太湖包山下靈威丈人所入得靈寶符處也又云包山下  
有石室銀戶方圓百里有白芝亦名林屋山今洞庭山  
在太湖湖中有東西二山西山最廣林屋洞及諸故物悉  
在焉東山有柳毅井爲故跡房琯云不遊興德洞庭未見

山水興德杭州寺也洞庭景物互見太湖門

皮日休雨中遊包山精舍

松門亘五里彩翠高下絢幽人共躋攀勝事頗清便雲霧  
杯上雨隱隱湖中電薜帶輕束腰荷笠低遮面濕屢黏烟  
霧穿衣落霜霰笑次度巖壑困中遇臺殿老僧三四人梵  
字十數卷地稀無夏屋境僻乏朝膳散髮抵泉流支頤數  
雲片坐石忽忘記捫蘿不知倦異蛇時似錦幽禽或如鈿  
策筭還憂刃併欄自搖扇俗態既斗數野情空眷戀道人  
摘芝菌爲余備午饌渴興石榴羹飢慙胡麻飯如何事於  
役茲遊急于傳却將塵土衣一任瀑絲濺陸龜蒙包山信  
神仙主者上真職及棲鐘梵侶又是清京城乃知煙霞地  
絕俗無不得巖開一逕分柏擁深殿黑僧閒若圖畫像古  
非彫刻海客施明珠湘蕤料軒淨食有魚皆玉尾有鳥盡  
金臆手攜鐸鐸佐歸信若在中印國千峯殘雨過萬籟清  
且極此時空寂心可以遺智識知君戰求勝尚  
倚功名力却下聽經徒駐紮孤帆有行色

林屋館卽洞庭前代蓋有宮館非今龍宇處也

陳沈炯林屋館銘夫元之

又元處衆妙之極可乎不可成道行之致斯蓋寂寥宵冥  
希微恍惚故非淮南八仙之圖賴卿九井之記至若崑山  
平圖銀榜相暉蓬閣仙宮金臺崛起南瞰胥臺傍連飛閣  
桂柱瓊軒口口雲瑞銘曰大道旣隱衆聖無門悠悠太極

誰見元根祈年立秦望仙表漢髮髯神靈依稀宮觀  
林屋輪奐徘徊庭羅花鳥室靜塵埃皮日休縹緲峯  
華陽帽手拄大夏筇清晨陪道侶來上縹緲峯帶露  
蔓和雲尋鹿蹤時驚肥鼠飛上千丈松翠碧內有室  
之虛磴鑿上訶殿古穴下徹海視之寒鴻濛遇歆有  
思緣危無倦容須臾到絕頂似鳥穿樊籠恐足蹈海  
身凌天風衆岫點巨浸四方接圓穹似將青螺髻撒  
月中片白作越分孤嵐爲吳宮一陣靉靆氣隱隱生  
激雷與波起狂電將日紅礮礮雨點大金鼙轟下空  
隔雲閃髣髴巨天龍連拳百丈尾下拔湖之洪粹爲  
山欲與昭回通移時却攜下細碎衡與崧神物諒不  
景尤難窮杖策下反照漸聞仙觀鍾煙波噴肌骨雲  
心胷竟死愛未足當生且歡逢不然把天爵自拜太  
陸龜蒙左右皆跳岑孤峯挺然起因思縹緲稱乃在  
裏清晨躋磴道便是屏顏始據石卽更歌遇泉還徒  
奇忽如薦樹曲渾成几樂靜煙靄知忘機猿狖喜頻  
過斗末造平如砥舉首閱青冥迴眸下眎高帆大於  
廣潭蹤纔類蟻就此微茫中爭先未嘗已葛洪話剛  
地四十里苟能乘之遊止若道路耳吾將自峯頂便  
帝屐盡欲活羣生不唯私一已超騎明月幹復弄華  
却下蓬萊巔重窺清淺水身爲大塊客自號天隨子  
向華陽敲雲問姓氏皮日休桃花塢黃緣度南嶺盡日

林樾窮深到茲塢逸興轉超忽塢名雖然在不見桃花發  
恐是武陵溪自閉仙日月倚峯小精舍當嶺殘耕堡將洞  
任迴環把雲恣披拂閑禽啼叫篠險狖眠碑硯微風吹重  
嵐碧埃輕勃勃清陰滅鶴睡秀色治人渴敲竹鬪鉶縱弄  
泉爭咽嘔空齋蒸柏葉野飯調石髮空羨塢中人終身無  
履轍陸龜蒙行行問絕境貴與名相親空經桃花塢不見  
秦時人願此爲東風吹起枝上春願此作流水潛浮葉中  
塵願此爲好鳥得棲花際鄰願此作幽蝶得隨花下賓朝  
爲照花日暮作涵花津試爲探花士出作偷桃臣桃源不  
我棄庶可全天真張祐洞庭南館詩一逕逗霜林朱欄遠  
碧岑地盤雲夢角山鎮洞庭心樹白看烟起沙紅見日沈  
還因此悲屈惆悵又行吟白居易早發洞庭閭門曙色欲  
蒼蒼星月高低宿水光棹舉影搖燈燭動舟移聲拽管絃  
長漸看梅樹紅生日遙見包山白帶霜出郭已行十五里  
惟消一曲慢寬裳又洞庭小湖湖山上頭別有湖菱荷香  
氣占仙都夜含星斗分乾象曉映雷雲作畫圖風動綠蘋  
天上浪鳥棲寒照月中鳥若非神物多靈迹爭得長年冬  
不枯方干早發洞庭長天接廣澤二氣共含秋舉目無平  
地何心戀直鉤孤鍾鳴大听片片月中落中流却憶鴟夷子當  
時此泛舟皮日休入林屋洞齋心已三日筋骨如烟輕腰  
下佩金獸手中持火鈴幽塘四百里中有日月精連亘三  
十六各各爲玉京自非心至誠必被神物烹顧余慕大道

不能惜微生遂招放曠侶同作幽憂行其門纔函丈初若  
盤薄礪洞氣黑眈眈髮紅鬚試足值坎省低頭避崢嶸  
巖攀緣不知倦怪異焉敢驚匍匐一百步稍玲瑯可橫忽  
焉白蝙蝠來撲松炬明人語散瀕洞石響高玲瑯造平淡  
蛇氣頭上波浪聲有時若服匿偏仄如見繡俄爾造平淡  
豁然逢光晶金堂似鑄出玉座如琢成前有方丈沼凝碧  
融人情雲漿湛不動喬露涵而馨漱之忍減筭勺之必延  
齡愁爲三官責不敢攜一瓢昔云夏后氏於此藏真經刻  
之以紫琳祕之以丹瓊期之以萬祀守之以百靈焉得彼  
丈人竊之不加刑石匱一以出左神俄不局禹書旣云得  
吳國由是傾薛縫纔半尺中有怪物腥欲去旣嘆惜將迴  
又伶俚却遵舊時道半日出杳冥履泥黠惹石髓衣濕沾  
雲英元籙乏仙骨青文無絳名雖然入陰宮不得朝上清  
對彼神仙窟自厭濁俗形却怪造物者遣我騎文星陸龜  
蒙知名十小天林屋當第九耳聞三十六洞天知名其未  
世行題之以左神理之以天后天闕六洞左神幽靈志未  
堆僻邪輩左右專備守自非方瞳人不入雲竄中深劇苦井  
奇士復嘯忘情友致傘在風林低冠入雲竄中深劇苦井  
傍坎纔藥臼石角忽支頤藤根時束肘初爲大幽怖漸見  
微明誘屹若造靈封森如達仙藪嘗聞白芝秀狀與琅花  
偶又坐紫泉光甘如酌天酒仙之飲餌非常人所能得神  
何人能挹嚼餌以代漿糗却笑探五符徒勞步雙斗真君



不可見焚壘空遲久眷戀玉碣文行但迴首王禹偁洞  
庭山吳山無此秀乘暇一遊之萬頃湖光裏千家橘熟時  
平看月上早遠覺鳥歸遲近古誰真賞白雲應得知李彌  
大遊洞庭山昔白樂天爲姑蘇太守遊洞庭山題詩翠峰  
寺有笙歌畫舟之句紹興王子彌大守平江閱月而罷片  
帆來遊首訪翠峰追懷古昔擬樂天體聊繼其韻時異事  
別各遂所適之樂爾詩云山浮羣玉碧空沈萬頃光涵幾  
許深梵剎樓臺噓海蜃洞天日月浴丹金秋林結綠留連  
賞春塢藏紅次第吟擬泛一舟追范蠡從來世味不關心

# 菴裏旁龜山下有良田二十頃

皮日休菴裏菴裏何幽奇膏腴二十頃風吹稻花香直通舡

龜山頂青苗細膩臥白羽悠溶靜陸畔起鵝鵝田中通舡  
艣幾家傍潭洞孤戍當林嶺罷釣時煮菱停縵或焙茗峭  
然八十老生計於此永苦力供征賦怡顏過朝暝洞庭取  
異事包山極幽景念爾飽得知亦是遺民幸陸龜蒙山橫  
路若絕轉機逢平川川中水木幽高下兼良田溝塍墮微  
溜桑柘含疎烟處處倚蠶箔家家下漁竿騷憤臥新箴野  
禽爭折蓮試招搖首翁共語殘陽邊今來九州內未得皆  
恬然賊陣始吉語狂波又凶年吾翁欲何道守此常安眠  
笑我掉頭去蘆中聞刺船余知隱地術可以齊真仙終當從之遊庶復全於天

石板在石公山前

皮日休翠石數百步如板漂不流空疑水

子狂波忽然死浩氣清且浮似將翠黛色抹破太湖秋安

得三五夕攜酒林扁舟召取月夫人嘯歌於上頭又恐霄

景閣虛皇拜仙侯欲建九錫碑立當十二樓瓊文忽然下

石板誰能留此事少知者唯應波上鷗陸龜蒙一片倒山

屏何時驟洞門屹然空闊中萬古波濤痕我意上帝命持

來壓泉源恐爲庚辰官囚怪力所欺又疑廣袤次零亂旋

驚奔不然遭霹靂強半沈無垠如何造化手便截秋雲根

往事不足同奇蹤安可論吾今病煩苦據簞常昏昏欲從

石公乞石板旣石瑩理平如琉璃前後植佳

檣東西置琴樽盡攔天壤徒浩唱義皇言

龍頭山一名龜山在洞庭西山之東麓有石闢出如龜首相

傳以名一山皆青石溫潤光瑩扣之琅琅有金玉聲浙西

碑石與壓砌緣池皆取此石而出不知其數山如剝皮矣

舊有神女祠韋應物龍頭山神女歌龍頭之山直上洞庭

連青天蒼蒼煙樹閉古廟中有蛾眉成水仙

水府沈沈行路絕蛟龍出沒無時節魂同魍魎潛太陰沈

與空山長不滅東晉永和今幾代雲髮素顏猶眇眇陰沈

靈氣靜凝美的。嚦龍綃雜瑣。山精水魅不敢親昏明。響  
像如有人。蕙蘭瓊茅積煙露。碧窓松月無冬春。舟客經過  
莫。椒醕巫女南音歌。楚些。碧玉靈蕩漾。凌清波。孤峰絕  
代。徒傾國。向鬼肅猿鳴。垂女蘿。皓雪瓊枝殊異色。北方  
雲沒烟消。不可期。明堂翡翠無人得。精靈變態狀無方。游  
龍宛轉驚鴻翔。湘妃獨立九疑暮。漢女菱歌。春日長。始知  
仙事無不有。可惜吳宮空白首。

禹期山在太湖中舊說禹導吳江以洩具區會諸侯於此

思夫山在太湖中舊說秦有逸人居此採藥不回妻念之而  
死後人哀之以名山

踞湖山卽橫山也在城西南十五里以其背臨太湖若箕踞  
之勢然錢氏有國日造寺於山下曰薦福寺至今里人不  
以踞湖名山或以寺名名之山有五大塢圖經又名五塢  
山五塢舊名不雅皇祐五年節度推官馬雲三遊此山求

其林澗之美峰壑之秀雲景之麗泉石之怪因其物象各

以美名名五塢踞湖卽總五塢之衆名爲六題焉踞湖山臨太

湖上寺隱青蘿間五塢洞壑邃衆峰屏障環濃嵐面光彩

驚波背潺湲雲歸定僧寂月伴樵夫還林墅掩蒙密級磴

容躋攀錢氏建圭社此地爲家山芳桂塢森森芳桂樹團

團削青玉春花飛澗戶秋實墜巖曲霜條封翠紫風葉搖

香欒下有幽棲人結芳避世俗學仙讀丹經好道探藥錄

植根滿羣峰不使樵斧觸鴈鵲飛泉塢高嵯落飛泉深

源味冷列雲津留玉乳石髓澄金屑淙淙危磴響商滴蒼

鮮缺濃沫灑明珠滿澗融寒雪岩夫就漱飲姬子臨浣潔

不獨愈痼疾自可清內熱脩竹塢檀欒徧岩川幽谷氣象

鮮風玉自宮徵秋嶺成管絃夕靄起碧霧晨藏生綠煙花

繁紫鳳飽質勁蒼虬擎藤蘿交密蔭仰不見雲天欲訪桃

源路塢塢疑相連杳霞塢東澗岩谷秀粲然金碧麗亘野

丹氣明向曙霏烟弄絳縹紅玉泉林綺赤鳳髻日出諸峰

上月皎半天際幽谷紆絳繒層嵯嵯錦纈羨此山居人蕭

然遠壑世白雲塢君尋白雲塢最近林澗西永日抱幽石

因風度清溪炎隨夏景變涼高秋氣凄素靄生巘嶂練光

帶虹霓潤澤施天下還返故山棲深惟賢士志出處可與

齊訪踞湖山人仇君隱居雞犬眠雲白日空暮春花木滿

川紅茶甌香拂松林火藥杵聲清石澗風玉帛未聞招處  
士神仙今喜識臺翁夕陽半局殘碁在醉倚岩邊紫桂叢

秦餘杭山卽陽山也越入吳夫差晝夜馳走達於秦餘杭飢  
得生稻而食之曰是公孫聖所言不得火食走倬惶耶呼  
公孫聖三呼三應夫差大懼有頃越兵大至遂擒之

鯢山吳王旦食於鯢卽此山

東獄西獄二山在太湖中吳王於此置男女二獄

楊備雷霆號今雪霜

威二獄東西鎖翠微髣髴都叢棘地岩扉應是古園扉

栗山一名新石頭山上有飛泉石松有吳先主刻題處石杵  
西有金古於山採金劉道真記云縣西有名山絕頂之上  
有石甌一人搖輒動與千人不異

吳地記

會骸山相傳帶海有此山傳有金牛昔有兄弟三人共鑿求

之坎崩同死因以會骸爲名

吳郡緣海四縣記

虞山在常熟縣海虞縣西六里有虞山上有仲雍冢海虞卽

常熟也

陸道瞻吳郡記

鶴阜山亦名峯粵山世傳禹治水時令童男童女入太湖引出此山欲以填水至鶴邑墟不肯進因此以名或云卽師子山也

胥女山有白石山

小雞山在震澤西出胥門西行四十里過光福市市西五里土山也陸龜蒙采樵之處

陸山有石簣

故治山一峰上有碑云是徐水曹壇天帝曲水之曹旱牽牲

至塘頂祀之則有暴水洗塘

長檣山秦始皇鑿山以造帆檣因名

吳郡志卷十五



